

# 24 საათი

"24 საათის" ფიქციანი ნომერი

**\*2424**

„საქართველოში სიტუაციის დაძაბვის ყოველგვარი მსდებლობა ქრახით დასრულდება.“

A3



არასაკარლამენდო ოპოზიციის რეაქცია

A2



„კალა კავიტალი, ეკონომიკის სამინისტროს უპირისპირდება“

A6



## რუსეთთან კოორდინირებული ამბოხი

მიზანი: მინიმუმ - ნატო-ს სამხედრო წვრთნების ჩაშლა, მაქსიმუმ - ქვეყანაში სრულმასშტაბიანი სამხედრო ამბოხის მოწყობა

ინგა ალავეძე ხათუნა ჯანგირაშვილი

ნატო-ს სამხედრო წვრთნების ჩაშლის მიზნით, საქართველოს სხვადასხვა სამხედრო დანაყოფებში სამხედრო ამბოხი მზადდებოდა. ეს გეგმა კოორდინირებული იყო რუსეთთან და ნატო-ს სამხედრო წვრთნების ჩაშლასთან ერთად, ქვეყანაში ფართომასშტაბიანი სამხედრო დაუმორჩილებლობის მოწყობას ისახავდა მიზნად, - ასე შეფასდა გუშინ, მუხროვანის სამხედრო ნაწილში განვითარებული მოვლენები. მუხროვანის ბუნტი ერთხელ უკვე მოხდა - რვა წლის წინ. 2001 წლის 25 მაისს ეროვნული გვარდიის აბუნტებულ ჯარისკაცებს ის გენერლები მეთაურობდნენ, რომელთა სახელებიც რვა წლის შემდეგ, გუშინ მომხდარ ამბოხთან დაკავშირდა. გენერალი კობალაძე და სხვა ყოფილი გვარდიელები - ოთანაძე, წკრიალაშვილი ადრე იყვნენ დასაკავებლები. ისინი ჩამოყალიბებული კრიმინალები არიან და ეს ყველაზე ვიცოდით, - განაცხადა გუშინ მიხეილ სააკაშვილმა.

ბაზრძელობა A4 გვარძე



## ამბოხის ვასუხი - ნატო-ს გაფართოება ბაზრძელობა

დიმიტრი ავალიანი

მოსკოვი კატეგორიულად უარყოფს თბილისის ბრალდებებს სახელმწიფო გადატრიალების მცდელობასთან რუსეთის კავშირის შესახებ, თუმცა საქართველოში ნატო-ს წვრთნების ჩატარების წინააღმდეგ არგუმენტად სწორედ ქართულ შეიარაღებულ ძალებში ამბოხი მოჰყავს. ამ მოვლენების მიუხედავად, ალიანსი წვრთნების ჩატარებაზე უარს არ ამბობს. ალიანსის გენერალური მდივანი მოსკოვის მისამართით სავანგებოდ აცხადებს, რომ ნატო-ს გაფართოება გაგრძელდება.

ოფიციალური ვაშინგტონის მხრიდან საქართველოში მიმდ-

ნარე მოვლენებზე რეაგირება პირველად პენტაგონის ოფიციალურმა წარმომადგენელმა ბრაიან უიტმენმა მოახდინა. მისი თქმით, საქართველოში მომხდარი ამბოხება ცალკეულ შემთხვევას ჰგავს და პენტაგონი მოვლენებზე დაკვირვებას აგრძელებს. ოფიციალურმა მოსკოვმა გუშინ საქართველოს ხელისუფლების ბრალდებები კატეგორიულად უარყო. საქართველოს ბოლო ბრალდებები რუსეთის მისამართით საქართველოს ხელისუფლების ავადმყოფურ ფანტაზიებსა და უპასუხისმგებლო ქცევაზე მეტყველებს. ქვეყნის შიგნით დიალოგის ნაცვლად, საქართველოს ხელისუფლება რუსეთის აბსურდულ ბრალდებებს უყენებს, - განაცხადა რუსეთის საგარეო საქმეთა მინისტრის მოადგილემ გრიგორი კარასინმა.

ბაზრძელობა A3 გვარძე

## "არ დაარტყა, ჟურნალისტი!"

ვერიკო თაყვაძე

გუშინ "პირველი არხის" ჟურნალისტის ცემის ფაქტს მუხროვანის ხმაურიანი ინციდენტის ფონზე აქტუალობა არ დაუკარგავს. ოპოზიციონერ ბეჟან გუნავასგან განსხვავებით ("ეს რა ცემაა, კაცო..."), სახალხო დამცველის ოფისში შეკრებილმა საზოგადოების წარმომადგენლებმა მომხდარის გამო მწვავე რეაქცია გამოხატეს.

ოპოზიციის მტკიცებით, "პირველი არხის", კერძოდ დილის პროგრამა "ალიონის" ეკონომიკურმა მიმომხილველმა ნიკა ავალიანმა თავად გამოიწვია ოპოზიცია, როცა "სირცხვილის დერეფნის" საკნის გადაყირავებას შეეცადა. თავად ავალიანმა განაცხადა, რომ მისი საქციელი იყო რეაქცია აქციის მონაწილეთა მხრიდან გინებაზე.

აღნიშნული პრობლემის შესახებ გუშინ სახალხო დამცველის ოფისში გამართულ დახურულ შეხვედრაზე იმსჯელეს, რომელშიც მონაწილეობდნენ ჟურნალის-

ტები, ფსიქოლოგები, პოლიტიკოსები. მანამდე "პირველი არხის" ხელმძღვანელობამ სპეციალური განცხადება გაავრცელა. მათი შეფასებით, ოპოზიციის აქტივისტების ძალადობამ ღია და სასტიკი ხასიათი მიიღო. "რადიკალების ახალგაზრდა აქტივისტების უკანონო ქმედება პოლიტიკური ლიდერების თვალწინ და მათი უშუალო ნაქვეშებით მიმდინარეობს," - აღნიშნულია განცხადებაში. არხის ხელმძღვანელობამ მიმართა სახალხო დამცველს, საერთაშორისო ორგანიზაციებს, მედიის წარმომადგენლებს, მთელ საზოგადოებას, გამოხატონ თავიანთი პოზიცია "ბრძოლის იმ ფაზისტური, შუასაუკუნეებრივი მეთოდების მიმართ, რომელსაც რადიკალური ოპოზიცია მიმართავს."

სახალხო დამცველმა სოზარ სუბარმა ჟურნალისტების ფიზიკური შეურაცხყოფის გამო შემოთვალა გამოთქვა და შინაგან საქმეთა სამინისტროსგან ნიკა ავალიანის ცემის ფაქტის გამოძიება მოითხოვა.

ბაზრძელობა A2 გვარძე

**24 საათი**

"24 საათის" ელექტრონული ვერსია იხილეთ Web-გვერდზე **www.24saati.ge**

ჩვენი პარტნიორები:

თბილისი ბანკი TBC BANK  
ჩვენ ვაძლიერებთ ერთმანეთს

GRDC group  
პანის სადაზღვეო ჯგუფი

### ქრამლი თბილისს ადმინისტრაციული საზღვრის მილიტარიზაციაში ადანაშაულებს

მაშინ, როდესაც კრემლს კონფლიქტის რეგონებში უპრეცედენტო რაოდენობის რუსული სამხედრო ძალა ჰყავს შეყვანილი, რუსეთი საქართველოს სამხრეთ-ოსეთისა და აფხაზეთის ე.წ. ადმინისტრაციული საზღვრის მილიტარიზაციაში ადანაშაულებს.

რუსეთის ოფიციალურმა წარმომადგენელმა გაეროში ვიტალი ჩურკინმა საგანგებო განცხადება გააკეთა, რომელშიც აღნიშნა, რომ ამ დროისათვის სასაზღვრო რაიონში დიდი რაოდენობით ჯავშანტექნიკა და ცოცხალი ძალა თავმოყრილი, რაც რეგიონში მდგომარეობას კიდევ უფრო არასტაბილურს ხდის. საქართველო აგრძელებს კონფლიქტის ზონის სასაზღვრო მონაკვეთებში ცოცხალი ძალისა და მძიმე ჯავშანტექნიკის მობილიზებას. სამხრეთ ოსეთის საზღვართან განთავსებული არტილერია და 2500-მდე სამხედრო მოსამსახურე გამაგრებულია 35 მუდმივი და მობილური პოსტში. მიმდინარეობს სამხედრო წერტილები გორში. რეგიონში ევროკავშირის დამკვირვებლების ყოფნის მიუხედავად, ქართული მხარე მუდმივად აწყობს პროვოკაციებს. რაც შეეხება აფხაზეთს, მის საზღვრებთან 2000-მდე სამხედრო მოსამსახურე და პოლიციური შენაერთია მობილიზებული. მათ შეიარაღებაში გრადები და 120-მილიმეტრიანი ნაღმტყორცნები შედის, - განაცხადა ვიტალი ჩურკინმა.

ჩურკინის ამ განცხადებიდან რამდენიმე საათში გალის რაიონის სოფლებში დიხაზურგაში, ლეკუხონაში, საბეროსა და ჭუბურხინჯში რუსმა ოკუპანტებმა დამატებითი სამხედრო ტექნიკა და ცოცხალი ძალა შეიყვანეს.

როგორც აფხაზეთის მედიაცენტრში აცხადებენ, აღნიშნულ სოფლებში "ბეემე"-ს ტიპის 14-მდე საბრძოლო მანქანა და 60 კაცამდე ცოცხალი ძალა შეყვანილი, რომლებიც დიხაზურგას, საბეროს, ჭუბურხინჯისა და ლეკუხონას ბლოკ-საგუშავებზე განთავსდნენ.

გუშინვე ჩაიკეტა გალის რაიონის ადმინისტრაციული საზღვარი. გალის რაიონის დაბალი ზონის სოფლებში, მათ შორის აჩიგვარაში, ჩხორთლოსა და წარჩეში რუსული ტანკების, ჯავშანტექნიკის, ქვეითთა სამხედრო მანქანებისა და ცოცხალი ძალის კონცენტრაცია და გადაადგილებები ჯერ კიდევ 7-დან 13 აპრილამდე მიმდინარეობდა. ამავე პერიოდში ნებელდაში, ასევე ოჩამჩირის რაიონის ადმინისტრაციულ საზღვართან, ე.წ. ცორკას ტერიტორიაზე, სამხედრო წერტილები გაიმართა, განმუხურდიდან ოჩამჩირემდე კი რუსული სამხედრო კატარა კურსირებდა.

საკუთარი ინფორმაცია

### ილია II: ხელისუფლებამ და ოპოზიციამ ალბათ უნდა მოუსმინონ ერთმანეთს

საქართველოს კათოლიკოს-პატრიარქი ილია II საქართველოში აკრედიტებულ დიპლომატიურ კორპუსს შეხვდა. შეხვედრაზე, რომელიც უწმინდესის ინიციატივით გაიმართა, საუბარი საქართველოში შექმნილ ვითარებას შეეხო. კათოლიკოს-პატრიარქის განცხადებით, ეკლესია ვერც ხელისუფლების და ვერც ოპოზიციის მხარეს ვერ დაიჭერს. ილია II-მ იმედი გამოთქვა, რომ ისტუაცია მალე განიმუხტება. დიპლომატიური კორპუსის წარმომადგენლებმა საქართველოს მხარდაჭერა გამოთქვეს. "მოგესხენებათ, რომ საქართველო იმყოფება გარდამავალ პერიოდში. რჩება პრობლემები, რომლებიც გადაჭრილი არ არის, დარღვეულია ტერიტორიული მთლიანობა. მაგრამ ჩვენ ვცხოვრობთ იმედით. მე იმედი მაქვს, რომ ეს ყველაფერი აღდგება და ტერიტორიული მთლიანობა იქნება აღდგენილი. ჩვენ მოგვემატა ახალი პრობლემა, ეს არის დაძაბული ურთიერთობა ჩვენს ხელისუფლებასა და ოპოზიციას შორის. მთავრობაშიც და ოპოზიციაშიც არიან ძალიან ჭკვიანი ადამიანები და მე ვფიქრობ, რომ ისინი აუცილებლად გამოხატავენ საერთო ენას. ალბათ უნდა მოუსმინონ ერთმანეთს. მე ვფიქრობ, რომ არ შეიძლება ასეთი დამოკიდებულება დიდხანს გაგრძელდეს," - ბრძანა პატრიარქმა.

ჯი-ეიჩ-ენი

### გრიგოლ ვაშაძემ ჰილარი კლინტონისგან წერილი მიიღო

საქართველოს საგარეო საქმეთა მინისტრმა გრიგოლ ვაშაძემ ამერიკის შეერთებული შტატების სახელმწიფო მდივან ჰილარი კლინტონისგან წერილი მიიღო. წერილში საუბარია მიმდინარე წლის 14 აპრილს ვაშინგტონში ამერიკის შეერთებული შტატების სახელმწიფო მდივანსა და საქართველოს საგარეო საქმეთა მინისტრს შორის გამართულ შეხვედრაზე, სადაც განხილულ იქნა საქართველოსა და ამერიკის ორმხრივი ურთიერთობის საკითხები. ამ კონტექსტში წერილში აღნიშნულია ამერიკის შეერთებული შტატების პოზიცია საქართველოს სუვერენიტეტისა და ტერიტორიული მთლიანობის, ასევე საქართველოს ევროატლანტიკურ ინსტიტუციებთან ინტეგრაციისკენ სწრაფვის უპირობო მხარდაჭერის შესახებ.

ჯი-ეიჩ-ენი

# არასაპარლამენტო ოპოზიციის რეაქცია

ქვეყანაში გუშინ განვითარებული მოვლენების გამო არასაპარლამენტო ოპოზიციამ გეგმები შეცვალა. გადაიდო 5 მაისისთვის დაგეგმილი ყველა ღონისძიება, მათ შორის - თბილისისკენ მომავალი ცენტრალური მაგისტრალის პიკეტირება. ოპოზიციის ლიდერების გუშინდელი ერთობლივი თათბირის დასრულების შემდეგ ზვიად ძიძიგურმა განაცხადა, რომ არა აქვთ ზუსტი ინფორმაცია იმის შესახებ, თუ რა ხდება მუხროვანში, ამიტომ სიტუაციის გარკვევამდე დედაქალაქის შემოსასვლელის პიკეტირება სამი დღით გადაიდება.

"ალიანსი საქართველოსთვის" წარმომადგენელ მანანა ნაჭყებიას თქმით, ასეთი გადაწყვეტილება ოპოზიციამ შესაძლო პროვოკაციის თავიდან აცილების მიზნით მიიღო.

"არ არის გამორიცხული, რომ ხელისუფლებამ ეს შემთხვევა პროვოკაციისთვის გამოიყენოს და არეულობა ჩვენ დაგვბრალდეს, - ვარაუდობს ნაჭყებია.

ოპოზიციის ლიდერები არც იმას გამორიცხავენ, რომ შესაძლოა, ყველაფერი საგანგებო მდგომარეობის გამოცხადებისთვის კეთდებოდეს.

ამ აბსოლუტურად გაუზარებელ პროვოკაციებს იმის სუნი ახდის, რომ ხელისუფლება ქვეყანაში საგანგებო მდგომარეობის გამოცხადებლად ემზადება, რისთვისაც გარკვეული საბაზა საჭირო და თუ ეს მართლა მოხდა, მაშინ ამ ხელისუფლების საქმე დამთავრებულია, - აღნიშნავს მემარჯვენეების ლიდერი დავით გამყრელიძე.

პარლამენტის წინ გუშინ გამართულ მიტინგზე ოპოზიციის ლიდერთა განცხადებები თითქმის მთლიანად ქვეყანაში განვითარებულ პროცესებს ეხებოდა. მომიტინგეების წინაშე გამოისვლისას ლევან გაჩეჩილაძემ მიხეილ სააკაშვილის ხელისუფლებაში ყოფნის პერიოდი შეაფასა.

საკავშირის მთავრობაში მოსვლის პირველი დღე დაჭე-



რებით დაიწყო, გაგრძელდა წამლის ჩადებით და დაჭერებით, კერძო საკუთრების წართმევით, რასაც მოჰყვა ქართული ეკლესიების ნგრევა და შემდეგ ამის გამართლება. ასეთივე დიდი სპექტაკლი იყო განმუხურში მისი ჩასვლა, ხოლო უდიდესი ავანტიურა - არჩევნები. შემდეგი ეტაპი ჟვანიაზე კადრების გავრცელება იყო, რასაც ბადრი პატარკაციშვილზე გავრცელებული კადრები მოჰყვა, რამაც იგი შეინარა. ეს ყველაფერი ქართველი ხალხის გაბითურების ხარჯზე ხდებოდა," - განაცხადა გაჩეჩილაძემ.

საქართველოს გზის ლიდერ სალომე ზურაბიშვილის განცხადებით კი, შინაგან საქმეთა სამინისტროს მიერ დამონტაჟებული ვიდეო-მასალით ხე-

ლისუფლება დაეხმარა ოპოზიციას, რომ კიდევ მეტი ხალხი გამოსულიყო ქუჩაში.

"ვინ არის რუსეთთან? ვინ დაგვაშორა ნატოს? ვინ მოახწო 7 ნოემბერი და აგვისტოს ომი? - რა თქმა უნდა, მიშამ! მიშა არის რუსეთის მთავარი შემსრულებელი და იგი ისევ ჩვენს ჯარს აყენებს შეურაცხყოფას," - მიიჩნევს ზურაბიშვილი. მისივე მტკიცებით, "9 მაისს ოპოზიცია საქმეს ბოლომდე მიიყვანს და გაიმარჯვებს."

9 მაისის მოლოდინშია ზვიად ძიძიგურიც.

საინტერესოა, 8 მაისს რომელ სამხედრო ნაწილს "ააჯანყებს" პრეზიდენტი? ჩვენ ძალოვნებთან ბრძოლაში არ შევდივართ და არანაირ პროვოკაციაში არ ჩავერთვებით, - აღნიშნავს ოპოზიციონერი პოლიტიკოსი.

გოგა ხაინდრავა კი მიხილს სააკაშვილს უკვე ხვალინდელი დღით ემუქრება. თუმცა, მისი ძირითადი სამიზნე გუშინ კვლავ ჟურნალისტები იყვნენ, რომელთაც პოლიტიკური პოლიცია უწოდა და რომელთა მიმართაც, ბოლო დროინდელი ტრადიციისამებრ, შეურაცხმყოფელი სიტყვები არ დაიშურა.

საქართველოში არსებულ ვითარებას გუშინ ქართული აკადემიაც გამოეხმაურა.

შიდაპოლიტიკურ კრიზისად იწოდება ისეთი ვითარება, როდესაც ძირითად პოლიტიკურ ძალებს შორის შეთანხმების მიღწევა ვერ ხერხდება, სუსტდება ქვეყნის მართვა და არ არსებობს პირობები კანონსემორქმდებელი მუშაობის გასაგრძელებლად. სამივე ეს კლასიკური ნიშანი სახეზეა. გაუგებარია, რაზე შეიძლება ისაუბროს ოპოზიციამ ხელისუფლებასთან, თუკი ეს უკანასკნელი საერთოდ არ აღიარებს ქვეყანაში პოლიტიკური კრიზისის არსებობას, - ნათქვამია ქართული აკადემიის განცხადებაში.

ქართული აკადემია მიიჩნევს, რომ ოპოზიციასა და ხელისუფლებას შორის მოლაპარაკების გასამართად საჭიროა რამდენიმე პირობა: ხელისუფლებამ აღიაროს ქვეყანაში პოლიტიკური კრიზისის არსებობა; პროცესში ჩაერთონ საერთაშორისო მედიატორები; დიალოგის მთავარ თემად განისაზღვროს კრიზისის გამომწვევი მიზეზები და მისი დაძლევის გზები და, როგორც გამოსავალი, - განხილული იქნას რეგარეშე საპრეზიდენტო არჩევნების შესაძლებლობა.

მოლაპარაკების გამართვის შემთხვევაში, ოპოზიციის მხრიდან დასაშვებ კომპრომისად შეიძლება მივიჩნიოთ მოთხოვნა ოპოზიციასთან შეთანხმებულ ვადამ პრეზიდენტის მიერ საერთო-სახალხო რეფერენდუმის დანიშვნის თაობაზე, - აღნიშნულია განცხადებაში.

საკუთარი ინფორმაცია

# "არ დაარტყა, ჟურნალისტი!"

პირველი გვერდიდან

"უკიდურეს აღშფოთებას გამოხატავს იმის გამო, რომ საინტროსტო აგრძელებს დანაშაულისადმი წაყრუების პოლიტიკას და არათუ არ იძიებს ძალადობის ფაქტებს, არამედ ძალადობაზე საერთოდ არ ახდენს რეაგირებას მაშინაც კი, როცა ეს პოლიციის თვალწინ ხდება."

ქართული ტელეკომპანიების მიერ გავრცელებულ ნიკა ავალიანის ცემის კადრებში მკაფიოდ ისმის შეძახილი: "არ დაარტყა, ჟურნალისტი!" სოზარ სუბარი ჩვენს საზოგადოებას შეახსენებს, რომ არა მხოლოდ ჟურნალისტის ფიზიკური შეურაცხყოფა, არამედ ნებისმიერი ძალადობა მძიმე დანაშაული და სირცხვილია, რაც აფერხებს სახელმწიფოს მშენებლობას. "მოვუწოდებ მოქალაქეებს, განურჩევლად პოლიტიკური შე-

ხედულებისა, თავი შეიკავონ ჟურნალისტების მიმართ ფიზიკური ანგარიშსწორებისგან. ეს არის ძალიან მძიმე დანაშაული, რაც აფერხებს ჩვენი ქვეყნის განვითარებას," - აცხადებს სახალხო დამცველი.

5 მაისს "პირველი არხის" შენობასთან მომხდარი ინციდენტი "ახალგაზრდა იურისტთა ასოციაციამაც" დაგმო. ასოციაციამ ოპოზიციას მოუწოდა, უზრუნველყონ თავიანთი მომხრეების კანონიერ ჩარჩოებში მოქმედება.

საქართველოს ახალგაზრდა იურისტთა ასოციაციის წარმომადგენელთა შეფასებით, "პირველი არხის" საინფორმაციო სამსახური ქვეყანაში მიმდინარე მოვლენებს ხშირ შემთხვევაში ობიექტურად და თანამიმდევრულად არ აშუქებს. მიუხედავად ამისა, ოპოზიცია არ თავისუფლდება ვალდებულებისგან, რომ

დაიცვას ნესრიგი და ადამიანის უფლებები, - დასძენს "საია". საქართველოს ახალგაზრდა იურისტთა ასოციაცია მოუწოდებს "ოპოზიციას, შეწყვიტოს ჟურნალისტების შეურაცხყოფა და საჯაროდ დაგმოს მათი ზოგიერთი მომხრის მიერ ჟურნალისტებზე გასპირებული თავდასხმის ფაქტები."

ამასთანავე, არასამთავრობო ორგანიზაციის მიმართვის ადრესატი ხელისუფლებაც არის. "საია"-ს შეფასებით, თუ ხელისუფლება შეწყვეტს "მედიასაშუალებების სარედაქციო დამოუკიდებლობაში ჩარევას", ეს დადებითად იმოქმედებს ქვეყანაში შექმნილი კრიზისის განმუხტვაზე.

"24 საათი" სოლიდარობას უცხადებს კოლეგებს და გმობს ნებისმიერი სახის ზენოლას ჟურნალისტებზე.

გაზეთი "24 საათის" გამოცემის მისამართი: გამგებანი ფაჩუაშვილი, პაატა მუხამიძე.

რედაქცია: სოფიო ჩხაიძე (მთავარი რედაქტორი), ლევან ლინიაშვილი (მმართველი რედაქტორი). რედაქტორები: შალვა ჯაფარიძე (საზოგადოება/Weekend), ინგა ალავეცი (სამართალი), დავით ნინიკაშვილი (ბიზნესი),

სოფო კილაშინია (რეჟისი), კახა ფაჩუაშვილი (სპორტი). რედაქციის მისამართი: თბილისი, 01-86. ირაკლი გამრეკელის ქ.51. ტელ: 20-24-24, 31-91-03 (06, 07), 31-93-90 (91). ფაქსი: 31-93-86. ელ-ფოსტა: public@24hours.ge

# ამბოხის პასუხი - ნატო-ს გაფართოება გაბრძობდა

პირველი პერიოდიდან

რუსულმა უწყებებმა ასევე უარყვეს ინფორმაცია რუსული სამხედრო ძალების განსაკუთრებული მზადების შესახებ. რუსეთის თავდაცვის სამინისტრო ოფიციალურ განცხადებაში ამტკიცებს, რომ სამხედრო ნაწილები საბრძოლო მზადყოფნაში არ არის მოყვანილი. რუსეთის ფედერალური უსაფრთხოების სამსახური კატეგორიულად უარყოფს სამხრეთ ოსეთში "ფეხსებს" სპეცრაზმების და მესაზღვრეების შეყვანის ფაქტსაც. ოფიციალური განცხადება გაავრცელა რუსეთის შავი ზღვის ფლოტმაც. განცხადების თანახმად, ფლოტი არ არის მოყვანილი საბრძოლო მზადყოფნაში და გემები საქართველოს სანაპიროსკენ არ მოემართებიან.

ნატო-ში რუსეთის ფედერაციის სრულყოფილებიანი წარმომადგენე-

ლი დიმიტრი როგოზინის ენამახვილობს: **"ჩვენ ნელ-ნელა უკვე მივეჩვიეთ საქართველოს პოლიტიკური თუ სამხედრო ხელმძღვანელობიდან წამოსულ უგუნურ ბრალდებებს იმის შესახებ, რომ წვიმაც და ელქეციც, რა თქმა უნდა, მოსკოვის ბრალია."** როგოზინი მუხროვანის სამხედრო ბაზაზე სამხედროების მიერ დაუმორჩილებლობის გამოცხადებაში რუსეთის კვალის ძებნას სასაცილოს უწოდებს.

მისი თქმით, ის, რაც საქართველოში მოხდა და ხდება, **"ქართული არმიისა და საქართველოს სახელმწიფოებრიობის სრული დაშლაა, რისი მიზეზიც ისევ და ისევ სააკაშვილის უგუნური პოლიტიკაა."** შესაბამისად, როგოზინის თქმით, მიზანშეუწონელია საქართველოში ნატო-ს წვრთნების ჩატარება.

თავის მხრივ, რუსეთის სახელმწიფო სათათბიროს დსთ-ს საქმეთა კომიტეტის თავმჯდომარის მოად-

გილემ ალექსეი ოსტროვსკიმ განაცხადა, რომ **მიხეილ სააკაშვილმა სამხედროებისა და სპეცსამსახურების ნდობა დაკარგა.** მან უარყო მოსაზრება, თითქოს სამხედრო ამბოხი საქართველოში ნატო-ს წვრთნების ჩაშლის მცდელობას უკავშირდება.

საქართველოში მიმდინარე მოვლენებისა და რუსეთის პროტესტის მიუხედავად, ალიანსი საქართველოში დაგეგმილი სწავლებების გადადებას არ აპირებს. **"ნატო არ გადახედავს თავის გეგმებს და დარწმუნებული ვართ, რომ წვრთნები ნორმალურად ჩატარდება,"** - განაცხადა გუშინ ალიანსის ოფიციალურმა წარმომადგენელმა. ნატო-ს მანევრები საქართველოში დღეს დაიწყება და 1 ივნისს დასრულდება.

გარდა ამისა, გუშინ ესტონურ გაზეთ პოსტიმესში ალიანსის გენერალურ მდივან იაპ დე ჰოოპ სხეფერის ინტერვიუ გამოქვეყნდა,

რომელშიც სხეფერმა ღიად განაცხადა, რომ ნატო რუსეთს მისი გაფართოების შეჩერების საშუალებას არ მისცემს. **რუსეთს ვერ მივცემთ შესაძლებლობას, ნატო-ს გაფართოების გზიდან გადაახვევინოს.** ეს პროცესი ევროპის, როგორც უსაფრთხოების ერთიანი დემოკრატიული სივრცის კონსოლიდაციის ბირთვს წარმოადგენს. აქ ვაჭრობაზე საუბარიც არ შეიძლება, - განაცხადა ნატო-ს გენერალურმა მდივანმა.

საქართველოში მიმდინარე მოვლენები ნატო-ს წვრთნებს გუშინ ბი-ბი-სი-მაც დაუკავშირა. კერძოდ, ბი-ბი-სი აღნიშნავს, რომ საქართველოში დაგეგმილ წვრთნებს რუსეთი მკვეთრად ეწინააღმდეგება და მოჰყავს რუსეთის საგარეო საქმეთა სამინისტროს განცხადება იმის შესახებ, რომ მანევრები **პროვოკაციაა, რომელსაც შესაძლოა, ნეგატიური შედეგები მოჰყვეს.**

**ამერიკულ-რუსული ურთიერთობების დათბობას ახალი საფრთხე ემუქრება,** - წერს, თავის მხრივ, გაზეთი ფაინეშენალ თაიმსი. კერძოდ, ქართულ არმი-ში მომხდარი აჯანყება ბოლო ინციდენტია იმ მოვლენებს შორის, რომელსაც არა მხოლოდ კავკასიის რეგიონში შეუძლია დესტაბილიზაციის შეტანა, არამედ შესაძლოა, რუსულ-ამერიკულ ურთიერთობებს ავნოს.

ავტორი აღნიშნავს, რომ საქართველოში შექმნილმა სიტუაციამ ბარაკ ობამას ადმინისტრაცია უხერხულ მდგომარეობაში ჩააყენა: **საკაშვილისადმი ვაშინგტონის დახმარება წარმოადგენს მტკივნეულ ადგილს რუსეთისა და ამერიკის ურთიერთობების ბოლოდროინდელ სტაბილურ დათბობაში, რომელიც ობამასა და მედვედვის ლონდონის შეხვედრით გამოიხატა.**

## საქართველოში სიტუაციის დაძაბვის ყოველგვარი მსდელიობა კრახით დასრულდება

მუხროვანში მომხდარი ამბოხება საქართველოში ნატოს ეგიდით დაგეგმილი წვრთნის წინააღმდეგ იყო მიმართული. ეს ამბოხი, ასევე მიმართულია ევროკავშირის სამიტის წინააღმდეგ, სადაც აღმოსავლური პარტნიორობის პროგრამის შესახებ შეთანხმება უნდა გაფორმდეს, - აღნიშნა საქართველოს პრეზიდენტმა ტელევიზიით გაკეთებულ საგანგებო განცხადებაში.

უახლოეს დღეებში საქართველოში ნატო-ს სწავლება იგეგმება, ხოლო 6-8 მაისს პრალაში გაიმართება ევროკავშირის სამიტი, რომლის ფარგლებშიც საქართველო ევროკავშირთან აფორმებს აღმოსავლური პარტნიორობის ხელშეკრულებას, - განაცხადა მიხეილ სააკაშვილმა.

პრეზიდენტის თქმით: პირველი მოვლენა არის მნიშვნელოვანი, თუმცა სიმბოლური, რადგან რუსეთის აგრესიის შემდეგ ნატო უშუალოდ საქართველოს ტერიტორიაზე დგამს ამ ნაბიჯს, მეორე მოვლენას აქვს ძალზე სერიოზული პოლიტიკური და, მე ვიტყვოდი, ისტორიული მნიშვნელობა, რადგან საქართველო პირველად ამყარებს ინსტიტუციურ კავშირს ევროკავშირთან - ჩვენს ბუნებრივ პარტნიორთან, ჩვენი პოლიტიკური, სოციალური და ეკონომიკური მომავლის არეალთან.

მიხეილ სააკაშვილმა ტელევიზიონარულ განცხადებაში მასობრივი ინფორმაციის საშუალებებით საქართველოს მიმართ განხორციელებული უამრავი რიტორიკული მუქარა და კონკრეტული პროვოკაცია.

თქვენ იცით, რომ ბოლო კვირების განმავლობაში რუსეთმა საქართველოს ოკუპირებულ ტერიტორიებზე გაასამშაგა სამხედრო ძალის რაოდენობა და საქართველოს საზღვაო აკვატორიაში, პრაქტიკულად, მთელი შავი ზღვის ფლოტი განალაგა.

ეს, რა თქმა უნდა, იყო უკიდურესად პროვოკაციული და საშიში ნაბიჯი, რომელიც მიზნად ისახავდა დედაქალაქის შუაგულში მასობრივი არეულობების, რაიმე სახის ძალადობის განხორციელებას, რა-

თა შემდეგ სცენარი საქართველოს სუვერენიტეტის, ჩვენი დამოუკიდებლობისა და თავისუფლების წინააღმდეგ განვითარებულიყო. ბუნებრივია, რომ ეს მიმართული იყო საქართველოს ევროატლანტიკური და ევროპული ინტეგრაციის წინააღმდეგ, - აღნიშნა პრეზიდენტმა და მიმართა საკუთარ მოქალაქეებს: კარგად ნახეთ, როგორი თავშეკავება გამოიჩინა საქართველოს მთავრობამ. ჩვენ უკიდურესად რბილად და ყოველგვარი ემოციის გარეშე გამოვაცხადეთ მზადყოფნა მაქსიმალურად გახსნილი დიალოგისთვის, მათ შორის იმისათვის, რომ არავითარი საბაზი არ მიგვეცა საქართველოს მტრისთვის.

ჩვენ მოვიქცით ისე, როგორც არ მოიქცეოდა და არ მოითმენდა ევროპის უმეტესი ქვეყნები. ჩვენ მიგვაჩნია, რომ გამოსავალი ყოველთვის, ყველა ვითარებიდან არის დიალოგი. ჩვენ არ დავუშვით რაიმე სახის პროვოკაცია არც თბილისში და არც საქართველოს სხვა ადგილებში.

ამისათვის პრეზიდენტმა მადლობა გადაუხადა ყველა პასუხისმგებლობის მქონე პოლიტიკურ ძალას და კიდევ ერთხელ დაადასტურა მზადყოფნა თანამშრომლობის თაობაზე.

მეორე მხრივ, თქვენ ასევე ნახეთ ისტერიული მუქარები, რომლებიც გაისმოდა ოკუპანტი ძალის, რუსეთის პოლიტიკოსების, სამხედროებისა და უმაღლესი ხელმძღვანელების მხრიდან. ისინი ამბობდნენ, რომ არ დაუშვებდნენ ნატოს სწავლებებს საქართველოში და რომ მათ ამისათვის აქვთ საკმარისი ბერკეტი, - აღნიშნა მიხეილ სააკაშვილმა, რომლის ინფორმაციითაც, ბოლო დღეების განმავლობაში ყველა საერთაშორისო ნორმის უხეშად დარღვევისა და ფეხქვეშ გათვლით რუსეთმა გაზარდა კონტინგენტი, განალაგა ე.წ. მესაზღვრეები და ყველაფერი გააკეთა იმისათვის, რომ საქართველოს ტერიტორიაზე ვითარება დაეძაბა.

ამ ფონზე, ყოფილი გვარდიელებისა და ყოფილი სამხედროების ერთმა ჯგუფმა, რომელთა კავშირი ერთი ქვეყნის სპეციაგენტურასთან ჩვენთვის დიდი ხანია ცნობილია,

სცადა მუხროვანის სამხედრო ნაწილში არეულობების გამოწვევა. სამხედრო ნაწილში არეულობა არ არის ადვილი საქმე. ჩვენ უნდა გვესმოდეს, რომ ყოველგვარი არეულობა, სადაც არის იარაღიანი ხალხი, არის ხელის აღმართვა საქართველოს დემოკრატიულ სისტემაზე, თითოეული ჩვენი მოქალაქის უსაფრთხოებაზე, საქართველოს კონსტიტუციაზე, რადგან საქართველოს კონსტიტუციით, ყველა სამხედრო ნაწილი ექვემდებარება კანონიერად არჩეულ სამოქალაქო ხელისუფლებას. ყოველგვარი ექსცესების შექმნა ემუქრება თითოეული ჩვენი მოქალაქის მომავალს. ჩვენ ამას განვიხილავთ სერიოზულ საფრთხედ და გამოწვევად, - განაცხადა პრეზიდენტმა და იქვე განმარტა: ამავე დროს, მინდა ვითხარათ, რომ ეს არის იზოლირებული ინციდენტი, რადგან ეს არც ერთ სხვა სამხედრო ნაწილს არ გადასდებია. სხვა სამხედრო ნაწილებში ამჟამად გამოცხადებულია განგაში და სიტუაცია ექვემდებარება კონტროლს.

მთლიანად ქვეყანაში წესრიგი და სინყნარეა და ამ ეტაპზე საფრთხე არ არის.

ეს არეულობის ინსპირაცია არ არის დაკავშირებული სოციალურ პირობებთან. თქვენ კარგად იცით, რომ ჩვენს ჯარს ყველაზე მაღალი ხელფასი აქვს ქვეყანაში. ჩვენს ოფიცრებს აქვთ განსაკუთრებული დაფასება ქართული საზოგადოებისგან. ეს არ არის შევარდნაძისდროინდელი, ფეხშიშველი, მშვიერი, არადისციპლინებული ჯარი.

ვერავინ ველარ დააბრუნებს საქართველოს 90-იანი წლების არეულობაში. ჩვენ

კარგად გვახსოვს, რას ნიშნავს შეიარაღებული ფორმირებები, გასამხედროებული ბანდიტები, რომლებიც დადოიდნენ თბილისსა და სხვა ქალაქებში და უხეშად არღვევდნენ ჩვენი მოქალაქეების უფლებებს, ძარცვავდნენ და ანადგურებდნენ ჩვენი ქვეყნის დოვლათს.

ქვეყნის მთავარსარდალმა აღნიშნა ისიც, რომ ძალიან ბევრი წელი დასჭირდა საქართველოს, რომ ეს მდგომარეობა შეცვლილიყო. მათ თარეშა და პარაშუს ბოლო

მოულო ვარდების რევოლუციამ. ის ხალხი, ვინც ახლა არეულობის ორგანიზებას ცდილობს, ძირითადად, არის ვარდების რევოლუციის შემდეგ ჯარიდან დათხოვილი ხალხი, რომელთაც 90-იან წლებში დაბრუნება სურს. საბოლოოდ, ისინი მოქმედებენ უცხო ძალასთან კოორდინაციით, მის დახმარებაზე სრული გათვლით.

მინდა კატეგორიულად მივმართო და გავაფრთხილო რუსეთის ფედერაცია, საქართველოს შიგნით სიტუაციის დაძაბვის და ესკალაციის ყოველგვარი მცდელობა, განსაკუთრებით ოკუპირებულ ზონებში, კრახით დასრულდება.

პრეზიდენტმა განაცხადა, რომ აქვს ინფორმაცია, რომ ამ ტერიტორიებზე დამატებითი ფორმირებები მოიხიზებულია, სიტუაცია დაიძაბა და რუსეთის შავი ზღვის ფლოტმა დაიწყო ახალი მოძრაობა. ყოველივე ეს ატარებს პროვოკაციულ ხასიათს.

დაჟინებით ვთხოვ და მოვითხოვ ჩვენი ჩრდილოელი მეზობლისგან, თავი შეიკავოს მსგავსი პროვოკაციული მანევრებისგან, თავი შეიკავოს ყოველგვარი პროვოკაციისგან, რადგან საქართველოში ეს პროვოკაციები აღარ გავა და ქართველი ხალხი ამას არ წამოეგება. ეს მათთვის ძალიან მარტივად უნდა იყოს გასაგები, - მოუწოდა საქართველოს მთავარსარდალმა რუსეთის ხელისუფლებას.

მიხეილ სააკაშვილმა სატელევიზიო გამოსვლაში განაცხადა ისიც, რომ მან პირადად გასცა პოლიციის და შესაბამისი ძალების მოქმედების განკარგულება.

პოლიციის შენაერთები მთლიანად მოზილიზებულია, ბუნტის და არეულობის მცდელობის ინიციატორები კი - იზოლირებული. ჩემი დავალებით, მათთან დილიდან ვანარმოებდით მოლაპარაკებებს. პირადად ვესაუბრე ამ არეულობის ერთ-ერთ ორგანიზატორს, რომელსაც ვუთხარი, რომ ჩვენ მათ ვაძლევთ საშუალებას გამოვიდნენ, დაგვხედნენ, დანებდნენ სამართალდამცავ ორგანოებს, განიარაღდნენ და ეს მხედველობაში იქნება მიღებული, როგორც შემამსუბუქებელი გარემოება, მაგრამ

ილუზია ნურავის ნურაფრის ნუ ექნება.

როდესაც მტერი დგას საქართველოს შიგნით, დედაქალაქიდან 40 კილომეტრის დაშორებით, როდესაც ჩვენზე დამიზნებულია უამრავი რაოდენობის არტილერია, როდესაც შავი ზღვის ფლოტი დათარეშობს ჩვენს ნაპირებთან, როდესაც ყოველდღიურად ისმის მუქარა და პროვოკაციული განცხადებები, საქართველოში რაიმე სახის გრძელვადიან არეულობას ვერ დავუშვებთ. ყოველივე ამის გათვალისწინებით, ეს იქნება დემოკრატიის გულში ჩაცემული მახვილი, ქართული სახელმწიფოებრიობის წინააღმდეგ მიმართული ძალიან საშიში აქტი, - ამბობს პრეზიდენტი და იქვე დასძენს: ვიცი, რომ იქ მყოფთაგან ძალიან ბევრი საკუთარი ნების წინააღმდეგ მონაწილეობს, ეს ჩვენ კარგად ვიცით, მაგრამ ეს არ ამართლებს მათ ქმედებას.

მიხეილ სააკაშვილის თქმით, ქართული დემოკრატიის, საქართველოს მთლიანობის და თავისუფლების დასაცავად, ქართული სახელმწიფო და ყველა შესაბამისი ორგანო მზად არის, მიიღოს ყველაზე გადაამჭრელი ზომები, რათა ალიკვეთოს კონსტიტუციური წესრიგის, ჩვენი დემოკრატიისა და თავისუფლების შერყევისა და ძირის გამოთხრის ნებისმიერი მცდელობა.

ჩვენი ისტორია სავსეა ლალატის, მსგავსი არეულობების, აჯანყებების, სხვადასხვა გარე ძალებზე მუშაობის და ციხის შიგნიდან გატყდომის მცდელობის მაგალითებით. ამჯერად, ციხეს შიგნიდან ვერავინ გატყენს, ჩვენ მოვიქცევით სრული პასუხისმგებლობით.

პირადად მე, როგორც პრეზიდენტი და ქვეყნის უმაღლესი მთავარსარდალი, პასუხისმგებელი ვარ ქვეყნის ისტორიის, თითოეული ჩვენი მოქალაქის უსაფრთხოებისა და თავისუფლების, ასევე ჩვენი დემოკრატიული სისტემის წინაშე, - ასე დაასრულა საქართველოს პრეზიდენტმა სატელევიზიო გამოსვლა.

### ფირცხალაიშვილი მეამბოხებთან კავშირს უარყოფს

საქართველოს შეიარაღებული ძალების გენერალური შტაბის ყოფილი უფროსი ჯონი ფირცხალაიშვილმა კატეგორიულად უარყოფს შსს-ს მიერ გავრცელებულ ვიდეომასალაში დაფიქსირებულ პირებთან კავშირს. **“რაც ითქვა, სრული აბსურდია. სამი წელია, თბილისში არ ვიმყოფები და ეს ხალხი კი უკვე ხუთი წელია, არ მინახავს. პოლიტიკურ ამბებს ვგებულობ ტელევიზიით და ვკითხულობ გავრცელებულ ვიდეოებს. ვაკეთებ ჩემს საქმეს და მიყვარს ჩემი სამშობლო. რაც ითქვა, სრული აბსურდია,”** - განაცხადა ჯონი ფირცხალაიშვილმა რადიო “პალიტრასთან” საუბრისას. ფირცხალაიშვილის თქმით, ის ამჟამად კიევში იმყოფება.

### გია ყარყარაშვილი: “შსს აგენტები ჩემთან სხვადასხვა მასალებით და ინიციატივებით მოდიოდნენ”

გადამდგარი გენერლის და “ალიანსი საქართველოსათვის” წევრის გია ყარყარაშვილის განცხადებით, ამბოხების შესახებ გავრცელებული კადრები შსს-ს მიერაა შეთხზული და ამ შეთხზულ შეხვედრასთან დაკავშირებით თავის მართლებას არ აპირებს. ყარყარაშვილის თქმით, მასაც აქვს კადრები, სადაც ჩანს, რომ შსს აგენტები მსგავს რამეს მასაც სთავაზობდნენ. **“მეც თქვენსავით გაკვირვებული ვუყურებდი იმ კადრებს, რომელიც შსს-ს პრესცენტრმა გავავრცელა და საბოლოოდ დავრწმუნდი, რომ ჩვენი სამშობლო და მოსახლეობა ავადმყოფების ხელშია. არ ვაპირებ ახსნას ან თავის მართლებას რაღაც შეხვედრასთან დაკავშირებით, რომელიც არ ყოფილა და წარმოდგენაც არ მაქვს, საიდან არის ამგვარი რამ შეთხზული. მე მაქვს დამადასტურებელი კადრები, სადაც ჩანს, როგორ მოდიოდნენ ჩემთან შსს-ს გენერალური ინსპექციის ხელმძღვანელების მიერ გამოწერილი ორდერებით აგენტები, სხვადასხვა მასალებით და ინიციატივებით. ეს ჩანერილი მაქვს და ამ კადრებს აუცილებლად შემოგთავაზებთ,”** - განაცხადა გია ყარყარაშვილმა.

### გია თორთლაძე: “ადგილი აქვს ხელისუფლების დამხობის მიზნით, ხალხში არსებული პროტესტის გამოყენებას”

“საქართველოს დემოკრატიული პარტიის” ლიდერი, დეპუტატი გია თორთლაძე დარწმუნებულია, რომ “დღეს საქართველოში სამხედრო გადატრიალებისა და ხელისუფლების დამხობის მიზნით შეიარაღებული ძალების გამოყენების მცდელობას აქვს ადგილი”. როგორც თორთლაძემ პარტიის ოფისში გამართულ პრეს-კონფერენციაზე განაცხადა, “1991 წლის მსგავსად, დღესაც ადგილი აქვს ხელისუფლების დამხობის მიზნით ხალხში არსებული პროტესტის გამოყენებას”. ოპოზიციონერი დეპუტატი მუხროვანის ინციდენტს, ერთის მხრივ, თბილისში მიმდინარე პოლიტიკურ პროცესებს უკავშირებს და მიიჩნევს, რომ “რაც საქართველოში ხდება, რუსეთის მხრიდან არის ინსპირირებული”. ამასთან, თორთლაძე ყველა პოლიტიკურ ძალას მოუწოდებს, “მუხროვანის ინციდენტთან დაკავშირებით საკუთარი პოზიცია ღიად და თამამად დააფიქსიროს”.

### პავლე კუბლაშვილი: “სამხედრო წვრთნები მაინც ჩატარდება”

საპარლამენტო უმრავლესობის ერთ-ერთი ლიდერი პავლე კუბლაშვილი იმედოვნებს, რომ მუხროვანის ინციდენტი საქართველოში დაგეგმილ ნატო-ს წვრთნებზე არ იმოქმედებს. “რუსეთის ფედერაციამ ყველაფერი გააკეთა ამ წვრთნებისთვის ხელის შესაშლელად, როგორც გაკეთებული განცხადებებით, ისე კონკრეტული ქმედებებით, თუმცა სამხედრო წვრთნები მაინც ჩატარდება. იმედი მაქვს, რომ ნატო გამოეხმაურება ამ მიმართულებით საქართველოს პოზიციას და კიდევ ერთხელ დააფიქსირებს საქართველოსადმი იმ დამოკიდებულებას, რაც არაერთხელ დაუფიქსირებია. დარწმუნებული ვარ, რომ ნატო-ს საზღვრები გაფართოვდება, მიუხედავად რუსეთის სანინაღმდეგო სურვილისა,” - აცხადებს პავლე კუბლაშვილი.

### დავით უსუფაშვილი: “მსგავსი ფაქტები უნდა გამოირიცხოს”

“ალიანსის საქართველოსთვის” ერთ-ერთი ლიდერი დავით უსუფაშვილი მუხროვანის მოვლენებს “ხელისუფლების მიერ პროპაგანდისტული” მიიჩნევს. **“ეს არის ხელისუფლების მიერ პროპაგანდისტული მოვლენები. მივმართავ ხელისუფლებას, ასეთი მეთოდებით არ შეეცადოს თავის გადარჩენას, თორემ ქვეყანას დაღუპავს. ამასთან, მივმართავ ჯარისკაცებს, ინციდენტი ხელისუფლების მიერაა დაგეგმილი, თუ მათ მიერ მოფიქრებული - ნებისმიერ შემთხვევაში, დაუყოვნებლივ დაუბრუნდნენ საკუთარი საქმის შესრულებას. შეიარაღებულ პირებს არა სამხედრო შენაერთებს პოლიტიკურ ცხოვრებაში არაფერი ესაქმებათ, მათ საკუთარი სამსახური უნდა გააგრძელონ,”** - განაცხადა უსუფაშვილმა.

### დავით გამყრელიძე: “ერთი მსახიობის მიერ დადგმული თეატრი”

“ახალი მემარჯვენეების” ლიდერის დავით გამყრელიძის შეფასებით, შს სამინისტროს მიერ გავრცელებული ვიდეონაწერები ერთი მსახიობის მიერ დადგმულ თეატრს ჰგავს. **“ეს ერთი მსახიობის მიერ დადგმულ თეატრს ჰგავს, სადაც ეს ადამიანი სრულიად შეგნებულად ასახელებდა გვარებს, ხატავდა აპოკალიფსურ სურათს, რომელშიც საქართველოში ჩამოვლილი აქედან გაქცეული ადამიანები, კლავენ ცნობილ პოლიტიკურ სახეებს და ა.შ. ამ კადრების ნახვის შემდეგ ძალიან არასერიოზული შთაბეჭდილება დამრჩა,”** - აცხადებს გამყრელიძე. რაც შეეხება მუხროვანის სამხედრო ნაწილის მომხდარ აჯანყებას, გამყრელიძის განცხადებით, “ეს ფაქტი გადამოწმებას საჭიროებს, რათა დადგინდეს, ეს სიმართლეა, თუ სპეციალურადაა ინიცირებული”.

# რუსეთთან კოორდინირება უნდა ახდინოს

პირველი გავრცელება

ყაზარმულ მდგომარეობაზე გადასულ მუხროვანის სამხედრო ნაწილში გუშინ მთელი დღის განმავლობაში ოპერატიული შტაბი მოქმედებდა, რომლის წევრებიც ამბოხებულ სამხედროებთან მოლაპარაკებებს აწარმოებდნენ. გომბორის ტექგამშვები პუნქტი სამართალდამცველებს ჰქონდათ გადაკეტილი და პერიმეტრის ძალოვანები აკონტროლებდნენ. მუხროვანის საწვრთნელ ბაზაზე თავდაცვის სამინისტროს და შეიარაღებული ძალების ყველა პასუხისმგებელი პირი მივიდა.

სამხედრო მალაჩინოსნების გარდა, მუხროვანის სამხედრო ნაწილში შინაგან საქმეთა მინისტრი და პოლიციური დანაყოფებიც იმყოფებოდნენ. ამბოხებულ სამხედროებს მიმართა ქვეყნის პირველმა პირმაც და მათ დამორჩილებისკენ მოუწოდა.

თავდაცვის მინისტრის დავით სიხარულიძის ინფორმაციით, დილით, გამთენიისას, მუხროვანის ცალკეულმა ჯავშანსატანკო სამხედრო ბატალიონმა დაუმორჩილებლობა გამოაცხადა. მინისტრის განმარტებით, იქ იმყოფებოდნენ ასევე სხვადასხვა პირები, რომლებიც ამბოხებული ბატალიონის წევრები არ იყვნენ.

დავით სიხარულიძის თქმით, მუხროვანის სამხედრო ნაწილში ამბოხება სამართალდამცველი ორგანოების მიერ წინა დღით ჩატარებულ ოპერაციას მოჰყვა, რომელიც ამბოხების ორგანიზებაში ეჭვმიტანილ პირთა დაკავებას ისახავდა მიზნად.

თავდაცვის მინისტრის მტკიცებითვე, მოლაპარაკებების დროს ამბოხებულების მხრიდან რაიმე კონკრეტული მოთხოვნა არ წამოყენებულა.

**“ქვეყანაში ფართომასშტაბიანი ამბოხი იყო დაგეგმილი, რაც მიმართული იყო ნატო-ს წვრთნები ჩაშლისკენ. ამასთან, ამბოხებულებს ზოგადად ჰქონდათ ამოცანა, სამხედრო ძალით დაემხოთ ხელისუფლება,”** - ასეთ განცხადებებს აკეთებდა მუხროვანის სამხედრო ნაწილიდან თავდაცვის მინისტრი დავით სიხარულიძე.

თითქმის მთელი დღის განმავლობაში, სამხედრო ნაწილში მოდგომარეობა დაძაბული და უტყველო რჩებოდა. გავრცელებული ინფორმაციით, მუხროვანის სატანკო ნაწილის ამბოხების ორგანიზატორები საქართველოს თავდაცვის მინისტრთან მოლაპარაკებებში საქართველოს კათოლიკოს-პატრიარქის, უნმინდესის და უნეტარესის ილია მეორის შუამავლობას ითხოვდნენ. ამბოხების ორგანიზატორებს ხელშეუხებლობის გარანტიების მიღება სურდათ.

დაახლოებით 16 საათსა და 15 წუთზე, ცნობილი გახდა, რომ მუხროვანის სატანკო ნაწილში მყოფმა ამბოხებულმა სამხედროებმა იარაღი დაყარეს და სამართალდამცველებს ჩაბარდნენ. ცნობილი გახდა ისიც, რომ რამდენიმე მეამბოხემ მიმალვა შეძლო. მოგვიანებით, ხუთი მათგანი დააკავეს.

გავრცელებული ინფორმაციით, ამბოხებულებთან რამდენიმესაათიანი მოლაპარაკებისას სიტუაცია რამდენჯერმე



დაიძაბა. ამბოხის ორგანიზატორები აცხადებდნენ, რომ ისინი შეაცდინეს, დააშანტაჟეს. მათივე თქმით, ამბოხის ინიციატორი რამდენიმე პროვოკატორმა მოახდინა, რის შემდეგაც ბაზაზე სიტუაცია უმართავი გახდა.

**მუხროვანის სამხედრო ბაზაზე ამბოხი შეწყდა და მისი ორგანიზატორი დაკავებულია, ჩვენ შევედით ბაზაზე და ყველა დავამშვიდეთ. მეთაური დაპატიმრებულია, დანარჩენები იკითხებიან. ვითარება თბილისსა და დანარჩენ საქართველოში, მათ შორის მუხროვანის სამხედრო ნაწილში, სადაც ამბოხება მზადდებოდა, სტაბილურია და ხელისუფლების კონტროლს ექვემდებარება,** - განაცხადა სამხედრო ამბოხის დასრულების ბოლოს შინაგან საქმეთა მინისტრმა ვანო მერაბიშვილმა.

მინისტრის თქმით, რამდენიმე ადამიანი გაქცეულია და მათ ეძებენ. **“დამატებით მასალებს შსს უახლოეს მომავალში გამოაქვეყნებს,”** - განაცხადა ვანო მერაბიშვილმა და აღნიშნა, რომ ამბოხების ყველა მონაწილე თავდაცვის სამინისტროს ემორჩილება.

**“ამბოხის ყველა მონაწილე ემორჩილება თავდაცვის სამინისტროს. ყველა დაკავებულია, ან ჩაბარდა და ექვემდებარება და ემორჩილება სამინისტროს. ყველა მათგანი არის გამოძიების ქვეშ. ამას გარდა, შენობაში იმყოფებოდა რამდენიმე ყოფილი ოფიცერი. ამჟამად 500-ზე მეტი სამხედრო მოსამსახურის დაკითხვა მიმდინარეობს,”** - განაცხადა ვანო მერაბიშვილმა.

### როგორ მზადდებოდა სამხედრო ამბოხი - ვიდეორეჟინება N1-N2

მუხროვანის სამხედრო ნაწილში გუშინ მომხდარი ამბოხის შესახებ ინფორმაცია გუშინ დილით, მას შემდეგ

გაცხადდა, რაც შსს-ს საინფორმაციო-ანალიტიკური დეპარტამენტის ხელმძღვანელმა შოთა უტიაშვილმა საგანგებო ბრიფინგი გამართა და ოპერატიული მასალა გავრცელა.

**“ბოლო პერიოდში შსს იძიებს ოპერატიულ ინფორმაციას, რომლის თანახმადაც, სამხედრო დანაყოფებში მზადდებოდა სამხედრო ამბოხი. ჩვენს ხელთ არსებული ინფორმაციით, ამ ამბოხის ორგანიზატორებად გვევლინებოდნენ ყოფილი სამხედრო მალაჩინოსნები. როგორც ჩანს, ეს გეგმა იყო კოორდინირებული რუსეთთან და მიზნად ისახავდა როგორც მინიმუმ, ნატო-ს სამხედრო წვრთნების ჩაშლას და როგორც მაქსიმუმ, ქვეყანაში სრულმასშტაბიანი სამხედრო ამბოხის მოწყობას,”** - განაცხადა შოთა უტიაშვილმა.

შინაგან საქმეთა სამინისტროს მიერ გავრცელებულ ფარულ ვიდეონაწერში, სამხედრო ამბოხში ეჭვმიტანილი გია ღვალაძე რამდენიმე გენერალსა და ყოფილ პოლიტიკურ ფიგურას ასახელებს, რომლებიც, მისივე თქმით, ამბოხებულთა გვერდით მუშაობდნენ. ფარულ ვიდეონაწერში გია ღვალაძე აცხადებს, რომ მათთან ერთად იქნებიან გია ყარყარაშვილი, დავით თევზაძე, კობა კობალაძე, ჯემალ გახოკიძე, გია წკრილაშვილი, ფირცხალაიშვილი, უჩაძე. ღვალაძე ასევე აცხადებს, რომ ხელისუფლების შეცვლის შემდეგ საქართველოში დაბრუნდებიან აბაშიძე, ხალვაში, მამალაძე და ლევან პირველი. ამბოხებულთა გვერდით მყოფთა კონტექსტში ის ასევე ვინმე კანდელას ასახელებს.

მასალებზე აღბეჭდილი პიროვნება გია ღვალაძეა, რომელიც 90-იან წლებში იყო თავდაცვის სამინისტროს სპეციალური დანიშნულების რაზმის დელტას ასმეთაური. ამ ამბოხის ორგანიზებას უკეთებდა კობა ოთანაძე.

თქვენ ეს ადამიანი შეიძლება გახსოვდეთ მუხროვანის ცნობილი ბუნტიდან. სწორედ იმ დროს ოთანაძე მეთაური იყო. ღვალაძე დაკავებულია, ოთანაძე ძებნაშია. ასევე ეჭვმიტანილია ზაზა მუშკუდია-ნი, რომელიც გახლავთ ორთაჭალაში განლაგებული ბატალიონის უფროსი,” - განაცხადა შინაგან საქმეთა სამინისტროს საინფორმაციო-ანალიტიკური დეპარტამენტის ხელმძღვანელმა შოთა უტიაშვილმა. მისივე განმარტებით, ამბოხში მონაწილეებს კავშირი ჰქონდათ რუსეთთან, საიდანაც მითითებებს და ფინანსურ დახმარებას იღებდნენ.

**“მუხროვანისკენ ავუხვევთ და ჩავაქრობთ სინათლებს. იქ ორი კაცი დაგვემატება. ერთი ჩემი ოჯახის სიძე შოთა თინიკაშვილი, მამალაძის დეცეაში იყო თავის დროზე, მეორე კი, გურამ სამსონაშვილი... გომბორს გადავუხვევთ და გავჩერდებით იქ მე, მუშკა და ამერიძე... სხვებიან “ტოიოტა ჰაილუქსებში” 200-250 ჯარისკაცი და მოვლენ იქ. ჩამოდის ტექნიკა და შევუბრავთ. იქვე დავგირავებთ ყველაფერს, ფორმას, იარაღს და ყველაფერს... გუშინ ჰქონდათ ვარჯიშები, ვითომ ვარჯიშები რა, ასროლინეს ჯარისკაცებს... ხუთი დღის წინ ვიყავით მცხეთაში, ძმაო, და იქ იჯდა ექვსი გენერალი - კობა კობალაძე, ყარყარაშვილი, ფირცხალაიშვილი, თევზაძე, უჩაძე და გია წკრილაშვილი, კაცი რომელმაც თავის დროზე შექმნა “თეთრი გიორგი” და “მხედრონი”. ხო, მეშვიდე არის ჯემალ გახოკიძე. ეს რაც ვნახე და ვიცი. მე ჩემს სიტყვაზე ვარ “ატყევიანი”. ისინი “კრიშავენ” ამ ყველაფერს... რუსები მოდიან, 5 ათას კაცამდე გახარდეს რა. მოდიან რუსები, ორი ბრიგადა. ჩერდებიან ნატახტარზე. კეტავენ ღუშეთის გზას... რამიშვილი, ბოკერია, მერაბიშვილი, ჯანაშვილი ვკაჩაობ რა, სახლშია მოსული ჩემთან და დედაჩემის გამოცხვარი ხაჭაპური აქვს ნაჭაში. მაგასაც უპირებენ... ხო მოკვლას. მერაბიშვილი, უგულავა, ეს ცვეტში, ტრუშები არიან. გადაუნყვრტეს რა. გივი თარგამაძეცო, შეიძლება რა. ან ოთხშაბათს ან ხუთშაბათს, ყველა მიიღებთ პა პიისაძე ტისიჩს რა... შემდეგ, ძმაო, თამაშიდან არ გადის არავინ, სანამ იქნება რუსეთი... საქართველო რუსეთ-ბელორუსიის კავშირში შედის რა... 5-ში, 12 საათზე, შემოდიან ეგერი და მერე, კარგად იყავით რა... ხო, აბაშიძე ჩამოვა, ხალვაში ჩამოვა, კიდევ რა გვარია, ის მილიონერი როა, ხო ლევან პირველი... პირველი გასროლა, არის დედის... ნიშანი”, - ამბობს ღვალაძე შსს-ს მიერ გავრცელებულ ვიდეომასალაში.**

მოგვიანებით, შსს-მ კიდევ ერთი ოპერატიული ჩანაწერი გამოაქვეყნა, რომელშიც კვლავ ბატალიონ “დელტას” ყოფილი ხელმძღვანელი გია ღვალაძე რამდენიმე პიროვნებასთან ერთად სამხედრო ამბოხების დეტალებზე საუბრობს. **“ჩვენ შევუერთდებით 200 კაცს, გვექნება 40 ერთეულამდე ტექნიკა - 18-19 ტანკი, დანარჩენები ბეტეერები და ბეემპები .**

# რუსეთთან კოორდინირებული აზროვნება

მაია ბაქრაძე

დაახლოებით, ერთ საათში ვიქნებით თბილისში... ჩვენ მოვდივართ აეროპორტის ტრასით... 200-300 კაცი შემოვდივართ თბილისში. ჩვენთან იქნება 18 ავღანელი... აეროპორტში რჩება, დაახლოებით, 7-8 ერთეული ტექნიკა, აეროპორტი იკეტება, ეს ყ... რომ არ გაფრინდნენ. კოდის სასტავი და რუსეთის სასტავი... წითელ ხიდს. შავნაბადაზე ყველას ვიცნობ... ვიქნებით იმ ხალხთან და პოლიტიკოსებთან ერთად, რომლებიც იტყვიან... ნუ აქ მთავარი ის არის, რომ ამ ყ... და ამერიკაზე ვამბობთ უარს, თურქეთის საზღვარი იკეტება ნა.. ხ... კომუნისტების დროს როგორც იყო. საქართველო უერთდება დსთ-ს... რუსეთმა უკვე ამოქანა ყველაწარადა რა... პირველად აბაშიძე ჩამოვა და ლევან პირველი... პროკურატურა და შინაგან საქმეთა სამინისტრო ჩვენია... ახლა 8-დან 10 მილიონამდე ვერო სადაც დევს, თვალები რომ ამიხვიო, მიგიყვან რა... მეთქი, ბოლო-ბოლო, ბატონო გენერალო მეთქი, ჩემთან ალბათ, იმიტომ მოხვედით-მეთქი... ყარყარაშვილია... აეროპორტი ჩაკეტილი იქნება, რკინიგზა აფეთქდება. ჩვენი სასტავიდან, ვინც ჩვენთან არის, ქალაქის სამმართველო, ვაგზალი, ოღონდ ლიანდაგი და რუსთავი-2-ის შენობა ისე აფეთქდება, რომ მიხვდები რომ დედა ე... ოსეთიდან შემოვლენ, იქნება ორი კაცი ან სამი კაცი მაგათი, ვინც ფული უნდა მოგიტანონ იქიდან და ვიქნებით ჩვენ. მოაქვთ მაგათ, ჯერჯერობით, 2-3 მილიონი დოლარი... ისინი მოგცემენ ფულს, სანამ თქვენ ფულს არ ჩამოიტანთ, მე და თაზო ვართ იმათთან... გვეცოდინება, რომ ეს ფული 50-იდან 80 კაცამდე უნდა გატყდეს... 15-20-ს არ უნდა გადასცილდეს რა," - ამბობს გია ღვალაძე გავრცელებულ ვიდეორეგისტრაციაში.

## 2001 წლის 25 მაისი, მუხროვანი...

2001 წლის 25 მაისს, გამთენიისას, 4 საათზე, თავდაცვის სამინისტროს ეროვნული გვარდიის 400 ჯარისკაცმა დისლოკაციის ადგილი - ნორიოს საწვრთნელი ბაზა თვითნებურად დატოვა და თბილისიდან 30 კილომეტრში, მუხროვანში მდებარე შსს-ს სპეცდანიშნულების რაზმის ბაზა აიღო, რომელიც ეროვნული გვარდიის ჯარისკაცთა და ოფიცერთა გაფიცვის ცენტრად იქცა.

თავდაპირველად, ჯარისკაცთა ბუნტი სამხედრო-პოლიტიკურ ავანტიურად მოინათლა, რომლის მიზანაც სამხედრო გადატრიალება უნდა ყოფილიყო. თუმცა, მოგვიანებით, ცნობილი გახდა, რომ ჯარისკაცთა პროტესტის საფუძველი სოციალური და ყოფითი პრობლემები იყო - 13 თვის აუღებელი ხელფასი, შიმშილობა და უკიდურესი გაჭირვება.

გაფიცულ ჯარისკაცებთან მოლაპარაკებებს აწარმოებდა ეროვნული გვარდიის ყოფილი სარდალი და თავდაცვის ყოფილი მინისტრი, გენერალი გია



ყარყარაშვილი და როგორც მოგვიანებით, ბუნტის დასრულების შემდეგ, მაშინდელმა პრეზიდენტმა ედუარდ შევარდნაძემ განაცხადა, სწორედ მისი და მუხროვანის ბატალიონის უფროსის კობა ოთანაძის წარმატებული მოლაპარაკებების შედეგად დასრულდა ბუნტი.

თუმცა, ეროვნული გვარდიის ჯარისკაცების ბუნტი მუხროვანის ბაზაზე ქვეყნის პრეზიდენტის ედუარდ შევარდნაძის მისვლის და გვარდიაში არსებული პრობლემების განხილვის შემდეგ დასრულდა. პრეზიდენტმა ეროვნული გვარდიის ოფიცრებსა და ჯარისკაცებს ხელშეუხებლობის, სისხლის სამართლის პასუხსმგებლობისგან გათავისუფლებისა და არსებული პრობლემების მოგვარების პირობა მისცა.

მათ მივეცი პრეზიდენტის სიტყვა, რომ არც ერთ მათგანს არ შეაწუხებს გამომძიებელი. მათ რომ ჰქონოდათ ნორმალური სოციალური და ყოფითი პირობები, გაფიცვას არ მოაწყობდნენ, - განაცხადა მაშინ მოლაპარაკებიდან გამოსულმა ედუარდ შევარდნაძემ.

ერთდღიანი ბუნტის შემდეგ, რაც ქვეყნის პრეზიდენტისგან ხელშეუხებლობის პირობა მიიღეს, ეროვნული გვარდიის ჯარისკაცებმა 27 მაისს, გამთენიისას 6 საათზე მუხროვანის ბაზა დატოვეს და საკუთარ ბაზას დაუბრუნდნენ.

რვა წლის წინანდელი გაფიცვის მეთაურები იყვნენ - ეროვნული გვარდიის სარდალი, გენერალი კობა კობალაძე, გვარდიის ბატალიონის უფროსი კობა ოთანაძე, შტაბის უფროსი ზაზა მუშუქიანი, ბატალიონის უფროსი გია წკრიალაშვილი, რომლებსაც ედუარდ შევარდნაძემ მაშინ პასუხისმ-

გებლობა ააცილა.

ამათ ეგონათ შევარდნაძესავით ხვეწნა-მუდარას და ვუნებდი. კიტოვანის ბრიაშკას წერტილი კარგა ხნის წინ უნდა დასმოდა, მათ თავი სუფლად არ უნდა ევლოთ თბილისში, მაგრამ, როგორც ჩანს, ჩვენმა ლიბერალიზმმა საშიში ხასიათი მიიღო, - განაცხადა გუშინ საქართველოს პრეზიდენტმა მიხეილ სააკაშვილმა მუხროვანის ამბოხის დასრულების შემდეგ.

## დაკავებული სამხედრო მეთქმელები

ვიდეორეგისტრაციის მთავარი გმირი გია ღვალაძე სამართალდამცველებმა გუშინწინ, გვიან ღამით დააკავეს. გუშინ შუადღისას დააკავეს ეროვნული გვარდიის ყოფილი სარდალი, გენერალი კობა კობალაძე.

დაკავებამდე ერთი საათით ადრე კობა კობალაძეს სააგენტო პირველის ჟურნალისტი ესაუბრა. კობალაძემ განაცხადა, რომ ამბოხის ორგანიზებაში ეჭვმიტანილი გია ღვალაძეს, რომელიც შსს-ს ფარულ ვიდეორეგისტრირებაში მონაწილეობდა და ამბოხის შესაძლო მხარდამჭერთა შორის მის გვარს ასახელებს, "ვიზუალურადაც ვერ ცნობს და მისი ჯანმრთელობის მდგომარეობას სერიოზულ ეჭვქვეშ აყენებს". კობალაძის მტკიცებით, შსს-ს მიერ გავრცელებულ ჩანაწერებში მისი გვარის გაფლერება, მისთვის "სიურპრიზი" იყო.

მუხროვანის ბატალიონის ყოფილ მეთაურ კობა ოთანაძეს და გია წკრიალაშვილს, რომლებიც მუხროვანის ბაზაზე იმყოფებოდნენ და რომლებიც ამბოხების ორგანიზებაში არიან ეჭვმიტანილები, სამართალდამცველები ეძებენ. ძებ-

ნა გამოცხადებულია საქართველოს თავდაცვის სამინისტროს რეინჯერთა ბატალიონის ყოფილ მეთაურზე ზაზა მუშუქიანიზე, რომელიც გია ღვალაძის ახლო მეგობარია.

დაკავებულია გორის სატანკო ბატალიონის მეთაური შოთა გორგიაშვილი, რომლის აღიარებითი ჩვენება შსს-მ გუშინ საღამოსვე გამოაქვეყნა. გორგიაშვილი ოპერატიულ მასალაში ასხენებს ორთაჭალის რეინჯერთა ბატალიონის მეთაურს მაიორ ლევან ამირიძეს.

გორგიაშვილის თქმით, მან, ამირიძესთან ერთად მიიღო ბატალიონის განგაშის რეჟიმზე გადაყვანის გადაწყვეტილება.

**"ჩემთან მოვიდა მაიორი ამირიძე. საუბრის შემდეგ ბატალიონი გადავიყვანეთ თავდაცვაზე. ბატალიონში მოვიდა ოთანაძე რამდენიმე პირთან ერთად. შევედი კაბინეტში, სადაც ვისაუბრეთ იმაზე, რომ მე უნდა გამოვსულიყავი იმ სამხედრო ძალით, რაც გამაჩნდა და წავსულიყავი თბილისისკენ. ამას მოჰყვებოდა ხალხის ტალღის აგორება. საუბარი იყო დიდ თანხაზე - რომ ამ ყველაფრის შესრულების შემდეგ მე ამ თანხას მივიღებდი,"** - აცხადებს ჩვენებაში გორგიაშვილი.

გუშინვე სამართალდამცველებმა დააკავეს ამბოხების მონაწილე ასმეთაურები და სხვადასხვა დანაყოფის ხელმძღვანელები, რომელთა ვინაობა ჯერჯერობით არ სახელდება.

შინაგან საქმეთა სამინისტროს მიერ გუშინ გვიან ღამით გავრცელებული ინფორმაციის მიხედვით, დაკავებულია ასევე სამხედრო პოლიციის შვიდი თანამშრომელი და 13 სამოქალაქო პირი.

## სალომე ზურაბიშვილი: "სააკაშვილმა პოლიტიკური მიზნის მისაღწევად ქართული ჯარის გამოყენება სცადა"

პარტია "საქართველოს გზის" ლიდერის შეფასებით, მიხეილ სააკაშვილი ცდილობდა ოპოზიციის პროვოკაციაში ჩათრევას, თუმცა ეს ასე არ მოხდა. სალომე ზურაბიშვილის განცხადებით, სააკაშვილმა საკუთარი პოლიტიკური მიზნის მისაღწევად ქართული ჯარის გამოყენება სცადა, რაც სახელმწიფო დანაშაულის ტოლფასია. სააკაშვილმა ჯარის ფაქტორი სრულიად მიუღებლად გამოიყენა იმისთვის, რომ თავისი პოლიტიკური მიზნისთვის მიეღწია. ეს არის სახელმწიფოს მიმართ დიდი დანაშაული. არ გაუფა მას ასეთი პროვოკაცია. მიხეილ სააკაშვილი ჩვენ ვერ ჩავგვითრევს პროვოკაციაში," - აღნიშნა სალომე ზურაბიშვილმა.

## ირაკლი ალასანია ვიდეომასალას "სპექტაკლს" უწოდებს

"ალიანსი საქართველოსათვის" ლიდერი ირაკლი ალასანია შს სამინისტროს მიერ გავრცელებულ ვიდეომასალას და მასში გაფლერებულ ინფორმაციას თეთრი ძაფით ნაკერსა და "სპექტაკლს" უწოდებენ. "ეს არის სპექტაკლი, რაც გია ყარყარაშვილის წინააღმდეგ გაფლერდა და რა თქმა უნდა, მე ამისი არ მჯერა," - განაცხადა ირაკლი ალასანიამ.

## ნინო ბურჯანაძე მუხროვანის ინციდენტს ხელისუფლების პროვოკაციად მიიჩნევს

დემოკრატიული მოძრაობა ერთიანი საქართველოს ლიდერმა ნინო ბურჯანაძემ განაცხადა, რომ ეს არის მორიგი პროვოკაცია ოპოზიციის დიკრედიტაციისთვის. ბურჯანაძის თქმით, ამ ყველაფერს საზოგადოება უკვე კარგად აცნობიერებს. "არაფერს გამოვიტყვავ იმ ადამიანისგან, ვისგანაც პირადად მსენია, რომ პოლიტიკური საქმიანობის შემთხვევაში, მზად არის, ომი დაიწყოს," - აცხადებს ნინო ბურჯანაძე. პარლამენტის ყოფილი თავმჯდომარე ამბობს, რომ ჯარისკაცების რუსული სცენარის მიხედვით მოქმედებას გამოიტყვავს. "ეს ის ჯარისკაცები არიან, რომლებიც გმირულად იბრძოდნენ ცხინვალის რეგიონში, როცა მათი მთავარდასრდალი გარბოდა," - ასეთ შეფასებას სახლევს ნინო ბურჯანაძე გუშინ განვითარებულ მოვლენებს.

## ნიკა ჩიტაძე: "შესაძლოა ყოფილ სამხედრო მალაქრინოსნებთან რადიკალური ოპოზიციის წარმომადგენლებიც თანამშრომლობდნენ"

ექსპერტი უსაფრთხოების საკითხებში, ნიკა ჩიტაძე აცხადებს, რომ მუხროვანის ამბოხთან დაკავშირებით შესაძლოა ყოფილ სამხედრო მალაქრინოსნებთან რადიკალური ოპოზიციის წარმომადგენლებიც თანამშრომლობდნენ. "მგონია, რომ ეს ყველაფერი გამიზნული იყო იმისთვის, რომ ნატოს წრებში ჩაშლილიყო და საქართველოში შექმნილიყო არასტაბილური ვითარება. ვფიქრობ, რომ ყოფილი სამხედროების ნაწილს კავშირი ჰქონდა რუსეთის სპეცსამსახურებთან და უნდაოდათ ესარგებლათ იმ პოლიტიკური არასტაბილურობით, რომელიც დღეს საქართველოშია შექმნილი. ეჭვს იწვევს, არსებობს თუ არა კავშირი რადიკალურ ოპოზიციასა და სამხედროებს შორის. არ არის გამორიცხული რომ რომელიმე ოპოზიციის წარმომადგენელს ჰქონდეს კავშირი სამხედროებთან," - განაცხადა ნიკა ჩიტაძემ.

## ირაკლი სესიაშვილი: "თუ შსს-ს ინფორმაცია ჰქონდა მოსალოდნელი თავდასხმის შესახებ, მას ადევკვატური ზომები უნდა მიეღო"

სამხედრო ექსპერტის ირაკლი სესიაშვილის განცხადებით, ეჭვს იწვევს ფაქტი, რომ ვიდეორეგისტრაციის მიხედვით, შსს-ს ინფორმაცია ჰქონდა 5 მაისს რუსეთის შესაძლო შემოსვლის შესახებ და ამას საქართველოს მხრიდან სამხედრო რეაგირება არ მოჰყოლია.

ექსპერტის აზრით, ეს სცენა ხელისუფლებამ იმიტომ გაითამაშა, რომ მათ იცოდნენ ცალკეული სამხედრო ნაწილის მეთაურები საპროტესტო აქციის დარბევაზე უარს განაცხადებდნენ და ამიტომაც წინდანი მიიღეს ზომები.

"შსს-ს მიერ გადაღებული მსგავსი ტიპის ვიდეორეგისტრაციის სერიები ადრეც გვაქვს ნანახი, რომლის მიმართაც შემდგომში გარკვეული კითხვები გაჩნდა და ამ კითხვებს ხელისუფლებამ თავი აარიდა. თუ შსს-ს ინფორმაცია ჰქონდა მოსალოდნელი თავდასხმის შესახებ, მას ადევკვატური ზომები უნდა მიეღო. როგორც წესი, პირველ რიგში, უნდა გადასულიყვნენ ყაზარმულ მდგომარეობაზე, შემდეგ კი, საბრძოლო მზადყოფნა გამოეცხადებინათ და თავდაცვითი ზომები მიეღოთ. არც ერთი ასეთი ტიპის ნაბიჯი ხელისუფლებას არ გადაუდგამს," - აღნიშნავს ირაკლი სესიაშვილი.

სამხედრო ექსპერტის განცხადებით, რუსეთს დღეს სპეცოპერაციის დაწყება თუ სურდა, მიუხედავად იმისა ვის დააკავებდნენ და რა ინციდენტს მოხდებოდა, თავდასხმას მაინც განახორციელებდა.

## დავით დარჩიაშვილი ამბოხის მცდელობას ანტისახელმწიფოებრივ მოქმედებად აფასებს

საპარლამენტო უმრავლესობის წევრი დავით დარჩიაშვილი საქართველოში სამხედრო ამბოხის მცდელობას ანტისახელმწიფოებრივ ქმედებად და სისხლის სამართლის დანაშაულად აფასებს.

შემიძლია ვთქვა, რომ ეს არის ანტისახელმწიფოებრივი მოქმედება და სისხლის სამართლის დანაშაული. იმას, თუ ვინ არის ამაში გარეული და რა მიზანს ისახავდა ასეთი ქმედება, გამოძიება დაადგენს," - აღნიშნა დავით დარჩიაშვილმა.

# ირანელი ტუროპერატორები საქართველოში დაინტერესდნენ

## პერსია“ ხელშეკრულებას ოთხ ქართულ ტურისტულ სააგენტოსთან გააფორმებს

### ინოვაციური

უკვე 20 წელია, რაც ირანი საქართველოს სავაჭრო პარტნიორია. ეს ქვეყანა მუდმივად არის საქართველოს იმპორტიორთა ათეულში. ირანიდან საქართველოში ძირითადად ფეხსაცმლის, მამაკაცის ტანსაცმლის, მზესუმზირის ზეთის, ქაღალდის, სარეცხი საშუალებების, პლასტიკის ნაკეთობების, ჭაღების, ავეჯის და ტრიკოტაჟის ნაწარმის იმპორტი ხორციელდება.

ძირითადი საქონელი კი, რომელსაც ირანის იმპორტში მნიშვნელოვანი ადგილი უკავია, არის ალუმინის ნარჩენები, დაჭრილი დაფები, ჩარხები, კომპრესორები და რკინის პროფილები.

გუშინ ექსპო ჯორჯიას მეთერთმეტე პავილიონში ირანის ნაციონალური ნაწარმის რიგით მესამე გამოფენა გაიხ-

სნა, სადაც ირანის ტუროპერატორები პირველად გამოჩნდნენ. პერსია“ ტურისტული ფირმა, რომელიც მუშაობს თეირანში და მისი წარმომადგენლები საქართველოში პირველად ჩამოვიდნენ. მათი მიზანი ტურისტების მოზიდვაა, რადგან კრიზისის ფონზე ამ სფეროში გარკვეული ზარალი მათ ქვეყანაშიც განიცადა. მეთერთმეტე პავილიონში წარმოდგენილ სტენდზე გამოფენილია მრავალფეროვანი პეიზაჟები და ირანის ისტორიული ღირსშესანიშნაობები. პერსიას“ წარმომადგენლობა აქვს მსოფლიოს რამდენიმე ქვეყანაში. ტურისტების განვითარების თვალსაზრისით საქართველო ირანისთვის საკმაოდ საინტერესოა. ტურისტული სააგენტოს სამომავლო გეგმებზე საქართველოში 24 საათი“ პერსიას“ მენეჯერ-კონსულტანტ დელავარ ბოზორჯიას ესაუბრა:

- ირანის წარმომადგენლობა საქარ-

თველოში ყოველ წელიწადს მართავს გამოფენა-გაყიდვებს. ტურისტული სექტორის განვითარებით როგორც საქართველოში, ისე ირანში ერთნაირად არიან დაინტერესებულნი. ჩვენი ფირმა საქართველოში ჩამოსვლას ჯერ კიდევ 2008 წლის ნოემბერში გეგმავდა, მაგრამ ვიზიტი თქვენს ქვეყანაში მომხდარი ამბების შემდეგ გადაიდო.

- საქართველოში რატომ დაინტერესდით?

- საქართველოში პირველად ვარ. მისი ბუნება ძალიან ჰგავს ირანის ბუნებას. ქართველები მეტად გულუხვი, სტუმართმოყვარე ხალხია. აღფრთოვანებული ვარ მათი ამ თვისებებით. ტურისტული თვალსაზრისით საქართველო ძალიან საინტერესოა და დიდი სურვილი გვაქვს, ირანელებმა თქვენი ქვეყანა ნახონ, ქართველებმა კი ირანი.

- აქამდე თუ დადიოდნენ ქართული

ტურისტული ჯგუფები თეირანში?

- საკმაოდ მცირე რაოდენობით. ჩვენი იმისთვის ჩამოვიდით, რომ ქართველები ირანში დავუბრუნოთ. ვფიქრობ, ქართველებმა ირანის შესახებ ნაკლებად იციან და გვსურს, რომ ეს ურთიერთობები გაფართოვდეს. ირანში საკმაოდ ბევრია სანახავი - თეირანი, შირაზი ჩვენს ქვეყანაში ბევრი ისტორიული ძეგლია.

- ირანიდან თუ ჩამოვიდნენ ტურისტები საქართველოში?

- ირანიდან თქვენს ქვეყანაში საკმაოდ ბევრი დადიანია ნამყოფი. იმედი გვაქვს, რომ ეს გამოფენა ირანსა და საქართველოს შორის ურთიერთობებს ხელს შეუწყობს. საქართველო უძველესი ქვეყანაა და ასეთივეა ირანი. გვაინტერესებს საქართველოს უძველესი კულტურა და მისი ღირსშესანიშნაობები. ანალოგიურად მიმზიდველია ირანიც. ამიტომ გვინდა, რომ ტურისტები

სფერო ორივე ქვეყანაში განვითარდეს. ირანში ძალიან ბევრი ადამიანი ცხოვრობს, რომელთაც წინაპრები ქართველები ჰყავდათ და დღესაც ქართულ გვარებს ატარებენ. ინტერესი მათი მხრიდანაც არსებობს.

- აქ თუ გეგმავს თქვენი ტურისტული კომპანია წარმომადგენლობის გახსნას?

- დღეს საკმაოდ თბილი შეხვედრა მოქონდა თქვენი ქვეყნის კულტურის მინისტრთან და მისთან მოლაპარაკებები სწორედ ამ საკითხზე გავმართე. ხვალ საქართველოში მოღვაწე ოთხი ტურისტული კომპანიის წარმომადგენლებს შევხვდები და ვფიქრობ, რომ მათთან ხელშეკრულებას გავაფორმებთ, რათა ჩვენს კომპანიას ჰქონდეს თავისი წარმომადგენლობა საქართველოში. ეს კი ორმხრივი ურთიერთობების განვითარებას ხელს შეუწყობს.

# კალა კაპიტალი, ეკონომიკის სამინისტროს უპირისპირდება

### ანანა პარლიამენტი

ცნობილმა ფეხბურთელმა და კალა კაპიტალის“ დამფუძნებელმა კახა კალაძემ საქართველოს მთავრობას ღია წერილით მიმართა. წერილში აღნიშნულია, რომ ეკონომიკის სამინისტრო ბიზნესის განვითარების მხდაჭერაზე უარს აცხადებს - კალაძე სამინისტროსგან ხელშეკრულების პირობების გადახედვას მოითხოვს. თავის მხრივ ეკონომიკური განვითარების მინისტრი ლაშა შვანია აცხადებს, რომ კალა კაპიტალის“ მესვეურებმა სამინისტროში კომპანიისთვის შექმნილი ფორსმაჟორის დამადასტურებელი საბუთი ვერ წარმოადგინეს და, შესაბამისად, მათი განცხადება უსაფუძვლოა.

ავგისტოს ომმა და მსოფლიოში მძვინვარე ეკონომიკურმა კრიზისმა, ბუნებრივია, ჩვენი ქვეყნის ეკონომიკაზეც იმოქმედა. საგრძნობლად შეიზღუდა საინვესტიციო პროექტების საფინანსო რესურსების მოზიდვის შესაძლებლობა, რაც საქართველოს მთავრობის წარმომადგენლების მხრიდანაც საჯაროდ არაერთხელ გაცხადებულა. შესაბამისად, არსებული ეკონომიკური და საფინანსო კრიზისის დროს არსენალ სითის“ ანალოგიური ნებისმიერი მასშტაბური და კაპიტალტექნიკური პროექტი, რომელიც მწვავე მაკროეკონომიკური რეცესიის პირობებში მიმდინარეობს, აუცილებლად შეფასდებოდა როგორც ძალზედ სარისკო და ეკონომიკურად გაუმართლებელი.

მიუხედავად ყველაფრისა, ჩვენ მზად ვართ ავაშენოთ არსენალ სითი“ და კიდევ ერთი ლამაზი საჩუქარი გავუკეთოთ ჩვენს ქალაქსა და ქვეყანას. ამაში კი საქართველოს ეკონომიკური განვითარების სამინისტრო ხელს გვიშლის.

ჩვენ არაერთხელ მივმართეთ სამინისტროს, გადავგვხედა ხელშეკრულების პირობებისათვის და დღევანდელი რეალობის გათვალისწინებით შეგვეჯერებინა პროექტის განხორციელებისათვის აუცილებელი ახალი გონივრული ვადები და დავგვესახა ერთობლივი ღონისძიებები. ეკონომიკური განვითარების



სამინისტრომ ჩვენს ყველა საქმიან წინადადებას ხისტად უპასუხა - ვალდებულებების დაუყოვნებლივი შესრულება მოგეთხოვა და ფაქტობრივად, უკვე შეიძლება ითქვას, რომ ღიადაც აცხადებს უარს ქვეყანაში ბიზნესის განვითარების მხდაჭერაზე. ეს ხდება მაშინ, როდესაც საქართველოს პრეზიდენტმა არაერთხელ მოუწოდა მთავრობის წევრებს, განსაკუთრებულად გაუფრთხილდნენ ინვესტიციებს, რომლებიც ახლა უკვე სანთლით საძებარნი არიან. ეს კიდევ ერთხელ ადასტურებს, რომ სამინისტრო ხალხად ვერ აფასებს შექმნილ რეალობას, ვერ აცნობიერებს, რომ დღეს საქართველოში, სამწუხაროდ, აღარ არსებობს ისეთი ეკონომიკური და საფინანსო გარემო, რომელიც არსენალ სითის“ მსგავსი მასშტაბური პროექტების განხორციელებას რეალურ საფუძველს შეუქმნიდა. თუმცა, დღეს უკვე დაბეჯითე-

ბით შეგვიძლია განვაცხადოთ: ჩვენი ყველა მცდელობა, სამინისტრო დაგვერწმუნებინა, რომ აუცილებელია არსენალ სითის“ პროექტი დღევანდელ რეალობას მოვარგოთ, უშედეგოდ დასრულდა.

დღეს უკვე, ნაცვლად საქართველოს ეკონომიკური განვითარების სამინისტროს, თხოვნი მივმართეთ საქართველოს მთავრობას, რათა მოხდეს პროექტის განხორციელების ახალი, მისაღები, გონივრული და რეალური ვადების და შესაბამისი ვალდებულებების გადაგდება, რაც შექმნილ გარემოში აუცილებელია მასშტაბური პროექტების დასასრულებლად.“ - ნათქვამია კალა კაპიტალის“ მიმართვამში.

ეკონომიკური განვითარების მინისტრ ლაშა შვანიას განმარტებით, განცხადება იმის თაობაზე, რომ ეკონომიკის სამინისტრო კომპანიას ინვესტიციე-

ბის განხორციელებაში ხელს უშლის, არასწორია. ამ შემთხვევაში საუბარი ინვესტიციების განხორციელებაზე არ არის. საუბარია სპეციალიზებულ აუქციონზე გამარჯვებული კომპანიის მიერ მინის გადასახადის გადახდაზე. კანონი ცალსახად ითვალისწინებს, რომ მინის ღირებულების გადახდა აუქციონის ან შესაბამისი ხელშეკრულების გაფორმებიდან ერთი წლის ვადაში მოხდეს. წინააღმდეგ შეთხვევაში მინა ამა თუ იმ კომპანიის ან კერძო პირის საკუთრებად ვერ ჩაითვლება.“ - აცხადებს ეკონომიკური განვითარების მინისტრი ლაშა შვანია.

მინისტრის განცხადებით, კალა კაპიტალის“ 19 მლნ. 520 ათასი ლარის ვალი აქვს და ჯარიმის სახით 2 მლნ. 300 ათასი ლარის ვალდებულება ეკისრება. ლაშა შვანია აცხადებს, რომ ის გასული წლის დეკემბერში კახა კალაძეს შეხვდა და მარტში შეხვედრაზეც შეთანხმდნენ. ჩვენ კალა კაპიტალის“ იანვარში მივწერეთ, რომ ეკონომიკის სამინისტროში კომპანიისთვის შექმნილი ფორსმაჟორის დამადასტურებელი საბუთები წარმოედგინა. ამგვარი საბუთი კალა კაპიტალიდან“ არ მივიღია.“ - განაცხადა მინისტრმა.

მინისტრი აცხადებს, რომ ამ ეტაპზე სამინისტროს მხრიდან რაიმე გადაწყვეტილება მიღებული არ არის. სამინისტრო კომპანიის მსგავსი პროექტის წარმოდგენას ამოიღებდა. წინააღმდეგ შემთხვევაში კალა კაპიტალის“ მინა ჩამოერთმევა. ლაშა შვანიას განცხადებით, საინვესტიციო ვალდებულებები ბევრ კომპანიას გადაუვადდა. მინა კი მხოლოდ იმ ინვესტიციებს ჩამოერთვათ, რომელთაც მინის ნაკვეთის ღირებულება გადახდილი არ ჰქონდათ.

კალა კაპიტალის“ და ეკონომიკის სამინისტროს შორის დავა ყოფილი სამხედრო ბაზა არსენალის“ ტერიტორიაზე განსახორციელებელი პროექტის გამო მიმდინარეობს. კახი კალაძემ კალა კაპიტალი“ 2008 წლის მარტში დააფუძნა. კალა კაპიტალი“ სამ კომპანიას - კალა დეველოპმენტს“, კალა ენერჯის“ და პროგრესბანკს“ აერთიანებს. კალა კაპიტალის“ ყველაზე მასშტაბური პროექტი რუსეთის ყოფილი სამხედრო ბაზი-

სა და სამხედრო ქარხანა არსენალის“ ტერიტორიაზე მინიკალაქის აშენებას უკავშირდებოდა. თბილისში, გედევანიშვილის ქუჩაზე მდებარე შენობა-ნაგებობები და მინის ნაკვეთი (სულ 772, 958 კვ.მ.) კომპანია კალა დეველოპმენტმა“ 2008 წლის დასაწყისში 38,02 მლნ. აშშ დოლარად იყიდა

საქართველოს მთავრობასთან გაფორმებული ხელშეკრულების თანახმად, კალა დეველოპმენტმა“ ყოფილი სამხედრო ბაზის ტერიტორიის ორ ჰექტარზე 60 000 კვ. მ. ფართობის სამთავრობო კომპლექსი უნდა ააშენოს. ახალ კომპლექსში მთავრობის კანცელარიისა და რამდენიმე სამინისტროს გადასვლა იგეგმებოდა.

კომპლექსის მშენებლობის ღირებულება მაქსიმუმ 30 მლნ. აშშ. დოლარი უნდა ყოფილიყო. პროექტი საქართველოს ეკონომიკური განვითარების სამინისტროსთან შეთანხმდა.

ხელშეკრულების თანახმად, კალა დეველოპმენტს“ მთავრობის ახალი კომპლექსის მშენებლობა აუქციონის ჩატარებიდან 4 წლის ვადაში უნდა დაესრულებინა და ის სახელმწიფოს საკუთრებაში უსასაფრლოდ გადაეცა. შეთანხმების თანახმად, კომპლექსი ნებისმიერი მოთხოვნისგან თავისუფალი, უფლებრივად უნაკლო და დაუტვირთავი უნდა ყოფილიყო. კალა დეველოპმენტმა“ პრივატიზებულ ობიექტზე 9 წლის განმავლობაში 700 მლნ. აშშ დოლარის ოდენობის ინვესტიციის განხორციელების ვალდებულება აიღო. ინვესტიციების გრაფიკი საქართველოს ეკონომიკური განვითარების სამინისტროსთან შეთანხმდა. როგორც სამინისტროში აცხადებენ, კახი კალაძის კალა დეველოპმენტს“ მესამე და მეოთხე ტრანშის თანხა ჯერ კიდევ გადასახდელი აქვს. კანონის თანახმად, ცნობილ ფეხბურთელს ყოველ გადაცილებულ დღეზე ჯარიმის სახით გადასახდელი თანხის 0,1 პროცენტის გადახდა მოუწევს. კახი კალაძე საქართველოს მთავრობას ხელშეწყობისა და დახმარების თხოვნით უკვე რამდენიმე თვეა მიმართავს.

# საქართველოს ბანკმა, და IFC-მ საერთაშორისო სვოპისა და დერივატივების ასოციაციის მთავარი შეთანხმება გააფორმეს

საერთაშორისო საფინანსო კორპორაცია (IFC) საქართველოს ბანკს“ საპროცენტო განაკვეთ სვოპის ოპერაციებში ჩართვის პროცესში ხელს შეუწყობს. ახალი პროდუქტის დაწესება ბანკს რისკის მართვის დამატებით შესაძლებლობას მისცემს, რაც თავის მხრივ გლობალური საფინანსო კრიზისის პირობებში საქართველოს ფინანსურ სისტემას კიდევ უფრო გააძლიერებს.

5 მაისს IFC-მ და საქართველოს ბანკმა“ ხელი მოაწერეს საერთაშორისო სვოპისა და დერივატივების ასოციაციის (ISDA) მთავარ შეთანხმებას, რომელიც საქართველოს ბანკს“ რისკის მართვის დამატებით საშუალებას ანიჭებს

და შესაძლებლობას აძლევს, აშშ დოლარში დენომინირებული გრძელვადიანი სესხების საპროცენტო განაკვეთის რისკის შეფასება მოახდინოს. რისკის მართვის ოპერაციების განხორციელებასთან დაკავშირებული შეთანხმება საერთაშორისო სამართლებრივი დოკუმენტია.

IFC-სთან ხელშეკრულების ხელმოწერა საქართველოს ბანკს“ რისკის მართვის მძლავრი საშუალებით უზრუნველყოფს. გრძელვადიან ვალდებულებებზე დღეისთვის არსებულ ყველაზე ხელსაყრელ საპროცენტო განაკვეთებს და დაფიქსირებულ პროცენტულ ნაწილსთან დაკავშირებული რისკის ასეთი წინდახედული მართვა ხელს შეუწყობს ჩვენი სამომავლო შემოსავლების უზ-

რუნველყოფას.“ - განაცხადა საქართველოს ბანკის“ სამეთვალყურეო საბჭოს თავმჯდომარე ნიკა ენუქიძემ.

IFC-ის ცენტრალური და აღმოსავლეთ ევროპის დეპარტამენტის დირექტორმა სნეჟანა სტილიჯკოვიჩმა განაცხადა: მიმდინარე ფინანსური კრიზისის პირობებში რისკების საიმედო მართვას ბანკებისთვის დიდი მნიშვნელობა აქვს. საქართველოს ბანკთან ხელმოწერილი შეთანხმება არის მაგალითი იმისა, თუ რას სახის განსაკუთრებული მომსახურებას სთავაზობს IFC თავის კლიენტებს.“ ეს შეთანხმება IFC-ის ფართომასშტაბიანი სტრატეგიის ნაწილია, რომელიც ცენტრალურ და აღმოსავლეთ ევროპაში კლიენტი ბანკე-

ბისთვის რისკის მართვის შესაძლებლობის გაუმჯობესებასა და მათთვის ინოვაციური პროდუქტების შეთავაზებას ითვალისწინებს.

საერთაშორისო საფინანსო კორპორაცია (IFC) მსოფლიო ბანკის ჯგუფის წევრია, რომელიც ხალხს სიღარიბის დაძლევისა და ცხოვრების პირობების გაუმჯობესებაში ეხმარება. კერძო სექტორის განვითარების მხდაჭერით, კერძო კაპიტალის მოზიდვებითა და ბიზნესისა და ქვეყნების მთავრობებისათვის საკონსულტაციო და რისკის შემცირებასთან დაკავშირებული პროგრამებით კორპორაცია ხელს უწყობს განვითარებად ქვეყნებში მდგრად ეკონომიკურ ზრდას. 2008 წელს IFC-ს მიერ

განხორციელებულმა ინვესტიციამ 16,2 მილიარდ აშშ დოლარს მიაღწია, რითაც წინა წელთან შედარებით 34-პროცენტითი ზრდა დაფიქსირდა.

საქართველოს ბანკი“ უმსხვილესი ბანკია საქართველოში აქტივების, სესხების, დეპოზიტებისა და სააქციო კაპიტალის მიხედვით. ბანკი უკრაინასა და ბელარუსშიც საქმიანობს. საქართველოს ბანკს“ 141 ფილიალი აქვს და 856 000-ზე მეტი ფიზიკური პირის და 139 000 კორპორატიული კლიენტის მიმდინარე ანგარიშს ემსახურება. ბანკი თავის კლიენტებს სამომხმარებლო საბანკო და კორპორატიული საბანკო მომსახურების ფართო სპექტრს სთავაზობს.

# მოლდოვას პარლამენტი მუშაობას იწყებს და ამთავრებს

## ივანე პილაჩიძე

მოლდოვაში პოლიტიკური ბრძოლა ნელ-ნელა კონსტიტუციურ ჩარჩოებს დაუბრუნდა. მთელი თვე არეულობების შემდეგ ისეთი შთაბეჭდილება იქმნებოდა, რომ ბრძოლის არაკონსტიტუციური მეთოდებით გაგრძელებაში მთავრობა უფრო იყო დაინტერესებული, რათა ოპოზიციისთვის ჩირქი მოეცოდა.

ახალი პარლამენტის "არჩევის" გამო გადადგა მთავრობა. ახალი მთავრობა ალბათ მთლიანად კომუნისტებით დაკომპლექტდება, რადგან

კომუნისტებს პარლამენტში ხმების ნახევარზე მეტი აქვთ. უფრო რთულად არის პრეზიდენტის არჩევის საქმე. აქ კომუნისტებს ერთი ხმა აკლდება. ოპოზიციის წარმომადგენლებმა საკუთარი მანდატები აიღეს და გუშინ პარლამენტის პირველ სხდომაზეც მივიდნენ. მათ რიგი მოთხოვნებიც ჰქონდათ მომზადებული, მაგრამ უმრავლესობამ მათ სიტყვით გამოვლის საშუალება არ მისცა, ეს პირველი სხდომაც მხოლოდ 23 წუთს გრძელდებოდა.

ოპოზიციის წარმომადგენლებმა უარი თქვეს საპარლამენტო თანამდებობების დაკა-

ვებაზე. ისინი ვიცე-სპიკერის პოსტზეც არ ასახელებენ კანდიდატურას და საერთოდ არ აპირებენ 12 მაისს იმ სხდომაში მონაწილეობას, სადაც ორგანიზაციულ საკითხებს განიხილავენ.

თუ პარლამენტი სამ ცდაზე პრეზიდენტს ვერ აირჩევს, მოლდოვის კონსტიტუციის თანახმად, ძველმა პრეზიდენტმა საკანონმდებლო ორგანო უნდა დაითხოვოს და ახალი არჩევნები დაინიშნოს. პარლამენტში გასული სამივე ოპოზიციური პარტიის ლიდერი: მიხაი გიმპუ (ლიბერალური პარტია), ვლად ფილატი (ლიბერალურ-დემოკრატიული პარ-

ტია) და სერაფიმ ურეკიანი (ალიანსი "ჩვენი მოლდოვა") კატეგორიულად აცხადებენ, რომ არ დაუჭერენ მხარს კომუნისტების მიერ დასახელებულ კანდიდატურას და სწორედ ამ გზით მიაღწევენ ახალი არჩევნების დანიშვნას.

სხვათა შორის, მოლდოვის სააპელაციო სასამართლომ ძალაში დატოვა ნატალია მორარისთვის "მისჯილი" ქვეყნიდან გასვლის აკრძალვა. ნატალია მორარის ხელისუფლება 7 პარიზის საპროტესტო გამოსვლების და არეულობის ერთ-ერთ მთავარ ორგანიზატორად მიიჩნევა.

## თურქეთში მომხდარი ტრაგედიის შედეგად 45 ადამიანი დაიღუპა

თურქეთში, მარდინის პროვინციის სოფელ ბილგეში მომხდარმა ტრაგედიამ 45 ადამიანის სიცოცხლე იმსხვერპლა. ადგილობრივი მედიის ცნობით, დაღუპულთა შორის მეტწილად ქალები და ბავშვები არიან. ქვეყნის შს სამინისტროს ინფორმაციით, სავარაუდოდ, ხუთმა-ექვსმა დამნაშავემ, რომელთა ვინაობა დგინდება, ქორწილის სტუმრებს გაუხსნა ცეცხლი. მომხდარის მიზეზები ჯერჯერობით უცნობია. მარდინის პროვინციის ადმინისტრაციის წარმომადგენელთა განცხადებით, ძირითად ვერსიად ტერაქტი არ განიხილება. უფრო მეტად საუბარია შურისძიებაზე ან სისხლის აღებაზე. ქვეყნის შინაგან საქმეთა მინისტრ ბიშერ ატალაის განცხადებით, იგი არ ემხრობა ამ თავდასხმის ტერორისტულ აქტად განხილვას. "ჩვენ ვემხრობით აზრს, რომ მოხდარი არ არის ტერორისტული აქტი. ამავე დროს პროკურატურა საფუძვლიანად მუშაობს ყველა ვერსიაზე," - განაცხადა მინისტრმა.

ჯი-ეიჩ-ენი

## დიმიტრი როგოზინი: რუსეთი-ნატოს საბჭოს მინისტრიალის შეხვედრა არ შედეგა

"ნატო არ არის მზად, რუსეთთან ნორმალური ურთიერთობები განაახლოს, ამიტომაც რუსეთი-ნატოს საბჭოს მინისტრიალის შეხვედრა არ შედეგა," - განაცხადა გუშინ რუსეთის წარმომადგენელმა ნატო-ში დიმიტრი როგოზინმა და დასძინა, რომ მიუხედავად რუსეთის მიერ მიღებული ამ გადაწყვეტილებისა, რუსეთი-ნატოს დიალოგი ელჩების დონეზე გაგრძელდება. "იძულებული ვარ, მოვახდინო კონსტატირება იმისა, რომ ალიანსი არ არის მზად, რუსეთთან დიალოგი ანარმოს," - განაცხადა როგოზინმა და ამავე კონტექსტში საუბრისას ალიანსის დიპლომატიის მიმართ გამოიყენა ფრაზა - "უხამსი გამოხტომა" და სწავლების თვალსაზრისით - "არაადეკვატური ქმედებები საქართველოში". "სწორედ ამ კონტექსტში იძულებული ვარ, განვაცხადო, რომ რუსეთი-ნატოს საბჭოს სხდომა აღარ გაიმართება," - აცხადებს როგოზინი.

ჯი-ეიჩ-ენი

## ჩინეთი აშშ-ს მოუწოდებს, სხვა ქვეყნების საქმეებში ჩარევისგან თავი შეიკავოს

ჩინეთმა მოუწოდებს აშშ-ს, თავი დაანებოს მედიის თავისუფლებისა და სხვა საკითხებში უცხო ქვეყნების საქმეებში ჩარევას, - ამის შესახებ ჩინეთის საგარეო საქმეთა სამინისტროს ოფიციალურმა წარმომადგენელმა მა ჩუასიუმ განაცხადა. ჩინეთის საგარეო უწყება არ ეთანხმება აშშ-ს პრეზიდენტ ბარაკ ობამას შენიშვნებს, რომელიც მან 3 მაისს, პრესის თავისუფლების მსოფლიო დღეს გააკეთა. საუბარია კონკრეტულად იმ ნაწილზე, სადაც აშშ-ს პრეზიდენტმა ბრალი დასდო რიგ ქვეყნებს, მათ შორის ჩინეთს, კუბას, შრი-ლანკას და ზიმბაბვეს ჟურნალისტების დევნასა და მათ დაპატიმრებაში. "ზოლო 30 წლის განმავლობაში ჩინეთში ახალი ამბების მომზადებამ მნიშვნელოვანი პროგრესი განიცადა. ამ ხნის განმავლობაში მნიშვნელოვნად გაიზარდა კორესპონდენტების რაოდენობა და მათი უფლებები დაცულია," - განაცხადა საგარეო უწყების ოფიციალურმა წარმომადგენელმა. "ჩვენ მოვუწოდებთ აშშ-ს, პატივი სცეს ფაქტებს, ჩინეთის კანონმდებლობას და ქვეყანაში პრესის თავისუფლების საკითხებს სწორი კუთხით შეხედოს. ასევე შეწყვიტოს ამ საკითხებში ჩარევა," - განაცხადა დიპლომატმა.

ჯი-ეიჩ-ენი

## ლუკაშენკო ოპოზიციის სოციალურ-ეკონომიკურ საკითხებზე თანამშრომლობას სთავაზობს

ბელარუსის პრეზიდენტი ალექსანდრე ლუკაშენკო არ გამოიხატავს შესაძლებლობას, რომ სოციალურ-ეკონომიკური პრობლემების დასაძლევად ოპოზიციის რიგებიდან პროფესიონალები მიიწვიოს. "თუ ჩვენს ქვეყანაში არიან ადამიანები, რომლებსაც ჩვენი ხალხის ინტერესებისთვის შეუძლიათ გადაწყვიტონ რაიმე საკითხები, ჩვენ დიდი პატივით მზად ვართ, ჩავრთოთ ისინი ამ პროცესში," - განუცხადა "როიტერს" ლუკაშენკომ. პრეზიდენტმა მოუწოდა ოპოზიციას, დაიწყოს მუშაობა კონკრეტულ საკითხებზე, რაც მათ შესაძლებლობას მისცემს, დამსახურებულად წაინიონ წინ შესაბამის სამსახურებრივ საფეხურებზე.

ჯი-ეიჩ-ენი

# მაქსიკაში ღორის ბრივის გამო დაწესებული ზედუბეზი უქმდება

## მარიკა იაზვილი

მეხიკო ცხოვრების ჩვეულ რიტმს უბრუნდება. მექსიკის დედაქალაქში კაფეები და რესტორნები გაიხსნა, რომლებიც ქვეყანაში ღორის გრიპის გამოვლენის შემდეგ დაკეტული იყო. ქალაქის ხელმძღვანელობამ საჯარო დაწესებულებათა ნაწილის გახსნის გადაწყვეტილება მას შემდეგ მიიღო, რაც დაავადების შემთხვევებმა იკლო.

ბიბლიოთეკები, მუზეუმები და ეკლესიები დღეს გაიხსნება, თუმცა კინოთეატრები, თეატრები და ბარები გარკვეული პერიოდის განმავლობაში კვლავ არ იფუნქციონირებენ, - აცხადებენ ქალაქის მერიამი.

ხელისუფლების წარმომადგენლები ამჟამად იმაზე მსჯელობენ, თუ როდის იქნება დასაშვები სკოლებისა და სამრეწველო დაწესებულებების გახსნა მთელ ქვეყანაში.

მსოფლიოში ამჟამად ღორის გრიპით დაავადების 1025 შემთხვევაა დადასტურებული.

ამერიკაში დაავადებულთა რაოდენობა ერთი დღის განმავლობაში 226-დან 286-მდე გაიზარდა, ღორის გრიპი 36 შტატშია გავრცელებული. ქვეყნის ჯანდაცვის უწყების ხელმძღვანელები აცხადებენ, რომ არ არის გამოირიცხული, უახლოეს მომავალში ახალი შემთხვევები გამოვლინდეს.

ოფიციალური მონაცემებით, აშშ-ში მხოლოდ ერთი ბავშვი გარდაიცვალა, რომელიც მექსიკაში იმყოფებოდა, ყველა დანარჩენ შემთხვევაში ავადმყოფობა მსუბუქი ფორმებით მიმდინარეობს.

ღორის გრიპის შესახებ განცხადებები კეთდება გაერო-შიც. ორგანიზაციაში აცხადებენ, რომ დაავადება ევროპასა და აზიაში ფართოდ არ არის გავრცელებული, შესაბამისად საფრთხის მაჩვენებლის გაზრდის აუცილებლობა არ არსებობს.

მსოფლიო ჯანდაცვის ორგანიზაციის წარმომადგენლების განცხადებით, ჩრდილოეთ ამერიკის ფარგლებს გარეთ ვირუსის ადამიანიდან ადამიანზე გადაცემის ფაქტი ოფიციალურად ჯერ არ დადასტურებულა. ყველა დაავადებული, რომელიც სხვა რეგიონებში არიან რეგისტრირებული, მექსიკაში, აშშ-სა და კანადაში იმყოფებოდნენ.

ორგანიზაციის ხელმძღვანე-



AFP © 2009

ლი მარგარეტ ჩანი აცხადებს, რომ მთავარი გამოცდა ზამთრის დასაწყისში გრიპის ხელახალი აფეთქება იქნება.

"იმედი გვაქვს, რომ ვირუსი ძალის დაკარგვას დაიწყებს, წინააღმდეგ შემთხვევაში, ძალზე სერიოზულ აფეთქებას უნდა ველოდოთ," - აცხადებს ის.

"მე არ ვამტკიცებ, რომ პანდემია აუცილებლად დაიწყება, მაგრამ ჩვენ მოვლენათა ნებისმიერი განვითარებისთვის უნდა ვიყოთ მზად. მოცემულ შემთხვევაში სიფრთხილის გამოჩენა სჯობს, ვიდრე შესაძლო სცენარისთვის მოუზნადებლად ყოფნა," - აღნიშნა მარგარეტ ჩანმა.

ვირუსის ადამიანიდან ადამიანზე გადაცემა, სავარაუდოდ, მსოფლიოს ექვს ქვეყანაში დაფიქსირდა.

მექსიკაში ვარაუდობენ, რომ გრიპით 100-ზე მეტი ადამიანი გარდაიცვალა, თუმცა ოფიციალურად მხოლოდ 26 შემთხვევა დადასტურდა.

რაც შეეხება სხვა რეგიონებს, დიდ ბრიტანეთში გამოვლენილი ცხრა ახალი შემთხვევიდან, როგორც ჩანს, 7 ადამიანი მექსიკაში არ ყოფილა. დიდ ბრიტანეთში ღორის გრიპით სულ 27 ადამიანი

დაავადებული. შვეიცარიაში, ფრიბურის კანტონის სამხედრო ბანაკის 250 ახალწვეული და თანამშრომელი კარანტინშია მოთავსებული, რადგან ორ მათგანს ღორის გრიპის სიმპტომები აღმოაჩნდა.

აშშ-ში, ოფიციალურ პირთა განცხადებით, დაავადებულთა რაოდენობის ზრდის მიზეზია არა ახალი შემთხვევები, არამედ ის, რომ ცნობილი გახდა ადრე გაკეთებული ანალიზების შედეგები.

თუმცა დაავადების კონტროლისა და აღმოფხვრის ამერიკული ცენტრის ექსპერტი ენ შუმატი აცხადებს, რომ ვირუსი, სავარაუდოდ, მთელ ქვეყანას მოედო.

"აშშ-ში ვირუსი, როგორც ჩანს, უკვე ყველა შტატში ბრუნავს, - აღნიშნა მან, - ეს არ ნიშნავს, რომ ქვეყნის ყველა მცხოვრები დაინფიცირებულია, თუმცა ვირუსმა ყველგან შეაღწია."

ექიმ შუმატის აზრით, მომავალში გამოვლინდება მძიმე შემთხვევებიც, რომლებსაც ლეტალური დასასრული ექნება, მაგრამ ამაში უჩვეულო არაფერია. ის შეგვახსენებს, რომ ყოველწლიურად სეზონური გრიპებით აშშ-ში 36 ადამიანი იღუპება. ამავედროულად ექსპერტი გვაფრთხილებს,

# როქსანა საბერი აშშ-სა და ირანის ურთიერთობების კატალიზატორია

## ივა შილაკაძე

ირანში გასამართლებული ამერიკელი ჟურნალისტი როქსანა საბერი ციხის საავადმყოფოში მოხვდა. ამის მიზეზი გახდა მშრალი შიმშილობა, რომელიც 20 თუ 25 აპრილს გამოაცხადა. ირანის ხელისუფლება თავიდან საერთოდ უარყოფდა ჟურნალისტის შიმშილობის ფაქტს. ეს ინფორმაცია დასავლეთის მედიას მხოლოდ როქსანა საბერის მშობლებისგან ჰქონდათ. თუმცა ბოლო დღეებში მისი მდგომარეობა დამძიმდა და პატიმრის საავადმყოფოში გადაყვანა გახდა საჭირო.

როქსანა საბერი სპირტიანი სასმელის შეძენის ბრალდებით იანვარში დააპატიმრეს. ცოტა ხანში ამას აკრედიტაციის გარეშე ჟურნალისტური საქმიანობის ბრალდება დაემატა, აპრილში კი - ჯაშუშობა ამერიკის შეერთებული შტატების სასარგებლოდ. ამ ბრალდების ნაყენებიდან, სულ რაღაც, ერთ კვირაში, 18 აპრილს, გასაიდუმლოებულ ვითარებაში ის გაასამართლეს და რვა წლით თავისუფლების აღკვეთა მიუსაჯეს.

როქსანა საბერი დაიბადა 1977 წელს აშშ-ში, ჩრდილოეთ დაკოტას შტატში. მამა წარმოშობით ირანელია, დედა - იაპონელი. როქსანამ წარმატებით დაამთავრა სკოლა, 1997 წელს მურჰედის კოლეჯი მინესოტას შტატში (სწავლობდა ფრანგულს და კომუნიკაციის თეორიას). მიიღო მაგისტრის ხარისხი რადიო-ჟურნალისტიკაში ილინოისის ჩრდილო-დასავლეთის უნივერსიტეტში, შემდეგ მაგისტრის ხარისხი საერთაშორისო ურთიერთობებში კემბრიჯის უნივერსიტეტში (დიდი ბრიტანეთი). 1997 წელს მის ჩრდილოეთ დაკოტას ტიტული მიიღო, ხოლო 1998 წელს მის ამერიკას ათეულში შევიდა.

ჟურნალისტური პრაქტიკა 2003 წელს ირანში დაიწყო. სათავეში ჩაუდგა სააგენტო Feature Story News-ის თეირანის წარმომადგენლობას. მუშაობდა ისეთ მედიაკომპანიებთან, როგორებიც არიან: Channel News Asia; South African Broadcasting; DW Radio; Vatican Radio; Radio New Zealand. ასევე ამზადებდა ტელერეპორტაჟებს არხებისთვის: PBS, NPR და Fox News. 2003 წელსვე ირანის ხელისუფლებამ მას მიზეზების აუხსნელად გაუუქმა აკრედიტაცია, Feature Story



AFP / 2009

News-ის წარმომადგენლობა კი დახურა. როქსანა საბერის უშტატო კორესპონდენტის სტატუსი მისცა BBC News-მა, მაგრამ 2006 წელს ეს აკრედიტაციაც გაუუქმეს. როქსანა საბერი დარჩა ირანში, წერდა პუბლიცისტურ წიგნს და პერიოდულად მინც აკეთებდა რეპორტაჟებს რადიო ABC-სთვის. ამ პერიოდში მან ირანის მოქალაქეობაც მიიღო. ჟურნალისტური საქმიანობის პერიოდში იგი ეხებოდა მწვავე და ირანისთვის მტკივნეულ თემებს: კლერიკალების ჩარევას ადგილობრივ არჩევნებში, თეირანის ბირთვულ პროგრამას და მის მიმართ დასავლეთის რეაქციას, მოძრაობა "ჰამასის" ფინანსურ მხარდაჭერას, ქალთა ფეხბურთის აკრძალვას და სხვ.

საბერის დაპატიმრებას აშკარად ასდის პოლიტიკური "სუნი". ექსპერტების ნაწილის აზრით, ეს დაპატიმრება საეჭვოდ დაემთხვა ამერიკასა და ირანს შორის ურთიერთობის დათბობის შესახებ წამოსულ "მესიჯებს" ორივე მხრიდან. ამ ფაქტით შეიძლება აშშ-სა და ირანის

რეაქციას და მის რეალურ განწყობას "ამონებდეს". არის მეორე აზრიც - შეიძლება ეს გაკეთდა ირანის მთავრობის იმ კონსერვატორი ნევრების სანქციით, რომლებსაც ხელს არ აძლევთ აშშ-სთან ურთიერთობების მოგვარება (ისე საინტერესოა, ვინ არის იქ აშშ-სა და ირანის უფრო რადიკალ-კონსერვატორი). საერთოდ, ირანის სპეცსამსახურებს ხშირად ელანდება ირანის შეჯაშუშები და მერე თვითონვე უწევთ იმის გამოცხადება, რომ კონკრეტულ დაპატიმრებულ პირებს არავითარი კავშირი არა აქვთ შიონაჟთან. ეჭვის საფუძველს კიდევ ერთი ფაქტი იძლევა. უეჭველია, რომ საბერის საქმიანობა ირანის შესაბამის ორგანოებს აღიზიანებდა. ამაზე მეტყველებს აკრედიტაციის ორჯერ გაუქმების ფაქტი. ის 2006 წლის მერეც აგრძელებდა მუშაობას და მიუხედავად ამისა მხოლოდ ახლა - სამი წლის შემდეგ დააპატიმრეს. ცხადია, ის 2003 წლიდანვე იყო სპეცსამსახურების ფარული მეთვალყურეობის ობიექტი და მისი ჯა-

შუშობის შესახებ რაიმე ფაქტები რომ ყოფილიყო, მას ადრევე დააპატიმრებდნენ. საბერის საქმის "საგარეო" დანიშნულებაზე ის ფაქტიც მეტყველებს, რომ ირანის შიგნით საინფორმაციო საშუალებები ამ საქმეზე საერთოდ დუმან და ქვეყნის საზოგადოებამ ამის შესახებ არაფერი იცის, შესაბამისად, პროტესტს მხოლოდ საერთაშორისო მედია და პოლიტიკური წრეები გამოთქვამენ, ირანში კი აბსოლუტური სიჩუმეა.

საბერისთვის განაჩენის გამოტანისთანვე თავისი რეაქცია გამოხატა ბარაკ ობამამ: მისმა პრესმდივანმა განაცხადა, რომ პრეზიდენტი "ღრმად იმედგაცრუებულია" ასეთი გადაწყვეტილებით. ანალოგიური იყო სახელმწიფო მდივან ჰილარი კლინტონის რეაქცია, რომელმაც აგრეთვე დასძინა, რომ შვეიცარიის საელჩოს საშუალებით (აშშ-ს და ირანს დიპლომატიური ურთიერთობები არა აქვთ და შუამავლობას შვეიცარია ეწევა) ისინი შეეცდებიან, თავიანთი აზრი მიანდონ ირანის

ხელისუფლებას. მაშინვე გავრცელდა ირანის საგარეო საქმეთა სამინისტროს წარმომადგენლის პასუხი, რომელშიც ამ უკანასკნელმა უცხოეთის პოლიტიკურ წრეებს სასამართლო გადაწყვეტილების პატივისცემისკენ მოუწოდა. თუმცა 19 აპრილსვე როქსანა საბერის ირანის პრეზიდენტი მაჰმუდ აჰმადინეჯადი გამოესარჩლა. ამ უკანასკნელმა გაუზავნა ნეილი ქვეყნის პროკურორს, რომელმაც მოითხოვა, რომ მთლიანად დაცული ყოფილიყო ჟურნალისტის (აგრეთვე ადრე დაპატიმრებული ირანელი ბლოგერის ჰუსეინ დერაზმანის) უფლებები. "გთხოვთ, პირადად მიაღვენოთ თვალი პროცესს და დარწმუნდეთ, რომ დაცვის მხარეს სრულად შეუძლია განახორციელოს თავისი უფლებები [...] და მათი უფლებები იოტისოდენადაც არ ირღვევა." 21 აპრილს ირანის გენერალურმა პროკურორმა მახმუდ ხაშემი შახრუდში განაცხადა, რომ ჟურნალისტ როქსანა საბერის საქმე გადაიხედება. ამ სიტყვებს, როგორც ჩანს, ჯერჯერობით საქმე არ მოჰყოლია. 25 აპრილს საბერის ადვოკატმა საქმე გაასაჩივრა, თვითონ ჟურნალისტმა კი შიმშილობა დაიწყო.

მაისის დასაწყისში საქმეში უკვე იაპონია ჩაერთო (საბერის დედა იაპონელია) და ამ ქვეყნის საგარეო საქმეთა მინისტრი ხიროფუმი ნაკა-სონე ირანელ კოლეგასთან საუბრისას ამ თემასაც შეეხო. ერთობლივი პრესკონფერენციისას ირანის საგარეო საქმეთა მინისტრმა მანუჩერ მოტაკიმ პირობა დადო, რომ ჟურნალისტის საქმე გადაიხედება "მართლმსაჯულების ნორმების, აგრეთვე ადამიანურობისა და ისლამური კაცთმოყვარეობის პრინციპების შესაბამისად". ჯერ არავინ იცის, რას ნიშნავს ეს სიტყვები, რამდენად შემცირდება როქსანა საბერის პატიმრობის ვადა (ან შემცირდება თუ არა საერთოდ). მთავარი ალბათ ის არის, რომ ჟურნალისტს მოეხსნას ჯაშუშობის ბრალდება, რისი დამადასტურებელი საბუთებიც საზოგადოებისთვის არ წარუდგენიათ და რაც, სავარაუდოდ, მას არ ჩაუდენია. დანარჩენი კი სერიოზული არ არის.

# ისრაელი პალესტინასთან დიპლომატიის მზად არის

## ნეთანიაჰუს ახლო აღმოსავლეთში მშვიდობის დამყარება სურს

### მარიკა იაშვილი

ისრაელის პრემიერ-მინისტრი ბენიამინ ნეთანიაჰუ აცხადებს, რომ ისრაელი მზად არის, პალესტინასთან მშვიდობიანი მოლაპარაკებები "დაუყოვნებლივ და ყოველგვარი წინაპირობების გარეშე" განახლოს და "რაც მალე, მით უკეთესი." თავისი გეგმების შესახებ ქვეყნის მთავრობის მეთაურმა ამერიკაში ყველაზე გავლენიანი ებრაული ორგანიზაციის AIPAC-ის კონფერენციაზე ვიდუხინდის მეშვეობით ჩართვისას ისაუბრა.

პრემიერმა პირობა დადო, რომ ბარაკ ობამასა და მაჰმუდ აბასთან ერთად მსოფლიოს გააოცებს. ნეთანიაჰუ აცხადებს, რომ ახლო აღმოსავლეთში მშვიდობის მიღწევა შეუძლებელი არ არის, თუმცა ამისთვის აბსოლუტურად ახალი მიდ-

გომაა საჭირო. ისრაელის მთავრობის მეთაური მიიჩნევს, რომ კონფლიქტის დარეგულირებისთვის აუცილებელია სამი ძირითადი მიმართულებით მუშაობა - პოლიტიკის, უსაფრთხოებისა და ეკონომიკის კუთხით.

ნეთანიაჰუს 5-წუთიან გამოსვლას, რომლის ტრანსლაცია ისრაელიდან ვაშინგტონში თანამგზავრის მეშვეობით ხორციელდებოდა, 66 ქვეყნის ელჩი და ამერიკის კონგრესის წევრთა ნახევარზე მეტი უსმენდა.

პრემიერმა აღნიშნა, რომ ახლო აღმოსავლეთში მშვიდობის დამყარება 30 წლის განმავლობაში ვერ მოხერხდა. "ამ სფეროში წარმატების მიღწევა ისრაელის ექვსმა პრემიერ-მინისტრმა და ამერიკის ორმა პრეზიდენტმა ვერ შეძლო," - განაცხადა მან.

ნეთანიაჰუმ აღნიშნა, რომ უსაფრთხოების სფეროში იორდა-

ნიის სამართალდამცავ ორგანოებთან და პალესტინის ეროვნულ ადმინისტრაციასთან სურს თანამშრომლობა. რაც შეეხება ეკონომიკის სფეროს, ისრაელის პრემიერ-მინისტრის აზრით, პალესტინის ეკონომიკური განვითარების შემაფერხებელი პრობლემიდან რაც შეიძლება მეტის აღმოფხვრაა საჭირო.

"მინდა, დავინახო, რომ პალესტინის ახლგაზრდობას მომავალი აქვს. არ მინდა ისინი სიკვდილის, სიძულვილისა და სასონარკვეთის ტყვეობაში დარჩნენ. მინდა, რომ მათ სამსახურები სქონდეთ," - განაცხადა ნეთანიაჰუმ.

ამავე დროს, ისრაელის პრემიერმა განმარტა, რომ ის არ არის მზად, მშვიდობისკენ მიმავალ გზაზე ისრაელის უსაფრთხოების ინტერესები დათმოს და არ იტყვის უარს მოთხოვნაზე, რომ ისრაელი იყოს აღიარებული, როგორც მონო-

ნაციონალური ებრაული სახელმწიფო.

საერთაშორისო საინფორმაციო სააგენტოები აღნიშნავენ, რომ ნეთანიაჰუს გამოსვლაში ერთი სიტყვაც კი არ უთქვამს პრინციპზე "ორი სახელმწიფო - ორი ერისთვის." ამიტომ მისმა გამოსვლამ არაბულ სამყაროში შეშფოთება გამოიწვია.

ისრაელის პრემიერ-მინისტრის გამოსვლის მეორე თემა ირანი იყო, რომლის ბირთვული პროგრამა ჯერ კიდევ მრავალ ქვეყანას ალერგებს. "მინდა, აღვნიშნო, რომ, როგორც ჩანს, ჩემს ცხოვრებაში პირველად არაბები და ებრაელები ერთნაირი საფრთხის წინაშე დგანან. ყოველთვის ასე არ ყოფილა. დღევანდელი გამოწვევები თავის თავში დიდ შესაძლებლობებსაც მალავს," - განაცხადა ნეთანიაჰუმ.

ახლო აღმოსავლეთის პრობლემისადმი მიდგომის გადამოწმება



# რევოლუ



ლოს ანჯელესის ერთ-ერთ ცნობილ არტბუტიკში პრეზიდენტ ობამას სახეზე ჩატარებული ექსპერიმენტის შედეგები გამოიფინა. სულ რამდენიმე დღეში ამ ექსპერიმენტს აუქციონზეც გაიტანენ. პრეზიდენტი ობამა თმის განსხვავებული ვარცხნილობებით ამერიკის ისტორიის სახესიმაღლოებად აქციეს. მოქილიკე მხატვრებმა ეს საქციელი მარტივად და ლამაზად ახსნეს, ჩვენ ობამას სახეში ამერიკის ისტორია დავატიეთო.

## ლენონის ჯბუფი ბრუნდება

ჯონ ლენონის ქვრივი მხატვარი იოკო ონო ჩაატარებს კონცერტს Plastic Ono Band-ის გასაცოცხლებლად. კონცერტზე, რომელიც ლონდონის Royal Festival Hall-ში 2009 წლის 14 ივნისს გაიმართება, ჯონ ლენონის შვილი - შონ ლენონი მიიღებს მონაწილეობას. Plastic Ono Band-ის დანარჩენი შემადგენლობა ჯერ არ სახელდება. კონცერტში მოსალოდნელია მონაწილე მუსიკოსების მონაწილეობა. მათ შორის პირველ რიგში მოიაზრება ავანგარდული ჯაზის ერთ-ერთი პიონერი ორნეტ კოულმანი, რომელიც 1970 წელს ალბომ Yoko Ono/Plastic Ono Band-ის ჩანერაში იღებდა მონაწილეობას. სწორედ მან დაითანხმა ონო Plastic Ono Band-ი გაეცოცხლებინა და ფესტივალ Meltdown-ის ფარგლებში კონცერტი ჩაეტარებინა. წელს ფესტივალის კურატორი ასევე ორნეტ კოულმანი იქნება. "მე ძალიან ვნერვიულობ კონცერტის ჩატარების იდეის შესახებ - ეს ხომ დიდ ბრიტანეთში Plastic Ono Band-ის პირველი კონცერტი იქნება ჩემთვის. უბრალოდ ძალიან კარგი იქნება და გამეხარდება, თუ ორნეტი ჩვენ შემოგვიერთდება", - აცხადებს იოკო ონო. მისივე თქმით, ცოტა ხნის წინ ახალ ალბომზე მუშაობა დაასრულა,



ლა, რომელიც გასაყიდად წლის ბოლოს გამოვა. ჩანანერის პროდიუსერები თავად იოკო და ლენონის შვილი - შონი იყვნენ.

სუპერჯგუფი Plastic Ono Band 1969 წელს ჯონ ლენონისა და იოკო ონოს ინიციატივით შეიქმნა, როგორც აკომპანირებული შემადგენლობა მათი ერთობლივი და სოლო შემოქმედებისთვის. სხვადასხვა დროს ჯგუფის მონაწილეთა რიცხვი შედიოდა ერიკ კლეპტონი, ჯორჯ ჰარისონი, რინგო სტარი, ალან უაიტი კიტ მუნი, ბილი პრესტონი, ნიკი ჰოპკინსი და ფილ სპექტორი. პირველი ჩანანერი, რომელიც Plastic Ono Band-ის გარეკანზე იყო აღნიშნული, არის 1969 წლის ივლისში ჩანერილი სინგლი Give Peace a Chance. ჯონ ლენონისა და იოკო ონოს პირველი სოლო ჩანანერები John Lennon and Plastic Ono Band-ისა და Yoko Ono and Plastic Ono Band-ის სახით გამოვიდა. უკანასკნელად სახელწოდება - Plastic Ono Band გამოყენებული იყო 1975 წელს, ლენონის რეტროსპექტიული დისკის Shaves Fish-ის გამოშვებისას.

76 წლის იოკო ონო - მსოფლიო ხელოვნების ომისმემდგომი პერიოდის ნათელ ფიგურას წარმოადგენს

რომელმაც მნიშვნელოვანი კვალი დატოვა კულტურულ ცხოვრებაში, როგორც მშობლიურ იაპონიაში, ისე დასავლეთში.

ალსანიშნავია, რომ იოკო ონო, ხელოვნებაში შეტანილი წვლილისა და შემოქმედებითი მიღწევებისთვის, ამერიკელ ავანგარდისტ ჯონ ბალდესართან ერთად ვენეციის 53-ე ბიენალეზე, რომელიც 2009 წლის 7 ივნისიდან 22 ნოემბრამდე გაგრძელდება, - "წმინდა მარკოზის ოქროს ლომით" დაჯილდოვდება. "ოქროს ლომით" ჩვენ იმ ორ ხელოვანს აღვნიშნავთ, რომელთა ავანგარდულმა ნამუშევრებმა პოეტურ, კონცეპტუალურ და სოციალურ გამოსახვას ახალი შესაძლებლობები გაუხსნეს. მათი ნამუშევრებს ნარმოადგენს, რომელიც მომავალი თაობის შთაგონების წყაროდ იქცევა", - აღნიშნულია ბიენალეს დირექციის ოფიციალურ განცხადებაში.

ვენეციის ბიენალე 1895 წლიდან არსებობს, როგორც ავანგარდული ხელოვნების გამოფენა და ახალი მხატვრული ტენდენციების წინსვლისა და ახალი სახელების გამოფენების მიზნითაა შექმნილი.



# უცნობი "მრავალჯამიერი" და ჰარმონიული ქაოსი

მზენა მახარაძე



კონსერვატორიის დიდ დარბაზში დიდი ხალხმრავლობა იყო... იმ საღამოს ანჩისხატის გუნდმა სამშობლოში იმოგზაურა სიმღერით და ის აუხსნელი განცდა მოიტანა, რაც მხოლოდ ქართული მრავალხმიანობის მოსმენისას ჩნდება ხოლმე მსმენელში... კახური, გურული, იმერული, მეგრული "მრავალჯამიერების" უძველესი, თუმცა განსხვავებული ნიმუშები, რომლებიც მივიწყებულია და იშვიათად სრულდება ხოლმე, მომღერლებმა ხმებში გაშალეს.

კონცერტი, რომელიც "ლილავებიდან" და საექსპედიციო ჩანაწერებიდან ამოღებული უცნობი ფოლკლორული სიმღერებით აიკინძა, საექსპედიციო "მრავალჯამიერით" დაინწყეს... ეს მარგალიტი, XIX საუკუნის დასაწყისში ნოტებზე რომ გადაიტანა ფილიპონ ქორიძემ ცნობილი მგალობლებისგან, თავისი ჰარმონიული სიმდიდრით "ოქროს ხანის" მუსიკას ეკუთვნის. ფილიპონ ქორიძე, ეს იტალიისა და პეტერბურგის საოპერო თეატრების სოლისტი, თურმე გამორჩეული ბანის მთქმელი, ფეხდაფეხ დასდევდა ხალხურ სიმღერებს, აგროვებდა სხვადასხვა ვარიანტებს მათი სიცოცხლე რომ გაეგრძელებინა. საგალობლების შესწავლას, შენახვას და მერე ისევ თავიდან შესხენებას აადვილებდა მათი ჩანერის სპეციფიკური ფორმა - ნოტები, ანუ ე. წ. "ნემეები", ცნობილია ისიც, რომ ყველა მომღერალმა გალობა არ იცოდა, ეს კიდევ ცალკე ხელოვნება იყო - მეტყველებით მიღებული... ამ მუსიკაში ცხოვრობენ ანჩისხატის გუნდის ის მუსიკოსები, რომლებსაც ძველი მუსიკა "შინიდან" ესმით, რომლებმაც იცინა, რომ პოლიფონია წინაპართა გზის გაგრძელებაა. იქნებ ამიტომაცაა, რომ გურულ, მეგრულ, იმერულ, კახურ... თუნდაც "ცე ღურ" "მრავალჯამიერს" ისე მღერიან, მათ ხმებში იმხელა სიდიადეს გრძობ, ღრმად ამოსუნთქვას რომ ვერ გაბედავ. "მრავალჯამიერის" გაშლილ ჟღერადობაში ზევითა ხმები, რომლებიც გაბმული ბანის ფონზე ერთიმეორეს ხან ენაცვლებიან, ხან პარალელურად მიჰყვებიან და ქმნიან კონტრაპუნქტულ შეხამებებს, შესრულებაში ლამაზი ტემპრით მალდება, სიმღერის სადღესასწაულო ხასიათი კი მსმენელისთვის გადამდები ხდება... უსმენ და ხედები, ამ მუსიკოსების შესრულება იმით არის გამორჩეული, რომ მათ სიმღერაში დაცულია ავთენტურობა, რასაც მოაქვს იმ არქაული ეთნომუსიკის სხვა სიღრმე, სხვა ძალა,

სხვა ენერჯია და, შემოაქვს სულ სხვა სული... "ხალხური მუსიკა ფესვია ჩვენთვის და ამისთანა ბიჭები უსხამენ წყალს. ისინი კარგად გრნობენ რას ქომაგობენ..." - დარბაზში ფოლკლორისტები ჩურჩულდნენ.

ნაცნობი აჭარული ფრაზები. "ვოისა რერას" მღერიან. ერთდროს ეს სიმღერა დაკარგული იყო, აჭარაშიც არავის ახსოვდა თურმე, მაგრამ მაინც გადარჩა უნიკალურ ჩანაწერებში მოხვედრით. აჭარულიდან მერე უკვე ძველ კახეთში გადავიდეთ სიმღერებით "მუშური", "მოლხინი ვნახოთ", ჰარმონია იცვლება და ხედები, რაღაც ხელგაშლილი, მადლიანი და ბარაქიანი ბგერებით თბები, გეუფლება დიდი სიმშვიდე და იქვე ვიქრობ, რომ ამ განწყობილებას ვერაფერი დაარღვევს კრიმინალური კორინტელის გარდა - გურულების ხასიათივით ამოუცნობი, მოუსვენარი, ჩახლართული და ხმაშენყობილი სიმღერა. ის, რომ კარგი გურული მომღერალი ერთსა და იმავე სიმღერას ორჯერ ერთნაირად არასდროს იმღერებდა, ასევე რომ ემღერა, ასევე სხვადასხვა იმპროვიზაცია გამოუვიდოდა, ეს კარგად იცინა ანჩისხატის გუნდში, მათ მიერ ნათქვამმა კრიმინალუბმა - "სუფრის ხელხავი", "ჩვენ შვილობა", "ჩოჩხათურა" მსმენელები მონუსხა, "უყურე შენ, კარგად კი მოინდომეს!" - ასე ხუმრობაში მოუნონეს ნამღერი. გუნდში მეკრიმინალულ ლევან ვეშაპიძეა, გამყვიანი დავით ზათიაშვილი. იმპროვიზაციისას ლევან ვეშაპიძემ კონტრაპუნქტში ვერტიკალური იოდლის ისეთი კორინტელი დააყენა, რომ ჩემთვის გავიფიქრე, ხმათა ლინეარულ მოძრაობაში ბანები ტონალობას არ ასცდნენ მეთქი, მაგრამ კრინის ოპოზიციურ ხმურს მაგრად გაუძღეს. მერე შემოიხმანაგეს შემდეგი ხმა, შემ-

ხმობარი მყარად დგას, გამყვიანი კი თავისას არ იშლის... კრიმინალური აგრძელებს ნახტომებს, თითქოს გამყვიანის ყვივი უნდა რომ დაფაროს. ამ მაღალ ფიგურატიულ იოდლს თუ ყველა ხმა არ ესმის, ანუ სხვას არ დაუგდებს ყურს, იმპროვიზაციას ვერ ააგებს. ეს ჰარმონიული ქაოსი სანამ შეხმობილად დასრულდება, მანამდე რობერტ გოგოლაშვილის სიტყვები მახსენდება: "ლევანი ისეთი მეკრიმინალურა უკეთესს ვერ იხატრებ, შეყვარებულია გურულ სიმღერებზე და ჩანაწერებსაც აგროვებს." გურული ნადურის ინტონაცია ამ კონცერტის კულმინაციური ფინალი იყო, თუმცა ფინალამდე იმღერეს რაჭული "ლერნამისა ხესაო" სვანური ჭუნირის თანხლებით - მაისურაძისეული ვარიანტი, იმერული ფოლკლორის "რეჯერ ხანი", მეგრულიდან "ჩქიმ ტორონჯი", სვანური "მეჩიყარა", აფხაზური "არკუაშაგა"...

ამ დღეებში ანჩისხატის გუნდის "ძლიერ ხმებს" ვინც მოუსმინა, მას გაუმართლა...

ეს გუნდი, რომელიც 1987 წლიდან არის ცნობილი, თავდაპირველად მხოლოდ ფოლკლორის კვალში იდგა და მის მუსიკალურ კონცეფციად უცვლელად დარჩა სხვადასხვა კუთხის საშემსრულებლო მანერის აღდგენა და ძველ ქართულ, არატემპერირებულ ბგერათმეცნიერებაში მოქცევა. დიდ სცენაზე პოლიფონიის გატანამდე, მათ ბიოგრაფიამა ის მადლიანი ფაქტი, როცა გუნდი 90-იანი წლებიდან ანჩისხატის ტაძარში იწყებს გალობას და მართლმადიდებლურ ღვთისმსახურებაში ძველი ქართული გალობის ნიმუშებს აღადგენს. მერე და მერე მოდის ევროპული ტურნეები, ფრაიბურგ-უნსტრუტზე "MONTALBANE"-ს ცნობილ ფესტივალზე "ფენომენალური წარმატება" და... ავგის-

ტოს ომის დროს ედინბურგის ფესტივალზე ანჩისხატის გუნდს პირველად გააქვს ქართული მრავალხმიანობა. ფესტივალის დირექტორი ჯონათან მილსი ფესტივალის ოფიციალურ საიტზე, რეკლამას უკეთებს ანჩისხატის გუნდს და ყველას ურჩევს "ფრინჯის" პროგრამაში საქართველოდან "ამ ძლიერ ხმებს" მოუსმინონ. Greyfriar-ის ტაძარში ანჩისხატის გუნდს უცხოელები ფეხზე წამოუდგნენ, "THE HERALD"-სა და "THE GUARDIAN"-ში მათი ფოლკლორული კრიტიკოსებმა 5 ვარსკვლავით შეაფასეს.

- ჩვენ 3 წელია თბილისში კონცერტი არ გავგიმართავს. საერთოდ, ტრადიციად გვექონდა ყოველი წლის ბოლოს გვემღერა, საანგარიშო კონცერტით გაგვეკეთებინა, ანუ გამოცდას ვაბარებდით ხოლმე ქართველ მსმენელს. მილოდინიც არსებობდა, სულ გვეკითხებოდნენ: რატომ არ გამოდიხართ? როდის გამოხვალთ? აქაური კონცერტი ჩვენთვის ყოველთვის საპასუხისმგებლოა, ის სიმღერები, რომლებიც უცხოეთში გაგვაქვს, ჯერ ქართველი მსმენლის წინაშე უნდა შევამოწმოთ, მრავალფეროვნად წარმოვჩინოთ ხალხური სიმღერა და მისი სიდიადე, - ამბობს ანჩისხატის გუნდის წევრი დავით შულღიაშვილი.

ეს კონცერტი იყო გუნდის განახლებული პროგრამა, იმ ძველი საგანძურისგან აღებული შედეგები, რომელსაც სიძველისგან არც ფერი გადასვლია და არც დროში დაუკარგავს აქტუალობა. ხალხური პოლიფონიის ასეთი პრეზენტაცია განაპირობებს იმას, რომ ქართული ტრადიციული მუსიკა სწორად აღსაქმელი ხდება და ჩანს ისიც, თუ რამხელა ძალა აქვს კონცერტის ხარისხზე გარემოს.

# ჰერსტი ახალითა და ძველით

დემიენ ჰერსტის ახალი ნამუშევრების გამოფენა ლონდონის მუზეუმში - უოლესის კოლექცია (Wallace Collection) 2009 წლის ოქტომბრიდან 2010 წლის იანვრამდე გამოიფინება. ცნობილი ავტორის ნაწარმოებები ერთიანდება ციკლში, რომელსაც თავად მხატვარი ცისფერს უწოდებს. ამის შესახებ

ინფორმაციას სააგენტო Bloomberg-ი ავრცელებს. ლონდონის უოლესის მუზეუმი ძველი ოსტატების არაჩვეულებრივ კოლექციას ფლობს. იქ დაცულია ისეთ ავტორთა ნამუშევრები, როგორებიც არიან: რემბრანდტი, ჰალსი, ტიციანი, ველასკესი და ა.შ. ასევე, აღმოაჩენთ ძველი იარა-

ღის, ავეჯისა და ფაიფურის უნიკალურ კოლექციას. ჰერსტი ამტკიცებს, რომ მან საკუთარი ნამუშევრების გამოსაფენად აირჩია მუზეუმი, სადაც საოჯახო კოლექცია ინახება, რომელიც სხვა სამყაროა. 24 აპრილს, ამ სააგენტოსთვის მიცემულ ინტერვიუში ჰერსტიმ აღნიშნა, რომ მისი სურვი-

ლია თავი აარიდოს ლონდონის დიდ მუზეუმებს: ასეთი გამოფენები ცაცმა სიცოცხლის ბოლოს უნდა მოაწყოს, მე კი მხოლოდ 43-ის ვარ. აღსანიშნავია, რომ ამჟამად ჰერსტის ნამუშევრების რეტროსპექტიული გამოფენა კიევში მიმდინარეობს. მისი ორგანიზატორია ვიქტორ პინჩუკი.

**6 მაისი**

**თეატრი**

**ზაქარია ფალიაშვილის სახელობის ოპერისა და ბალეტის თეატრი**  
 ფონდი იანვანა ვთავაზობთ გალა კონცერტს ამბროჯიო მაცეტრის, პაატა ბურჭულაძისა და თამარ ივერის მონაწილეობით

**შოთა რუსთაველის სახელობის თეატრი**  
 მცირე სცენა  
 Play ანუ სიკვდილის როკვა რეჟისორი რობერტ სტურუა დასაწყისი: 19.00

**კოტე მარჯანიშვილის სახელობის თეატრი**  
 ძალად ექიმი  
 რეჟისორი გიზო ჟორდანიას დასაწყისი: 19.00

**თავისუფალი თეატრი**  
 ირმის უკანასკნელი ბლავილი სოხუმის თეატრის სპექტაკლი დასაწყისი: 19.00

**კინო**

**რუსთაველი**  
 დესპეროს თავგადასავალი დასაწყისი: 15.00; 16.45; 19.30;  
 მადაგასკარი 2 დასაწყისი: 14.00; 15.45; 17.30;  
 მილიონერი გარეუბნიდან დასაწყისი: 14.30; 17.00; 19.30; 22.15  
 სხულის გარეშე დასაწყისი: 18.15; 20.15; 22.15  
 ცვლილება დასაწყისი: 21.30

**ამირანი**  
 თქვი დიახ დასაწყისი: 30.30; 14.45; 18.00; 20.15; 22.15  
 ნიკი და ნორა დასაწყისი: 20.00  
 ზღაპრები ძილის წინ დასაწყისი: 14.00; 16.00; 18.00;  
 სხვა სამყარო - 3 დასაწყისი: 22.00

**საქართველო**  
 მადაგასკარი დასაწყისი: 13.00; 15.00  
 სხვა სამყარო დასაწყისი: 17.00  
 თქვი დიახ დასაწყისი: 19.00  
 ინტერნაციონალი დასაწყისი: 21.00

**გამოფენები**

**თიბისი გალერეა**  
 გოგი ლაზარაშვილის პერსონალური გამოფენა

**აკადემია +**  
 თეატრალური უნივერსიტეტის სტუდენტების ფოტოგამოფენა

**"ვერნისაჟი"**  
 ზაალ ბაჩანაშვილის პერსონალური გამოფენა

**ორნამენტი**  
 თანამედროვე ტიხრული მინანქრის გამოფენა

# 1961 წლის 13 აპრილის აპრილის შაბათი

## ბერლინის კედლის დასრულებიდან 20 წელი სრულდება - კედელი თავიდან იხატება

ნა ვაქაა

25 აპრილიდან 3 მაისის ჩათვლით გერმანიის საგარეო საქმეთა სამინისტროს მიწვევით სამხრეთ კავკასიის სამივე ქვეყნის ჟურნალისტები ბერლინში ვიმყოფებოდით. ვიზიტი ძირითადად კულტურის სფეროს მოიცავდა. 24 საათი ამ პროექტის შესახებ რამდენიმე წერილს შემოვთავაზებთ. პირველი კი ბერლინის კედელს შეეხება, რადგან წელს ბერლინის კედელი თანამედროვე გერმანიისთვის ყველაზე აქტუალური თემაა.

ჩვენი ვიზიტის პირველი დღე ქალაქის თანამედროვე არქიტექტურასა და ურბანული დაგეგმარების გაცნობას დაეთმო. პირველად სწორედ მაშინ გახდა თვალშისაცემი, რომ კედლის დასრულებიდან ორი ათეული წლის შემდეგაც ის მაინც რჩება ამ ქალაქის მთავარ არტერიად, უხილავ საზღვრად, იმ ნიშნულად, რომელიც ბერლინის და მასთან ერთად ბერლინელებსაც უნებლიეთ კვლავ ორად ჰყოფს.

ცხადია, ეს პირველ რიგში ქალაქის არქიტექტურას ეხება. სულაც არაა საჭირო გიდის კომენტარი - საკმარისია ოდნავი ყურადღება, რომ მიხვდეთ მოცემულ მომენტში ყოფილი აღმოსავლეთ ბერლინის ტერიტორიაზე იმყოფები თუ დასავლეთში. ამ შემთხვევაში არქიტექტურა თავად გაძლევს მიხედვას: თუ დასავლეთისკენ ტიპური ევროპული საცხოვრებელი სახლები თუ სხვა ნაგებობები მოჩანს, აღმოსავლეთ ნაწილში აშკარად ჭარბობს მხოლოდ საბჭოთა არქიტექტურისთვის დამახასიათებელი უსახური ფასადები და ქუჩების დაგეგმარება.

თანამედროვე ბერლინის არქიტექტურა ისევე, როგორც მისი უახლესი ისტორია რამდენიმე წელიწად იყოფა: მეორე მსოფლიო ომამდე, ომის შემდეგ, კედლის აღმართვამდე და კედლის დასრულების შემდეგ. ცხადია ამ ყველაფრის მთავარი პერსონაჟი კედელია, რომელიც თავადვე წარმოადგენს ომის შემდგომ წარმოქმნილ მოვლენას. 2009 წელს ბერლინის კედლის დასრულებიდან ზუსტად 20 წელი სრულდება. ამ თარიღის აღსანიშნავად ბერლინში განსაკუთრებით ემზადებიან. ამის შესახებ ქვემოთ მოგახსენებთ, მანამდე კი ქალაქის იმ რაიონში გადავიხილავთ, სადაც კედლის ყველაზე დიდი ფრაგმენტია შემორჩენილი და სადაც კედლის ასაშენებლად პირველი აგურები დაიდო.

ბერლინის შტრასეს მაცხოვრებლები პირველი ბერლინელები იყვნენ, ვის თვალწინაც 1961 წლის 13 აპრილის ღამეს მესაზღვრებმა აგურის კედლის აღმართვა დაიწყეს. აქ დღესაც დგას ხუთსართულიანი საცხოვრებელი კორპუსი, რომელიც საბჭოთა სექტორში დარჩა, მისი ტროტუარი კი ფრანგულ სექტორში მოექცა. აღმოსავლეთ ნაწილში დარჩა ნიშნა სოფლის ტაძარიც (ნაგებობა 80-იან წლებში განადგურდა), მისი მრევლი კი დასავლეთში მოექცა. დღეს აქ კედლის შემორჩენილი მუხეუმი, ხოლო ყოფილი კედლის გაყოლებაზე გამოფენილი ისტორიულ კაბინებში მთელი მამინდელი ტრაგიკომის ამოკითხვა შეიძლება: მესაზღვრეები ნაწილობრივ, მოსახლეობის ნაწილი მათი ბრძანებით ცემდნენ და აგურს ეხადებოდა, იქვე ბავშვები დგანან, ვისთვისაც ეს სანახაობა გასართობი



ბერლინის კედელს ხელახლა ხატავენ.

უფროა. გავა წლები და სწორედ ამ ბავშვებიდან ერთ-ერთი სამემტრიანი კედლის მიღმა გადასვლას მოინდომებს, სასჯელის სახით კი მესაზღვრის კალაშნიკოვის ჯერს მიიღებს... მეორე ფოტოზე უკვე აშენებული კედლის ირგვლივ განვითარებული სცენის კადრს ვხედავთ: დასავლეთის მხრიდან კედელთან რამდენიმე მოხუცია ატუზული, ფეხის წვერებზე იწვიან და ჭოგრიტის მემკვობით ცდილობენ თვალი აღმოსავლეთში დარჩენილ შეილებს შეავლონ. ერთი მოხუცი კი კედელთან ყვავილებს აწყობს - კედლის იქითა მხარეს დარჩენილ სასაფლაოზე მისი მეუღლეა დაკრძალული...

ბერლინის შტრასე მთელ ბერლინში ერთადერთი ადგილია, სადაც დღემდე შემორჩენილია სახითაა დატოვებული სასაზღვრო პუნქტის ყველა ნაგებობა. აქვეა ბეტონის ბილიკი, რომლითაც კედელზე გადაძრომის მსურველები პირდაპირ საპრობოლესკენ მიჰყავდათ, ბოძებზე კი სათვალთვალო პროექტორებია შემორჩენილი. შემორჩენილი ანსამბლის მთავარი ნაგებობა თანამედროვე მუხეუმი, რომელიც ქვეყნისა და თვითოეული ადამიანის პირად ტრავმადიას სიტყვა-სიტყვით აღწერს. აქვე შესაძლებელია 80-იან წლებში დასავლეთ გერმანელი ჟურნალისტების მიერ გადაღებული დოკუმენტური ფილმის ნახვა. ფილმი ვერტმფრენიდანაა გადაღებული და ბერლინის შტრასეში დასრულებული მრავალკილომეტრიანი კედლის პერიმეტრზე გვამოგზაურებს. ამ ნერტილიდან ყველაფერი სხვანაირად ჩანს, თითქოს მთელი ქალაქი ხელის გულზეა გადასული, კედელი კი დანიშნულია დასავლეთის მხრიდან მას სხვა დანიშნულება მოუძებნეს და ცნობილი ბერლინის კედლის გრაფიტი შექმნეს, მოპირდაპირე მხარეს კი კედელი საგულდაგულოდაა შეთერებული - თითქოს უზრუნველი და ნათელი მომავლის სიმბოლოდ. ვერტმფრენიდან კარგად ჩანს კალაშნიკოვებით შეიარაღებული მესაზღვრეების სათვალთვალო პუნქტები, საიდანაც დასავლეთის მხრიდან გამოჩენილ ვერტმფრენს საბრძოლო მზადებით ხედავიან, მათგან მოშორებით მდგარი ადამიანები კი თანამომეებს ხელს მალულად უქნევენ.

კედლის ნარჩენების კიდევ ერთი ცენტრალური ადგილი ქალაქის ცენტრში, ფრიდრიხ შტრასეზე არსებული გამზები პუნქტი, ცნობილი ჩარლის ჩეკოინტია. საბჭოთა და ამერიკულ სექტორებს შორის მთავარი გასასვლელი სწორედ აქ მდებარეობდა. ჩეკოინტის ნაწილი დღემდეა შემორჩენილი, რაც არა მხოლოდ

მემორიალის, არამედ ტურისტების მიზიდვის ფუნქციასაც ასრულებს. აქ თქვენ რუსი ანუ საბჭოთა ჯარისკაცის მკაცრი სახეები გეგებება, სურვილის შემთხვევაში კი პასტორტში სწორედ ისეთ შტამპს ჩაგირცყამენ, რომელიც დასავლეთ ბერლინიდან აღმოსავლეთისკენ გადასვლის უფლებას იძლეოდა. იქვე არსებულ მუხეუმი კი ფოტო და ვიდეო მასალის გარდა შესაძლებელია ნახოთ რა საშუალებით ცდილობდნენ საბჭოთა სექტორში დარჩენილი ბერლინელები კედლის სიმაღლის დაძლევა: კიბე, კაუჭი, პარაპლანი, საპაერო ბურთი, ხელნაკეთი კატაპულტი და ასე შემდეგ.

ჩვენი თანმხლები გიდი ვოლფგანგ კლარე აღმოსავლეთ ბერლინის ტერიტორიაზე იმ სახლს გვიჩვენებს, სადაც დაიბადა. შემდეგ კი თავის ისტორიას გვიამბობს: ჩემი ოჯახი აღმოსავლეთ სექტორში მოხვდა, დანარჩენი ნეტავი კი დასავლეთში. მახსოვს, როგორ ვდებოდით ხოლმე სახლის ფანჯრებთან და ჭოგრიტის მემკვობით ვცდილობდით კედელთან მდგომი ახლობლებისთვის თვალის შევლებას. ერთხელ თავად გავხდი იმის მოწმე, როგორ ცდილობდა სამი ახალგაზრდა კედელზე გადაძრომას, ერთერთი კი ჩემს თვალწინ დახვრიტეს. ცხადია, ამის შემდეგ ამ გზით საზღვრის გადაკვეთაზე აღარ მიფიქრია და დასავლეთში მოსახვედრად სხვა გზას ვეძებდი. 80-იანი წლების დასაწყისში დასავლეთიდან ტურისტად გამდგომი სული გოგონა გავიცანი, რომელთანაც ფიქტორი ქორწინება გავაფორმე და შემდეგ მასთან ერთად დასავლეთში გადავედი. გვრს მთავრობა ჩემიარეებს ძალიან კარგად გვიღებდა. მეორე დღესვე მომცეს ყველა საჭირო დოკუმენტი, ორიოდ დღეში კი უკვე სამსახურიც მქონდა. ორი კვირის შემდეგ თავს უკვე სახლში ვგრძობდი, არ არსებობდა არანაირი წინააღმდეგობა, რომ ამ საზოგადოების წევრი გავმხდარიყავი. ეს ჩემი ცხოვრების ყველაზე მნიშვნელოვანი დღეები იყო - მე ნამდვილ გერმანიაში ვინყებდი ცხოვრებას.

ვოლფგანგ კლარესგან განსხვავებით უამრავ ადამიანს ნაკლებად გაუშვართლა. მათი მცდელობა კედლის მიღმა მოხვედრილიყვნენ, როგორც წესი ტრაგიკულად მთავრდებოდა - ისინი ან მესაზღვრეების მსხვერპლი ხდებოდნენ ან სამემტრიანი სიმაღლიდან გადახტომისას სასიკვდილოდ შავდებოდნენ. ბერლინში მათი სსოვნისადმი მიძღვნილი რამდენიმე მემორიალია. მათ შორისაა ბრანდენბურგის კარიბჭის უკან კედლის ადგილას აღმართული თეთრი ჯვრების რიგი, რომლებზეც თვითოეული მათგან

ნის სახელი და გარდაცვალების თარიღია მითითებული - ძირითადად 1961-62-63 წლები. ეს სწორედ ის პერიოდი, როდესაც ბერლინელები განსაკუთრებით ვერ ეგუებოდნენ ქალაქის ქუჩებზე, ტროტუარებზე, ხიდებზე, მეტროს სადგურებზე, მდინარესა და შენობებზე გამავალ ბეტონის საზღვარს. დროთა განმავლობაში კი ეს ისტორია შედარებით მიწველია, ბერლინელების ცხოვრება მეტ-ნაკლებად დაუბრუნდა სტაბილურ რიტმს და მშვიდად დაუწყეს ლოდინი იმ დღეს, როდესაც საკუთარი ავტომანქანებით კედელს გაარღვევენ.

2009 წლის 9 ნოემბერს ბერლინი, გერმანია და მასთან ერთად მთელი მსოფლიოც ბერლინის კედლის ნგრევის იუბილეს აღნიშნავს. ამისთვის გერმანია განსაკუთრებით ემზადება. სადღესასწაულო ღონისძიებები უკვე დაწყებულია, მათ შორისაა კედლის ფრაგმენტის იმავე სახით აღდგენა, როგორც ეს 1989 წლის ნოემბრამდე იყო. კედლის აღდგენის სამუშაოები მულენ შტრასეზე მიმდინარეობს. პროექტის ავტორია მხატვარი კანი ალავი, რომელიც კედლის დროს დასავლეთში ცხოვრობდა და საკუთარი გრაფიტიც შექმნა. ამ პროექტისთვის გერმანიის მთავრობამ 2 მილიონ ნახევარი ევრო გამოყო, კედლის მოსახატად კი მხატვრები 130-მდე ქვეყნიდან მოიწვიეს. მათ შორის არიან ისინიც, რომლებმაც კანი ალავის მსგავსად 20-30 წლის წინ კედელზე უკვე დატოვეს საკუთარი მხატვრობის კვალი, თუმცა ბევრმა მხატვარმა უარი განაცხადა პროექტში მონაწილეობაზე - ისინი ბერლინის კედლის ფრაგმენტის თუნდაც შემორჩენის სახით აღდგენას ეწინააღმდეგებებიან. მათი უარი ჩემთვის სრულიად გასაგებია. ამ მხატვრებმა თავის დროზე უკვე გამოთქვეს პროტესტი, მაშინ კი ამის გაკეთება ვაცდილობთ იოლი იყო, რადგან განსაკუთრებით ემოციურ ვითარებაში უნებდათ მუშაობა. ახლა ეს ემოცია თითქოს გამქრალია, 20 წელი საკმაოდ დიდი დროა რალაქის დასავლეთში, ბევრი რამის გადასაფასებლად. სამაგიეროდ გვყავს ბევრი ახალი მხატვარი, რომლებიც საკმაოდ საინტერესო თემებს გვთავაზობენ, - ამბობს კანი ალავი. ამჟამად კედელს რუსი, ბრაზილიელი და პოლონელი მხატვრები ხატავენ. ისინი აქ პირველად მოხვდნენ, შესაბამისად მათი გრაფიტიც ნაკლებად ასახავს კედლის მთელ ტრაგიკულ და უფრო მსგავსი საზღვრების წინააღმდეგ მიმართული თემატიკით იფარგლებიან...

### “ჩვენი მწერლობის” დარბაზში დალი ფანჯიკიძემ საჭარო ლექცია წაიკითხა

ჟურნალ ჩვენი მწერლობის” დარბაზში პროფესორმა დალი ფანჯიკიძემ წაიკითხა საჭარო ლექცია თემაზე - გერმანულენოვანი პოეზიის რეცეფცია საქართველოში”. მოხსენებაში მან ყურადღება იმაზე გამახვილა, თუ რამდენად ადეკვატურად არის თარგმნილი ქართულ ენაზე გოეთეს, ჰაინესა და რილკეს პოეზია. როგორც ჩვენი მწერლობის” მთავარმა რედაქტორმა როსტომ ჩხეიძემ აღნიშნა, დალი ფანჯიკიძე მრავალმხრივი მოღვაწე, შესანიშნავი მთარგმნელი და თეორეტიკოსია, რომლის მოსმენა ყოველთვის დიდად საინტერესოა. ქალბატონი დალი მუდამ ქართული კულტურის შუაგულში დგას. მას წლები განმავლობაში პროზის მთარგმნელად ვიცნობდით. ნათარგმნი აქვს ურთულესი რომანები. დღეს კი იგი განსხვავებულ ამპლუაში წარმოგვიდგება, რადგან პოეზიის თარგმნაც გადაწყვიტა. პროზის ნაცვლად, პოეზიის თარგმნაც შესანიშნავად გამოუვიდა”, - აღნიშნა როსტომ ჩხეიძემ. როგორც დალი ფანჯიკიძემ განაცხადა, მთარგმნელზე დიდად არის დამოკიდებული, თუ რა შთაბეჭდილება შეექმნება მკითხველს ამა თუ იმ ავტორზე. თუმცა პოეზიის თარგმანის კრიტიკას ჩვენთან ნაკლები ყურადღება ექცევა. მისივე თქმით, საქართველოში გერმანულენოვანი პოეზიის რეცეფციის (ანუ ადაპტაციის, შეთვისებისათვის) განსაკუთრებით საინტერესო მასალას გოეთეს, ჰაინესა და რილკეს ლექსები იძლევა. ამ მხრივ, ქართულ პოეზიაში ყველაზე ცუდი ბედი გოეთეს ხვდა წილად, რომლის ლექსების თარგმანში პათოსი, ინტონაცია და ხმოვანება უმთავრესად დარღვეული და დაკარგულია. ამის გამო მკითხველს შესაძლოა ძალიან სამართლიანად შეეპაროს ეჭვი გოეთეს დიდ პოეტობაში. დალი ფანჯიკიძის თქმით, ქართულ ენაზე გოეთეს მთარგმნელებიდან ოთარ ჯინორია უნდა გამოირჩეს, რომელმაც მისი პოეზია ურითმოდ თარგმნა და გაუმართლა. მისივე თქმით, გოეთეზე უკეთესი ბედი საქართველოში ჰაინეს ერგო. თუმცა მის შემთხვევაში მდარე თარგმანებიც გამოუჩნდა. რაც შეეხება რილკეს, მისი ლექსების ქართულ ენაზე თარგმნა შედეგებით გვიან, მე-20 საუკუნის 60-იანი წლებიდან დაიწყო. რილკეს პოეზიის ქართული მთარგმნელებიდან დალი ფანჯიკიძემ განსაკუთრებით ვახუშტი კოტეტიშვილი გამოარჩია, რომელმაც ევროპული ლექსების თარგმნას ნაყოფიერად მოჰყიდა ხელი. დალი ფანჯიკიძემ ფელიქს ბრაუნის ის ლექსებიც წაიკითხა, რომლებიც ქართულ ენაზე თავად გადათარგმნა. დალი ფანჯიკიძის საჭარო ლექციაზე მოსაზრებები გამოთქვეს რენე კალანდიამ, ემზარ კვიციანიშვილმა, ლია სტურუამ, შოთა ბოსტანაშვილმა, რუსუდან ღვინევაძემ. როგორც მათ ერთხმად აღნიშნეს, რომ დალი ფანჯიკიძემ მთარგმნელობითი ნიჭი კიდევ ერთხელ წარმოაჩინა და დაადასტურა, რომ ფართო ინტერესების მქონე მრავალმხრივი და საინტერესო შემოქმედია.

მედიაინფო

### თბილისის ამბროჯიო მაცსტრი და პაატა ბურჭულაძე ეწვივნენ

მსოფლიო საოპერო ხელოვნების გოლიათი ამბროჯიო მაცსტრი თბილისშია. თბილისში ჩამოვიდა ცნობილი იტალიელი ბარიტონი ამბროჯიო მაცსტრი. იგი საქართველოში ავსტრიიდან პაატა ბურჭულაძესთან ერთად წუხელ ჩამოვიდა. მაცსტრო მონაწილეობას მიიღებს საქველმოქმედო კონცერტში, რომელიც დღეს ოპერის თეატრში გაიმართება. კონცერტიდან შემოსული თანხა პაატა ბურჭულაძის ფონდ “იავნანაში” გადაირიცხება. როგორც პაატა ბურჭულაძემ განაცხადა, საქველმოქმედო კონცერტზე გაკეთდება ანგარიში, თუ რას მოხმარდა 3 მარტს გამართული გალემარათონიდან შემოსული თანხა. მისივე თქმით, ტელევიზიის მეშვეობით იყო საში ოჯახითვის დახმარება, მაგრამ აქციის შედეგად შემოსული თანხით ბინით სულ შვიდ ოჯახს დაეხმარებიან. გარდა ამისა, ფონდს ერთი ბინა საჩუქრად გადასცეს.

მედიაინფო

### მისაღები გამოცდებისთვის რეგისტრაცია 29 236-მა აბიტურიენტმა გაიარა

2009 წლის ერთიანი ეროვნული გამოცდებისათვის რეგისტრაცია 29 236-მა აბიტურიენტმა გაიარა. გამოცდების ეროვნული ცენტრის ინფორმაციით, აკრედიტებულ უმაღლეს სასწავლებლებში საბაკალავრო და უმაღლეს პროფესიულ პროგრამებზე წელს 27 624 ვაკანსია არის გამოცხადებული. სტუდენტების მიღების უფლება საქართველოს მასშტაბით 60 უმაღლეს სასწავლებელს აქვს. მათ შორისაა, ივანე ჯავახიშვილის სახელობის თბილისის სახელმწიფო უნივერსიტეტი, ვანო სარაჯიშვილის სახელობის სახელმწიფო კონსერვატორია, საქართველოს ტექნიკური უნივერსიტეტი, შოთა რუსთაველის სახელობის თეატრისა და კინოს უნივერსიტეტი, საქართველოს სახელმწიფო სასოფლო-სამეურნეო უნივერსიტეტი და სხვა.

მედიაინფო

# გალმა ნაპირის ოქროს პროზანი და სხვა...

ბელა ჩაქარიშვილი



აფხაზეთიდან დევნილი პატარა ბიჭი თბილისიდან მამის საძებნელად აფხაზეთში მიდის. ის ფიქრობს, რომ თუ მამას მოძებნის და დაიბრუნებს, შეძლებს, მოაგვაროს ყველა ის პრობლემა, რაც მის გარშემო იქმნება. მამა არის მისი იდეა, მისი გადარჩენის მიზანი, თუმცა მამა მას ვიზუალურადაც კი არ ახსოვს.

რეჟისორ გიორგი ოვაშვილის ფილმი გალმა ნაპირი იმ ბავშვზე გვიამბობს, რომელიც, მამის ძებნისას, პირველ რიგში, საკუთარ თავს ეძებს.

ვისბადენის ცენტრალური და აღმოსავლეთ ევროპული ფილმების მე-9 ფესტივალზე goEast გალმა ნაპირი მთავარი პრიზით - ოქროს შროშანიტით დაჯილდოვდა. ფილმს ასევე გადაეცა კინოკრიტიკოსთა საერთაშორისო ფედერაციის ფიპრესის პრიზი.

ფესტივალის ფარგლებში ფილმი სამჯერ იყო ნაჩვენები, მათ შორის მაინის ფრანკფურტის კინოს მუზეუმში. ჟიურის პოლონელი მსახიობი და რეჟისორი ჯერზი შტერი ხელმძღვანელობდა, ხოლო ერთ-ერთ ნევრად მინვეული იყო ქართველი რეჟისორი და სცენარისტი ირაკლი კვიციანიძე.

**გიორგი ოვაშვილი:** ბავშვის თვალებით დანახულმა ომმა ძალიან ააღელვებდა მაყურებელი. ამ კონფლიქტის შესახებ ძალიან ცოტა ინფორმაცია აქვთ ვეროპაში და შესაბამისად, ბევრი შეკითხვები იყო ამ ომის ისტორიის, მიზეზების, ახლანდელი მდგომარეობის შესახებ. ჩემთვის მნიშვნელოვანი იყო, რომ ჩვენებას გერმანიაში მცხოვრები ქართველებიც ესწრებოდნენ, ერთ გოგონას ფილმის დამთავრების შემდეგ გულიც კი ნაუვიდა ემოციებისგან.

რეჟისორის თქმით, დღეს როცა ფესტივალზე ქართული კინოს დეფიციტია, ახალი ფილმის გამოჩენა დიდ ინტერესს იწვევს, როგორც ჩანს, ევროპულ მაყურებელს ქართველ კინემატოგრაფისტებზე ხელი არ ჩაუქნევიათ.

გალმა ნაპირი უკვე მეორე ქართული ფილმი რომელიც ოქროს შროშანს იღებს. 2006 წელს ამ პრიზის მფლობელი ლევან ზაქარაიშვილის თბილისი, თბილისი გახდა.

გალმა ნაპირის ევროპული პრემიერა 7 თებერვალს ბერლინის ფესტივალზე შედგა, სადაც ის საკონსერვო ჩვენებაში მონაწილეობდა სექციის ახალი თაობა.

ფილმი ასევე მონაწილეობდა ბელგრადის საერთაშორისო კინო-ფესტივალის კონკურსში ევროპა ევროპის გარეთ, სადაც ჟიურის სპეციალური აღნიშვნა დაიმსახურა კინოს არსის განსაკუთრებული შეგრძნებისთვის

გალმა ნაპირი აფხაზეთის ომის თემაზე შექმნილი ფილმია, თუმცა კი, რეჟისორის ამოცანა ქართულ-აფხაზური კონფლიქტის შეფასება არ ყოფილა. ფილმში ვერც საომარ მოქმედებებს შეხვდებით. რეჟისორის აზრით, ომის პრობლემატიკის საჩვენებლად სულაც არ არის საჭირო ბატალური სცენების გადაღება, მისი მიზანი იმ შედეგების ჩვენება იყო, რაც ამ ალოგიკურ ომს მოჰყვა. ფილმში მოქმედება ხდება ომის დასრულებიდან რამდენიმე წლის შემდეგ.

მთავარი გმირი 11 წლის ბიჭია, რომელიც იმ თაობის წარმომადგენელია, ვისაც ომის გამო ბავშვობა დაეკარგა და ჯერ არც იმხელაა, რომ კაცად იგრძნოს თავი.

**გიორგი ოვაშვილი:** მინდოდა მეჩვენებინა ამ პატარა ადამიანის ბრძოლა, რომელიც ცდილობს, მოძებნოს თავისი ადგილი, გაიზარდოს და კაცად ჩამოყალიბდეს. ეს არის ერთი ტიპური მაგალითი, რომლის ჩვენებითაც შევცადეთ, მთელი ამ კონფლიქტის უაზრობა გვეჩვენებინა.

ამ როლისთვის 12 წლის თედო ბექაური რეჟისორმა სოფელ ორბეთში იპოვა. პატარა მსახიობის თამაში ბელგრადის ფესტივალზე პრიზით აღინიშნა.

ფილმის გადაღებები საქართველოს თითქმის ყველა რეგიონში მიმდინარეობდა. მიუხედავად იმისა, რომ ძირითად ნაწილში მოქმედება აფხაზეთში ხდება, გადაღებებმა ჯგუფმა აფხაზეთის ტერიტორიაზე გადასვლა და იქ გადაღებების წარმოება ვერ შეძლო. მართალია, რეჟისორის დიდი სურვილი იყო, აფხაზი პერსონაჟები აფხაზ მსახიობებს ეთამაშათ, მაგრამ დიდი მცდელობის მიუხედავად, აფხაზი მსახიობები ამ თანამშრომლობაზე არ ნამოვიდნენ. ფილმში აფხაზურენოვანი ეპიზოდებია, რომელთა ნაწილი აფხაზურ ენაზე გადაიღეს (ქართველ მსახიობთა უმრავლესობამ შეძლო, აფხაზურენოვანი დიალოგები შეესწავლა), მათ კონსულტაციას უწევდა აფხაზური ენის სპეციალისტი ესმა კოკოშვირი.

ფილმში მრავალი სათავგადასავლო ეპიზოდი ჩადებულია, რაც მაყურებელს მძაფრ ემოციურ მომენტებს უქმნის. ყველა ამ ფაქტორის გათვალისწინებით, ასევე იმიტომაც, რომ ტექნიკურად ფილმი ზედმიწევნით მიახლოებულია მსოფლიო სტანდარტებს, გიორგი ოვაშვილი თვლის, რომ კომერციულად მომგებიანი პროდუქტი შექმნა. ამავე დროს, ეს ფილმი არც რო-

მელიმე ასაკობრივ ზღვარზეა გათვლილი და არც კონკრეტულად, რომელიმე ეროვნების მაყურებელზე. რეჟისორი ასევე შეეცადა, ფილმი ვიზუალურადაც ლამაზი ყოფილიყო და თბრობის მიღმა, ბევრი ლამაზი კადრი ეჩვენებინა. ოპერატორად გიორგი ოვაშვილმა ირანელი შაჰრიარ ასსადი მოიწვია, ასევე ირანელმა სპეციალისტმა იმუშავა ხმის რეჟისორადაც. გარდა ამისა, გადასაღები და ხმის ტექნიკაც ირანიდან იქირავეს.

ევროპელებისაგან განსხვავებით ქართველ მაყურებელს გიორგი ოვაშვილის ფილმი ჯერ არ უნახავს. სავარაუდოდ ფილმის პრემიერა მაშინ შედგება, როცა თბილისში საპროტესტო აქციები დასრულდება და კინოთეატრები ნორმალურ ფუნქციონირებას დაიწყებენ.

## გამოთხოვება გაიანესთან

მძიმე ავადმყოფობის შემდეგ, გარდაიცვალა გაიანე ხაჩატურიანი,

გაიანე, ასე მოიხსენიებდნენ მას თბილისში, ერევანში, ყველგან, მსოფლიოს მრავალ ქვეყანაში, სადაც მისი მხატვრობა უყვართ და აფასებენ.

თბილისში დაიბადა, ცხოვრობდა და გარდაიცვალა. სიყვარულით გარემოცული, თავადაც უხვად გასცემდა სიკეთეს. გაიანეს არ სჭირდებოდა არც ტიტულები, არც ჯილდოები. მისი მთავარი სტიმული სიყვარული, ღვთით ბოძებული შთაგონება იყო.

გაიანეს ოფიციალური ბიოგრაფია რამდენიმე სტრიქონით შემოიფარგლება - დაიბადა თბილისში 1942 წლის 9 მაისს. სწავლობდა სამხატვრო სკოლაში (1955-1958). გამოფენებში მონაწილეობდა 1963 წლიდან. 1982 წლიდან იყო საქართველოს მხატვართა კავშირის წევრი.

გაიანეს მასწავლებელი მისი გული იყო. იყვნენ ადამიანებიც, ვისაც აფასებდა, არ ივიწყებდა მისი მხატვრად ჩამოყალიბების პროცესში განეული ღვაწლისთვის. ერთ-ერთი მათგანი, სამხატვრო სკოლის მასწავლებელი გ. ქურდიანი იყო. მის გაკვეთილებს მუდამ მაღლიერებით იხსენებდა. მთავარი მასწავლებელი - დიდი თბილისელი მხატვარი, ფერწერის ოსტატი ა. ბაჟბუქ-მელიქიძეა. ფართო იყო მისი მეგობართა, დამფასებელთა წრე - ე. ახვლედიანი, ს. ფარაჯანოვი, ა. ტარკოვსკი...

წლების მანძილზე მხატვარმა შექმნა საკუთარი სამყარო, ქვეყანა, ზღაპრული და მინიერი პერსონაჟები დასახ-

ლებული პლანეტა - "გაიანია", ფერწერის ზეიმი, რომელსაც ქმნიდა ფერების არაჩვეულებრივი შეხამება, წერის მანერა. ის ბავშვობიდან მოდიოდა, ბებიის ნამღერი უძველესი სიმღერიდან, დედის ალურსიდან, საკუთარი ოცნებებიდან და ხილვებიდან...

მშვენიერ, ფერადოვან, პოეტურ, მელანქოლით, შინაგანი ტიკვილით

ალსავსე სურათებზე სამუდამოდ დარჩნენ მშვენიერი ქალბატონები, უცნაური ცხოველები და ფრინველები, ულამაზესი ნატურმორტები. მისი, ზოგჯერ უცნაურსახელიანი ტილოები: "ვუალი ლვინო", "დილას: იის შრიალი. ლურჯი კაკლის ქნარის საღამო", "ფორთოხლის დღის მსვლელობა", "სპილო - მენამული ხეი", "კარნავალი", "ქვის კამელიები", "აღლებული კვიპაროსი", "ხე-მარაო", "ყვითელი ბრონეულეები", სხვა მრავალრიცხოვანი კომპოზიციები, ნატურმორტები, პეიზაჟები, მხატვრის ტრაგიკული ხედვის გამოხატულება - დედისადმი მიძღვნილი სერია "რეკვიემები", გვიჩვენებენ მხატვრის აზროვნების სიღრმეს და ოსტატობას. კიდევ ერთი თემა - საყვარელი თბილისი, რომელიც მისი შთაგონების მუდმივი წყარო იყო: "მუშტაიდი - მტკვრის შრიალი", "მოსიერნე ქალაქელთა ჯარა"...

გაიანე ხაჩატურიანის ნამუშევრები წარმატებით იფინებოდა ქართველ და სომეხ მხატვართა გამოფენებზე სომხეთში, საფრანგეთში, იტალიაში, გერმანიაში. 2001 წელს უზარმაზარი წარმატება ხვდა მოსკოვში, "ნაშროკინის სახლში" გამართულ მის პერსონალურ გამოფენას. გაიანეს ტი-

ლოები დაცულია თბილისში, ერევანის თანამედროვე ხელოვნების, ამერიკის ზიმერლის მუზეუმებში, მრავალი ქვეყნის კერძო კოლექციებში.

მისი სახე, სამყარო, სული აღბეჭდილია ბაჟბუქის მიერ შექმნილ პორტრეტში, მრავალრიცხოვან ფოტოებზე, დოკუმენტურ ფილმებში, უპირველეს ყოვლისა კი მის ნამუშევრებში.

გაიანე ნავიდა. იგი იმ გამოჩენილ სომეხ მხატვართა რიცხვში ჩაენერა, რომლებიც სხვადასხვა დროს სისხლხორციულად იყვნენ დაკავშირებული თბილისთან - გ. ბაშინჯაგიანი, ე. თათევოსიანი, ჯოტო (გ. გრიგორიანი), ა. ბაჟბუქ-მელიქიძე, ს. ფარაჯანოვი და სხვები.

ვისია გაიანე? ორ მეგობრულ ქვეყანას არ დასჭირდება მისი შემოქმედების გაყოფა - ის ორივეს ეკუთვნის. მხატვრის დიდი სამყარო მთელ მსოფლიოს მოიცავს და მისი ადამიანების გულებთან, სადაც არ უნდა ცხოვრობდნენ ისინი...

ბევრი სტუმარი სპეციალურად ჩამოდიოდა თბილისში გაიანეს ნამუშევრების სანახავად. ახლაც, როდესაც მან სამუდამო განსასვენებელი თბილისში ჰპოვა, კვლავ ჩამოვა მრავალი ადამიანი მისი ხსოვნის პატივსაცემად, მისი ფერწერით დასატკბობად...

*საქართველოს კულტურის, ძეგლთა დაცვის, სპორტის სამინისტრო საქართველოს მხატვართა კავშირი*

# სპორტი

## მერაბ რატიშვილი საერთაშორისო კომისარია

საქართველოს არაერთი საერთაშორისო კატეგორიის არბიტრი ჰყოლია და ჰყავს კიდევ, ხოლო კომისარი - არასდროს. ამ დღეებში საქართველოს კალათბურთის ფედერაციის გენერალურმა მდივანმა მერაბ რატიშვილმა ფიბა-ევროპის მიერ ხორვატიის დედაქალაქ ზაგრებში მოწყობილ კომისართა სემინარ-გამოცდებში მიიღო მონაწილეობა და საერთაშორისო კომისარის სტატუსი მიიღო. ამის თაობაზე უფრო დანერვილებით გვიამბობს თავად მერაბ რატიშვილს, რომელიც ხორვატიიდან ახლახან დაბრუნდა.



მერაბ რატიშვილს ფიბა-ევროპამ საერთაშორისო კომისარის სტატუსი მიანიჭა

ფიბა-ევროპის კომისართა სემინარ-გამოცდებს ზაგრებში უმასპინძლა. მასში 185 ადამიანმა მიიღო მონაწილეობა. მათი ნაწილი მოქმედი კომისარი იყო, ხოლო ნაწილი ჩემპიონატის, პირველად იღებდა მონაწილეობას გამოცდებში. საქმე ის არის, რომ ოთხ წელიწადში ერთხელ მოქმედი კომისარებს გადაბარება უნევთ, რათა თავიანთი საქმიანობის გაგრძელების უფლება მიიღონ.

### მოქმედი და დამწყები კომისარებისთვის გამოცდები სხვადასხვანაირი იყო?

- არა, ყველამ ერთი და იგივე სირთულის გამოცდა ჩაება.

### კონკრეტულად როგორი გამოცდები იყო?

- სანამ გამოცდები ჩატარდებოდა, წინა დღეს გაიმართა

სემინარი, რომელზეც დეტალურად აგვიხსნეს მატჩების ორგანიზებასთან დაკავშირებული საკითხები. განვიხილეთ სათამაშო სიტუაციები. ლაპარაკი იყო ფიბა-ევროპის ეგიდით გასამართი შეჯიბრებების დებულებებსა და სხვადასხვა დეტალებზე. მეორე დღეს კი ჩატარდა გამოცდები კალათბურთის ოფიციალურ წესებში, ფიბა-ევროპის შეჯიბრებათა დებულებებსა და ინგლისურ ენაში.

### რამდენად რთული იყო გამოცდები?

- თუ კარგად ხარ მომზადებული, რთული არაფერია. მე ამ გამოცდებისთვის კარგად მოვემზადე, რისთვისაც განსაკუთრებულ მადლობას ვუხდ

საერთაშორისო კატეგორიის არბიტრ მაკა უპუატაძეს და საქართველოს კალათბურთის ფედერაციის საშეჯიბრო კომიტეტის უფროსს როლანდ ხომერიკს, რომელიც თავის დროზე საერთაშორისო არბიტრი იყო. ამ ადამიანების დახმარებით გავერკვიე ყველა იმ დეტალში, რომელსაც აქამდე ნაკლებ ყურადღებას ვაქცევდი. ეს ძირითადად სამსაჯო საკითხებია, მე კი არასდროს მიმსაჯია მოედანზე. საქართველოს ეროვნულ ჩემპიონატში კომისარობის გამოცდილება კი მეტნაკლებად მქონდა. მომზადებისას აგრეთვე გვერდით მედგენ ჩვენი კომისარები და მსაჯი-მდივანებიც. ასე რომ, ეს მათი წარმატებაცაა.

### გამოცდების შედეგები ზაგრებშივე გაიგეთ?

- არა, შედეგები ფიბამ 10-12 დღის შემდეგ გამოაქვეყნა და მე ეს თბილისში შევიტყვე. 185 მონაწილიდან 169-მ ჩააბარა გამოცდა.

### რატომ გადაწყვიტეთ საერთაშორისო კატეგორიის კომისარობა?

- სურვილი ადრეც მქონდა, მაგრამ თავს ვიკავებდი, რადგან ვფიქრობდი, რომ ჯერ სათანადოდ მზად არ ვიყავი. საბოლოოდ რომ გადავწყვიტე საერთაშორისო კომისარობა, ამასი საქართველოს კალათბურთის ხელმძღვანელობამ ითამაშა მთავარი როლი. კონკრეტულად პრეზიდენტმა ბესიკ ლიპარტიანიანმა და ვიცე-პრეზიდენტმა ლაშა ძიძავამ მიჩიქეს, თითქმის მაიძულეს, რომ ეს ნაბიჯი გადამედეგა. გადაწყვეტილება, ასე ვთქვათ, კოლექტიურად მივიღეთ.

### ახლა ალბათ უკვე ელოდებით საერთაშორისო დანიშვნებს...

- ეგ უკვე ფიბა-ევროპის გადასაწყვეტია, როდის და რომელ თამაშებზე გამგზავნის კომისარად. მსაჯების შემთხვევაში ვიცი, რომ 20-30 დღით ადრე იღებენ შეტყობინებას დანიშვნის შესახებ.

### საქართველოს კალათბურთის ფედერაციის ოფიციალური ვებგვერდი

## ირაკლი მოდებაძის საკითხს "ჩერნომორეცი" უახლოეს ხანებში გადაწყვეტს

ირაკლი მოდებაძის ოდესის "ჩერნომორეციში" დარჩენის საკითხი კითხვის ნიშნის ქვეშაა. ქართველი ფორვარდი უკვე ორი თვის განმავლობაში ირიცხება უკრაინულ კლუბში, თუმცა ძირითადად სარეზერვო გუნდში ირიცხება და პირველი გუნდის შემადგენლობაში ჯერ არ გამოჩენილა. ამასთან დაკავშირებით კომენტარი გააკეთა "ჩერნომორეცის" მთავარმა მწვრთნელმა ვიკტორ გრიშკომ: "მე არ ვიცი, თუ როგორ ემზადებოდა ის ჩვენთან მოსვლამდე, მაგრამ მას ყოველ კვირას რაღაც ტრავმები ემართება. მოდებაძე იმ პირობით ავიყვანეთ, რომ დავაკვირდებოდით და შემდეგ მივიღებდით გადაწყვეტილებას. ახლა ყველაფერი თავად ფეხბურთელზეა დამოკიდებული. უახლოეს პერიოდში გადავწყვეტთ, გავაფორმოთ თუ არა მასთან კონტრაქტი."

## კალაძე სამეულს უმიზნებს

მილანისა და საქართველოს ნაკრების ტრავმირებული მცველმა კახა კალაძემ ერთ ერთ რუსულ გამოცემასთან საუბარში თავისი გუნდის ბოლოდროინდელ წარმატებებზე ისაუბრა.

ამჟამად გუნდი ბრწყინვალე სპორტულ ფორმაშია, ლამაზ ფეხბურთს ვაჩვენებთ და, რაც მთავარია, ამას შედეგი მოაქვს. ჩვენდა სასიკეთოდ, იუვენტუსს მცირე ჩავარდნა დაეწყო. ქულებს ინტერიც კარგავს, მაგრამ ჟოზე მოურიინოს შეგირდების დაწვეა ძალიან ძნელი იქნება. მიუხედავად ამისა, ბოლომდე ვიბრძობებთ. ჩვენ ერთი მიზანი გვაქვს - აუცილებლად უნდა მოვხვდეთ იტალიის ჩემპიონატის სამეულში. ამ სეზონში ჩემპიონთა ლიგაში არ გვითამაშია, რაც ჩვენთვის დიდი დანაკლისი იყო. ამავე დროს მიმჩნია, რომ ჩემპიონთა ლიგაც ნაკლებად მიმზიდველი გახდა. ის, რომ ჩემპიონობის შანსი თითქმის დაგვკარგეთ, იმის მიზეზიცაა, რომ მთელი სეზონის განმავლობაში წამყვანი ფეხბურთელები ტრავმებმა გაანადგურა. ცხადია, მომავალ სეზონში გუნდში ცვლილებები იქნება. განსაკუთრებით ეს დაცვის ხაზს შეეხება. მომავალ სეზონში მინდორზე ვერ ვიხილავთ პაოლო მალდინის, რომელმაც კარიერის დასრულება გადაწყვიტა. ჯერ გაურკვეველია, შეძლებს თუ არა მინდორზე დაბრუნებას ალესანდრო ნესტა, რომელმაც ზურგის უმძიმესი ტრავმა მიიღო. ცვლილებები ნახევარდაცვაშიც იგეგმება, მაგრამ ვის ყიდვას აპირებენ კლუბის მენეჯერები, ეს ჩემთვის უცნობია, - თქვა კახა კალაძემ.

## "ზორჭალოსნები" კვლავ მეცამეტე ადგილზე არიან

საქართველოს მორაგბეთა ნაკრებმა მსოფლიო რეიტინგში 70.39 ქულა და მე-13 ადგილი შეინარჩუნა და კვლავაც იტალიისა და ტონგას ეროვნულ გუნდთა კომპანიაში იმყოფება. ერთა თასზე გერმანიაში გამარჯვების წყალობით მცირე ქულები შეიმატა რუსეთის ნაკრებმა, თუმცა, ეს მე-17 პოზიციიდან აღსაზრებლად საკმარისი არ აღმოჩნდა.

| IRB-ს რეიტინგი 4 მაისისთვის |       |
|-----------------------------|-------|
| 1.ახალი ზელანდია            | 92.68 |
| 2.სამხრეთ აფრიკა            | 89.45 |
| 3.ავსტრალია                 | 85.86 |
| 4.ირლანდია                  | 83.27 |
| 5.არგენტინა                 | 81.56 |
| 6.ინგლისი                   | 80.96 |
| 7.უელსი                     | 80.59 |
| 8.საფრანგეთი                | 79.94 |
| 9.ფიჯი                      | 75.24 |
| 10.შოტლანდია                | 75.23 |
| 11.სამოა                    | 72.57 |
| 12.იტალია                   | 71.23 |
| 13.საქართველო               | 70.39 |
| 14.ტონგა                    | 70.05 |
| 15.კანადა                   | 69.12 |
| 16.იაპონია                  | 68.05 |
| 17.რუსეთი                   | 66.57 |
| 18.რუმინეთი                 | 64.26 |
| 19.აშშ                      | 63.55 |
| 20.ურუგვაი                  | 63.16 |
| 21.პორტუგალია               | 62.16 |
| 22.ესპანეთი                 | 59.01 |
| 23.ჩილე                     | 57.95 |
| 24.ს.კორეა                  | 57.65 |
| 25.ნამიბია                  | 56.82 |
| 26.გერმანია                 | 55.35 |

## ზაზა ფაჩულია კონფერენციის ნახევარფინალში სეზონის საუკეთესო კალათბურთელს დაუპირისპირდება

როგორც იცით, NBA-ს აღმოსავლეთ კონფერენციის ნახევარფინალში ზაზა ფაჩულიას ატლანტა ჰოუქსი რეგულარული სეზონის საუკეთესო გუნდ კლივლენდ კავალიერსს შეხვდება. ამ გუნდის ლიდერი ლებრონ ჯეიმსი კი რეგულარული სეზონის საუკეთესო კალათბურთელად დაასახელეს.

ლებრონმა აჯობა ისეთ ვარსკვლავებს, როგორებიც "ლოს ანჯელეს ლეიკერსის" მსროლელი კობი ბრაიანტი და "მაიაში ჰითის" ლიდერი დუეინ უეიდი. 24 წლის ჯეიმსმა ეს მეტად ძვირფასი პრიზი მიიღო ოპიოს შტატში, ქალაქ ეკრონის სკოლის სპორტულ დარბაზში, სადაც ოდესღაც მისი კარიერა იწყებოდა. NBA-ს რეგულარული ჩემპიონატის ყველაზე ფასეულ მოთამაშეს 1981 წლიდან აჯილდოებენ. ლებრონი ყველაზე ახალგაზრდაა მათ შორის, ვისაც ოდესმე ასეთი პატივი რგებია. "კავალიერსის" ლიდერმა მიმდინარე ჩემპიონატში 81 მატჩი ჩაატარა და საშუალოდ 28,4 ქულა, 7,6 მოხსნა და 7,3 გადაცემა გააკეთა. კლივლენდელებმა რეგულარულ ჩემპიონატში სარეკორდო - 66 გამარჯვება მოიპოვეს. ლებრონი კლივლენდმა 2003 წლის დრაფტზე აიყვანა. 2003-04 წლების სეზონში ის NBA-ს საუკეთესო ახალბედად დაასახელეს, 2008 წელს კი აშშ-



ლებრონ ჯეიმსი სეზონში საუკეთესოდ დაასახელეს

ის ნაკრებთან ერთად ოლიმპიური თამაშების ჩემპიონის ტიტული მოიპოვა. ჯერჯერობით მხოლოდ ეს არის იმ კალათბურთელის პირადი მონაგარი, რომელსაც ხშირად ახალ მაიკლ ჯორდანს უწოდებენ. ამ ორ ტიტულს ამ სეზონში კიდევ ერთი დაემატა და, თუ NBA-ს სპეციალისტებს დავუჯერებთ, წელსვე ლებრონი ჩემპიონის ოქროს ბეჭედსაც მოიგებს.

### ადრიანო სამშობლოში დაბრუნდა

მილანის ინტერის ყოფილი ფეხბურთელი, ბრაზილიელი ადრიანო ბრაზილიის ფლამენგოში გადავიდა. როგორც ამბობენ, ადრიანოს ბოლო დროს იტალიური კლუბის ბოსებთან ცუდი ურთიერთობა ჰქონდა და სამშობლოში მისი დაბრუნება სწორედ ამან დააჩქარა.

იმპერატორად სახელდებული ბრაზილიელი ფორვარდი იტალიის ჩემპიონატში 7 წლის მანძილზე ირჯებოდა და 48 გოლი აქვს გატანილი, თუმცა ბოლო დროს ჟოზე მოურინიოს ფორმაციის გუნდის ძირითად შემადგენლობაში იშვიათად ხვდებოდა, რაც ამბიციური ბრაზილიელისთვის სერიოზული პრობლემა იყო.

### “პალერმოს” მცველი მორის კაროციერი კოკაინზე ჩავარდა

5 აპრილს ტორინოსთან მატჩის შემდეგ კაროციერიმ დოპინგ-ტესტი გაიარა და ანალიზმა კოკაინის კვალ აღმოაჩინა. ამის შესახებ იტალიის ოლიმპიურმა კომიტეტმა განაცხადა.

გაოგნებული ვართ, - თქვა კლუბის პრეზიდენტმა მანუელ სკალაზომმა, - ჩვენ ვებრძვით აკრძალული პრეპარატების გამოყენებას, რომლებიც ახალგაზრდების ჯანმრთელობას ვნებენ. ძალიან სამწუხარო ცნობა მოგვივიდა ოლიმპიური კომიტეტისგან. სანწყინია, რომ ახალგაზრდა ფეხბურთელი, რომელიც ლამის კლუბებში დადიან, ასე იდიოტურად ერთობიან. ეს მათ სპორტულ ცხოვრებას არაფერს მატებს და ორგანიზმსაც იფუჭებენ. თუ ეს მართალია და კაროციერიმ კოკაინი მიიღო, უნდა აღიაროს.

პალერმოელს, სულ მცირე, ორწლიანი დისკვალიფიკაცია ელის.

### კაიზერ ფრანცის აუხდენელი ოცნება

მიუნხენის ბაიერნის პრეზიდენტი ფრანც ბეკენბაუერი ოცნებობს, რომ თავისი გუნდის მთავარ მწვრთნელად გუუს ჰიდინკი დანიშნოს, თუმცა ეს მისი, რომ მისი ეს ოცნება არარეალურია.

გუუს ჰიდინკი ბაიერნის შესაძლო მწვრთნელთა სიაში არ არის, რადგან მისი გადაბირება სრულიად უიმედო საქმეა, - განაცხადა მიუნხენური კლუბის პრეზიდენტმა ფრანც ბეკენბაუერმა. ის, ვინც ჩელსიში იმის გამო არ რჩება, რომ სურს, მომავალი სეზონი მთლიანად 2010 წლის მსოფლიო პირველობისთვის რუსეთის ნაკრების მზადებას დაუთმოს, ბაიერნში არ წამოვა, - დასძინა მან.

### მალუდა რჩება

სეზონის დამთავრების შემდეგ ფლორან მალუდა კლუბის დატოვებას არ აპირებს. ამის შესახებ ბრიტანული სპორტული ინტერნეტგამოცემა Sky Sports-ი იწყობს. ყველა ჭორზე პასუხისმგებელი არ ვარ. არასოდეს მითქვამს, რომ ჩელსიდან წასვლა და ამა თუ იმ გუნდში თამაში მინდა. კლუბშიც არავის უთქვამს, რომ ჩემი გაყიდვა უნდათ. ლონდონელებთან გრძელვადიანი ხელშეკრულება მაკავშირებს და მის ამონურვამდე ამ გუნდში ვაპირებ თამაშს, - თქვა მალუდამ. 28 წლის ფრანგი 2007 წელს ლიონიდან 20 მილიონი ევროს სანაცვლოდ გადავიდა ჩელსიში და პრემიერლიგაში ჩატარებულ 47 მატჩში 5 გოლი გაიტანა. 2004 წლიდან მოყოლებული, მალუდამ სამფეროვანთა შემადგენლობაში 44 შეხვედრა გამართა და სამჯერ აიღო მეტოქის კარი.

### ვან გაალს “მანჩესტერი”-“ბარსელონას” ფინალის ხილვა სურს

ჰოლანდიური ალკმარისა კატალონიური ბარსელონას ყოფილმა მთავარმა მწვრთნელმა ლუი ვან გაალმა, განაცხადა, რომ ჩემპიონთა ლიგის ფინალში მანჩესტერისა და ბარსელონას დაპირისპირების ხილვა სურს.

რეალის წინააღმდეგ ბარსელონა შესანიშნავად მოქმედებდა. კატალონიელთა თამაშის ყურებით სიამოვნება მივიღე. ამ მომენტისთვის ბარსელონასა და რეალს შორის დიდი უფსკრულია. მადრიდელებს, ფაქტობრივად, გუნდი არ ჰყავთ. რაც შეეხება ჩელსის წინააღმდეგ დაგეგმილ განმეორებით მატჩს, ბარსელონას მოთამაშეებს ფინალში გასვლა ძალიან გაუჭირდებათ. პირველ მატჩში ნულოვანმა ფრემ მათ ერთობ გაურთულა საქმე, მაგრამ შეუძლებელი არაფერია. ჩელსიმ იცის, თუ როგორ უნდა ითამაშოს ესპანელთა წინააღმდეგ. თანაც, მასპინძლები იძულებული არ არიან, უკანმოუხედავად შეუტონ. ვფიქრობ, სრულიად შესაძლებელია ინგლისელებმა კონტრშეტევებს მიმართონ. თუმცა, მაინც იმედი მაქვს, ბარსელონა ფინალში გავა, რათა მანჩესტერს დაუპირისპირდეს, - ამბობს ვან გაალი.

## მოურინიოს პრობნოზი



მოურინიომ ჰიდინკი გაამართლა

საუბარი მიჭირს, ეს ჩემი ყოფილი გუნდი მოიგებს, რომელიც მეორე ნახევარფინალში მიადგევს წარმატებას. რაც შეეხება ბარსელონასა და ჩელსის დაპირისპირებას, ლონდონელებზე

კამპზე ჰიდინკმა გუნდს, შეიძლება ითქვას, ანტიფეხბურთი ათამაშა, თუმცა სხვაგვარად ბარსელონასთან წარმატების მიღწევა ალბათ ძნელია. შაბათს

გამართულმა კლასიკომ დაგვანახა, თუ რისი გაკეთება შეუძლია ბარსას გასვლით მატჩებში. ჩემი აზრით, ჰიდინკი თამაშს არ განსწის და კვლავ კონტრშეტევების იმედად იქნება. სწორედ ამით არის ჩელსი ბარსელონასთვის საშიში. ლია თამაშში კი ლონდონელებს ალბათ შანსი არ ექნებათ. ცხადია, ბარსა დღეს ევროპაში ყველაზე ლამაზ ფეხბურთს თამაშობს, თუმცა ჩელსის შეუძლია მისი შეჩერება, - აცხადებს მოურინიო.

იმას, რაც ჩელსისა და ბარსელონას პირველ მატჩში არის-ტოკრატებმა გააკეთეს, არაერთმა სპეციალისტმა უწოდა ანტი-ფეხბურთი, თუმცა ყველა ერთხმად ამბობს იმასაც, რომ ბარსას დასამარცხებლად სხვა მეთოდი, უბრალოდ, არ არსებობს.

## კაკა წასვლას არ აპირებს



კაკამ “მილანს” კიდევ ერთხელ შეჰფიცა ერთგულება

კაკას შესაძლო ტრანსფერზე საუბარი მოსაბეზრებელი გახდა. კვირა ისე არ გავა, ახალი ჭორი არ აგორდეს. მილანის ბრაზილიელი შემტევი ყველაზე ხშირად მადრიდის რეალში გადაწყავთ. სულ ცოტა ხნის წინ ისიც კი ითქვა, რომ კაკას მამამ და აგენტმა შეთანხმებას მიაღწია ფლორენტინო პერესთან და თუ პერესი რეალის პრეზიდენტის პოსტს დაიკავებს, კაკა სამეფო კლუბში გადავა.

იტალიურ მედიაში გავრცელებული ეს ინფორმაცია თავად კაკას მამამ უარყო.

არასდროს მითქვამს, რომ ჩემი შვილი მილანს დატოვებს და არც მოლაპარაკება გამიმართავს ვინმესთან. კაკა ბრწყინვალედ გრძნობს თავს მილანში და კლუბს საკუთარი ერთგულება დაუმტკიცა კიდევ. გაუთავებელი ჭორები მი-

სი შესაძლო ტრანსფერის შესახებ მოსაბეზრებელი გახდა. ჩემი შვილი აპირებს სეზონი ნორმალურად დაასრულოს, შემდეგ დაისვენებს და, მერნ-

მუნეთ, საუბარი სხვა კლუბში გადასვლაზე ვერ იქნება, - განაცხადა ფეხბურთელის მამამ. ზამთარში კაკამ მანჩესტერ სიტის სარფიან შეთავა-

ზებაზე თქვა უარი, თუმცა ამ უარის მიზეზად ის დაასახელეს, რომ სიტი იმ დონის გუნდი არ არის, რომელშიც კაკას თამაში სურს. რაც შეეხება რეალს, ამ გუნდს დიდი ხანია სურს ბრაზილიელის გადაბირება, მაგრამ ჯერჯერობით სამეფო კლუბის ყველა მცდელობა უშედეგოდ დასრულდა.

თავად კაკამ რამდენჯერმე თქვა, რომ მილანი მისთვის მშობლიური გუნდია და კარიერის დასრულებასაც როსონერის შემადგენლობაში აპირებს. თან უნდა, რომ მალდინის შემდეგ კაპიტნის სამკლაურის მოირგოს, რათა მილანური კლუბისთვის იმავე დონის ფიგურად იქცეს, როგორადაც წლების განმავლობაში პაოლო მალდინი ჩამოყალიბდა.

## იყიდება ჰოლანდიური კოლონია



სამეფო კლუბში ჰოლანდიელები აღარ ითამაშებენ

გალაქტიკური კლუბის ნათლია ფლორენტინო პერესი, რომელიც სულ ცოტა ხანში შესაძლოა კვლავ გახდეს სამეფო კლუბის პრეზიდენტი, გუნდის ჰოლანდიელი ფეხბურთელებისგან განმედას აპირებს.

ესპანური მედიის ინფორმაციით, იმ შემთხვევაში, თუ პერესმა საპრეზიდენტო არჩევნები მოიგო, რეალის ექვსივე ჰოლანდიელი ფეხბურთელს გაყიდის და ამის წყალობით დაახლოებით 100 მილიონ ევროს მიიღებს თუნდაც იმისთვის, რომ ერთი მეგავარსკვლავე იყიდოს.

სამეფო კლუბში საპრეზიდენტო არჩევნები 14 მაისს გაიმართება. თუ ეს არჩევნები პერესის გამარჯვებით დასრულდა, ალბათ 15 მაისს ჰოლანდიური ექვსეული ტრანსფერზე იქნება დაყენებული.

პერესი არიენ რობენის, რუუდ ვან ნისტელროის, როის-ტონ დრენტეს, ვესლი სნაიდერის, რაფაელ ვან დერ ვარტის და კლას იან ჰუნტელარის მოცილებას აპირებს.

100 მილიონ ევროდ ეს ფეხბურთელები ალბათ გაიყიდებიან. ერთი კია: რეალს ამ ფეხბურთელების შექმნა 120 მილიონი ევრო დაუჯდა.

რაც შეეხება ჰოლანდიური კოლონიის მოცილებას, ამაში პერესი ალბათ მართალიცაა, რადგან ამ ექვსეულიდან რეალში ნორმალურად მხოლოდ

ვან ნისტელროი და რობენი ათამაშდნენ, თუმცა ამ დუეტსაც ყოველთვის აქვს პრობლემები, კერძოდ, ორივე ხშირად იღებს ტრავმას.

პერესმა იმ ფეხბურთელე-

ბის სიაც შეადგინა, ვისი ყიდვაც ჰოლანდიელების სანაცვლოდ სურს. ახალი გალაქტიკოსების შექმნაში პერესს კაკა, რიბერი, ფაბრეგასი, ხაბი ალონსო, დეიდ ვილია და და-

ვიდ სილვა უნდა დაეხმარონ. ამ ფეხბურთელებიდან რეალს რეალურად ალბათ ხაბი ალონსოს, დეიდ სილვასა და რიბერის შექმნა შეუძლია.

# ველოდებით კარტოზია-ბალავაძის

კარგი ისაა, რომ თბილისს გივი კარტოზიასა და ვახტანგ ბალავაძის სახელობის საერთაშორისო ტურნირი ბერძნულ-რომაულ და თავისუფალი სტილით ჭიდაობაში დაუბრუნდა. ყოველ შემთხვევაში, ერთწლიანი შესვენების შემდეგ საქართველოს დიდი ჭიდაობა უბრუნდება. ეგაა, გაურკვეველია, ფალანგებს ვინ მოეცვლება მასპინძლად. სასურველია, ასეთ მასპინძლად სპორტის სასახლე ვიხილოთ. მით უმეტეს თუ ჩამომსვლელთა შორის კანადელები და ფრანგები არიან.

რა თქმა უნდა, ტრადიციული საერთაშორისო ტურნირის (5-7 ივნისი) ჩასატარებლად საუკეთესო ვარიანტი სპორტის სასახლეა, მაგრამ ჭიდაობის ეროვნულ ფედერაციას საამისოდ იჯარის საფასური არ ხიბლავს. განიხილებოდა ბათუმის ვარიანტიც, მაგრამ ესეც დიდ ფინანსებთანაა დაკავშირებული. როგორც არ უნდა იყოს ჭიდაობის ეროვნულ ფედერაციაში ამ საკითხზე მსჯელობენ და გადაწყვეტილებას უახლოეს ხანებში გაახმოვანებენ.

ამასობაში თბილისურ ხალიჩაზე ასპარეზობის სურვილი რამდენიმე ქვეყანამ გამოხატა. ჩამოსვლის მსურველთა განაცხადებებს სამი კვირის განმავლობა-



მინა ბურაკაშვილი უნდა

ში დაელოდებიან, მერე კი მონაწილეთა ვინაობაც საყოველთაოდ გახმოვანდება. ჯერჯერობით კი ისაა ცნობილი, რომ ქართული მხარისთვის ოფიციალურად საფრანგეთისა და კანადის ფედერა-

ციებს მოუმართავთ. მეტიც ორივე ქვეყანამ საქართველოს ჭიდაობის ეროვნულ ფედერაციას ნაკრების შემადგენლობებიც გამოგზავნეს. სავარაუდოდ თბილისში ვი-

ხილავთ აზერბაიჯანის, ინდონეზიის, სომხეთის, უკრაინის ნაკრებებსაც. ეროვნულ ფედერაციაში იმედი აქვთ, რომ მონაწილეთა ნუსხა 28 მაისამდე უფრო გაიზრდება.

## სერენა პირველობას ირიბებს

დაახლოებით ორი კვირის წინ მსოფლიო საჩოგბურთო რეიტინგის სათავეში აღზევებული რუსი დინარა საფინას პირველობას არაფრად ავდებს ამერიკელი სერენა უილიამსი. ის აცხადებს, ნამდვილი პირველი ნომერი მე ვარო.

ყველამ ვიცით, ვინცაა ნამდვილი პირველი ნომერი. მართალი გითხრათ, მსოფლიოს საუკეთესო მოთამაშე მე ვარ, - კატეგორიულია სერენა უილიამსი, რომელსაც ნოემბერში, საკუთარ დასთან შეწყვილებულს, აშშ-ის ნაკრების რიგებში ფედერაციის თასზე თამაში განუზრახავს. მაგრამ ამაზე ქვევით.

ამერიკელის ნათქვამს მშვიდად შეხვდა დინარა საფინა. მას ასე ლაპარაკის უფლება აქვს, რადგან გაცილებით მეტი დიდი სლემის ტურნირი მოუგია. თან ჩემზე უფროსია და გამოცდილებაც მეტი აქვს. როცა მისი ხნის ვიქნები, მერე დავითვალოთ, რამდენი ტიტული მექნებაო.

რუსი ჩოგბურთელი, რომელიც ამერიკელზე ოთხი წლით უმცროსია, ამბობს, რომ მსოფლიო რეიტინგის პირველ ნომრად ყოფნა საკუთარი თამაშით დაიმსახურა.

ამას გამართლებას ვერ დავარქმევ. დიდი სლემის ტურნირების ორი ფინალი ვითამაშე და ბოლო ერთი წლის განმავლობაში ოთხ ტიტულს დავუფლევ. ეს ყველაფერი ციდან არ ჩამოვარდნილა.



სერენას ფედერაციის თასის მოგება ვინუსთან ერთად უნდა

თემას ფედერაციის თასით გავაგრძელებთ. სამომავლო გეგმებს ახმოვანებს უფროსი უილიამსი, რომელსაც სერენასთან ერთად ფედერაციის თასის ფინალში იტალიის ნაკრების წინააღმდეგ თამაში სურს. ნახევარფინალში, რომელშიც ამერიკელებმა ჩეხები 3:2 დაამარცხეს, უილიამსებს

არ უთამაშიათ. ფინალში თამაშს ვისურვებდი. მე და სერენამ ეს საკითხი განვიხილეთ, - ამბობს უფროსი უილიამსი, - ახლა მთავარია, ტრავმა არ მივიღოთ. იმედი მაქვს, ამ მატჩში მონაწილეობის საშუალება და შესაძლებლობა მოგვეცემა. ეს მაგარი იქნებოდა ამერიკის შე-

ერთებული შტატებისთვის. 2006 წელს ფედერაციის თასი იტალიელებმა დაისაკუთრეს. ამერიკელებს კი 2000 წლის შემდეგ ქალთა გუნდური ასპარეზობა არ მოუგიათ. ფედერაციის თასის ფინალს 7-8 ნოემბერს სწორედ იტალია მასპინძლობს.

### მოტლანდიაში საუკეთესოები დაასახელეს

“სელტიკის” თავკაცი გორდონ სტრანჩანი მოტლანდიაში წლის საუკეთესო მწვრთნელად აღიარეს. ამავე გუნდის მცველმა სკოტ ბრაუნმა კი ქვეყნის ნომერ პირველი ფეხბურთელის ნოდება დაიმსახურა.

როგორც უეფას ოფიციალური ვებგვერდი იუწყება, ბრაუნმა თანაკლუბელ გარი კოლდუელს და “რეინჯერსის” ნახევარმცველებს პედრო მენდესს და სტივენ დევისს აჯობა.

### ჰიიპია “ასპირინელი” ხდება

ლივერპულისა და ფინეთის ნაკრების 35 წლის მცველი სამი ჰიიპია, რომელსაც მერსისაიდულ კლუბთან კონტრაქტი მიმდინარე სეზონის დასრულების შემდეგ გასდის, თავისუფალი აგენტის სტატუსით ლივერპუზენის ბაიერს შეუერთდება.

მხარეებმა ორშაბათს ხელი მოაწერეს კონტრაქტს, რომლის ძალით ჰიიპია 2011 წლის 30 ივნისამდე დარჩება ლივერპუზენში.

ძალიან მიხარია, აქ რომ ვადმოვდივარ და იმედი მაქვს, ერთად წარმატებებს მივაღწევთ, - თქვა მან.

ლივერპუზენის სპორტულ დირექტორს რუდი ფიოლერს სჯერა, რომ ჰიიპია თავისი გამოცდილებით ახალგაზრდა გუნდს მეტ სტაბილურობას შესძენს.

ფინელმა მცველმა 460 მატჩში დაიცვა ლივერპულის ღირსება და მას 35 გოლით შეენია. ნიშნულთან ერთად მან, პრემიერლიგის გარდა, ყველა ინგლისური და ევროპული ტურნირი მოიგო.

ლივერპული მას ენფილდზე დარჩენას და სამწვრთნელი საქმით დაკავებას სთავაზობდა, მაგრამ მან თამაშის გაგრძელება არჩია.

### გრიგალავა სიმბოლურ ნაკრებში მოხვდა

მოსკვას ქართველი ფეხბურთელი გია გრიგალავა, რომელიც დედაქალაქურ კლუბში მიმდინარე სეზონის დასაწყისში გადავიდა, რუსული პრემიერლიგის მე-7 ტურის სიმბოლურ ნაკრებში მოხვდა.

ქართველ მცველს ამგვარი პატივი სეზონში პირველად ერგო. გრიგალავა პერმის ამკართან გასვლით მატჩში კარგი გარჯის გამო გამოარჩიეს.

გიამ მინდორზე 90 წუთი დაჰყო და გუნდში ერთ-ერთი საუკეთესო იყო, მოსკვამ კი 1:0 იმარჯვა.

### ფიგუს მოურიჩოს თანაშემწეობა არ სურს

ინტერის ნახევარმცველმა ლუიშ ფიგუმ განაცხადა, რომ არ აპირებს სამწვრთნელო კარიერის დაწყებას. სეზონის დასაწყისში 36 წლის ფიგუ კარიერის დასრულებას აპირებდა, თუმცა სათამაშო კარიერის გაგრძელება მხოლოდ იმის გამო გადაწყვიტა, რომ ინტერში მისი თანამემამულე ჟოზე მოურიჩო დაინიშნა მწვრთნელად. ამ რამდენიმე ხნის წინ კი გავრცელდა ინფორმაცია, რომ მომავალი სეზონიდან ლუიში მოურიჩოს თანაშემწის თანამდებობას დაიკავებდა. გზის გასაყარზე ვარ. ახლა მომავალზე ლაპარაკი არ ღირს, რადგან საფეხბურთო კარიერა ჯერაც არ დამიმთავრებია. რა თქმა უნდა, ფეხბურთში დავრჩები - სპორტის ამ სახეობის გარეშე ჩემთვის ცხოვრება წარმოუდგენელია. თუმცა ჯერ არ ვიცი, რას გავაკეთებ. არ ვიცი, საიდან გაჩნდა ინფორმაცია, რომ მოურიჩოს თანაშემწე გავხდები. უახლოესი რამდენიმე წლის განმავლობაში მწვრთნელობას არ ვაპირებ, - ამბობს ფიგუ.

### “მარსელს” დეშამი განვრთნის

საფრანგეთის ნაკრების ყოფილი კაპიტანი და ტურინის იუვენტუსის ყოფილი მთავარი მწვრთნელი დიდი დეშამი მომავალი სეზონიდან ფრანგულ მარსელს ჩაიბარებს. დეშამმა უკვე გააფორმა ორწლიანი ხელშეკრულება მარსელის მესვეურებთან. მარსელის ახლანდელმა მწვრთნელმა ერიკ გერეტსმა განაცხადა, რომ სეზონის დასრულების შემდეგ აუცილებლად დატოვებს კლუბს.

ამჟამად 40 წლის დეშამმა 1993 წელს მარსელის შემადგენლობაში ჩემპიონთა ლიგა მოიგო. მას უთამაშია ისეთ კლუბებში, როგორცაა ჩელსი, იუვენტუსი და მონაკო.

### 70 მილიონი რიბერიში

ბრიტანული მედიის ინფორმაციით, მანჩესტერ იუნაიტედმა ოფიციალური წინადადებით მიმართა მიუნხენის ბაიერს ფრანკ რიბერის ტრანსფერის თაობაზე. მანკუნიაუნელები მზად არიან რიბერიში 70 მილიონი ევრო გადაიხადონ.

რიბერის მანჩესტერში კრიშტიანუ რონალდუს შესაძლო შემცველად აღიქვამენ. როგორც ამბობენ, პორტუგალიელმა შესაძლოა სეზონის ბოლოს დაკუნიაუნური კლუბი დატოვოს.

**elite** 2009  
MODEL LOOK  
GEORGIA

**GET TO THE TOP**  
2009

**დაიკყარი მწვერვალი!**  
**გახდი მოდელი!**

საპრიზო ფონდი  
**\$275 000**

Tamar Shedania - Elite Model Look Georgia 2007



**Elite Model Look Georgia 2009**

სამოდელი სააგენტო "IC Model Management"-იგინვეთ საერთაშორისო სამოდელი კონკურს Elite Model Look Georgia 2009-ში მონაწილეობის მისაღებად.

ღინდა ევანგელისტა, სტუდენტი სემინარი, ჯაქვია შიფუჩი, სინდი ჯიჟოფიძე - მათ აიხიეს Elite Model Look-ი და გახდნენ კოპ მოდელები.

13-22 ნაშედეგ ასაკის გოგონებო, გამოიყენეთ თქვენი შანსი, მიიღეთ მონაწილეობა და გადადგით პიხველი ნაბიჯი კოპ მოდელობისაკენ!

გამაჩვენებელი გაემგზავნება Elite Model Look-ის საერთაშორისო ფინალზე, სადაც მას ელის კონტრაქტი სააგენტო ელიტთან და **\$275 000** საპრიზო ფონდი.

თამთა შედანია და ანა კოვაჩი საქართველოდან უკვე თანამშრომლობენ სააგენტო ელიტთან და ნახმატებით აჩვენებენ საერთაშორისო სამოდელი კონკურსს.

**იჩქარეთ! გაიარეთ რეგისტრაცია!**



Anna Kovvach - Elite Model Look Georgia 2008



მისამართი: ნიუ ნორდის №6 ყოველდღე 11.00 - 18.00 საათამდე (კვირის გახდა); ტელ: 200020; 985148; მობ: 855-959025; info@elitemodellook.ge; casting@icmodels.ge

www.elitemodellookgeorgia.ge • www.icmodels.ge



**თვალის მიკროქირურგიის**  
**ჯ ა ვ რ ი შ ვ ი ლ ი ს**  
**კლინიკა**  
**"ოფთალმიჯი"**

**ერთადერთი კლინიკა 8 ფილიალით**  
**და ერთი მოქმედი საოპერაციო**  
**ბლოკით**

**SLT-ლაზერი**  
**გლაუკომის ქირურგიაში**

ოფთალმოქირურგიული ტექნიკის  
უკანასკნელი მიღწევა  
ტელეფონი: 54 53 53; 30 10 80

**დავით ტატიშვილის**  
**სამედიცინო ცენტრის**  
**მანუალური თერაპიის**  
**და სამკურნალო**  
**მასაჟის სპეციალისტი**  
**ირაკლი კიკიბური**

გთავაზობთ:  
ყველა ასაკის პაციენტთათვის - დისკოზის, ოსტეოქონდროზის, სქოლიოზის, ართროზის მკურნალობას, ოპერაციის და ტრავმის შემდგომ რეაბილიტაციას თანამედროვე აპარატურისა და ტექნოლოგიების გამოყენებით.

მის.: დავით ტატიშვილის სამედიცინო ცენტრი  
თბილისი, თენგიზ აბულაძის 20  
(ვაკე, „სამების“ ეკლესიის უკან)  
ტელ.: 91 31 19; 91 32 42; (899) 222 912;

**24 საათი** **The New York Times** **Weekend**  
Articles selected for **24 საათი** **1 მარტიდან**

საჯალო ვაჭრობაში "24 საათის" სამშაბათის ნომერი ნიუ იორკ თაიმსთან ერთად ეღირება 1 ლარი. ასევე 1 ლარი ეღირება შაბათის გამოცემა WEEKEND. ხელმომწერებს ეს ცვლილებები არ შეეხებათ, მათთვის 24 საათის ყველა ნომრის ფასი 50 თეთრი იქნება. მარტიდან შესაძლებელი იქნება 24 საათისგან დამოუკიდებლად მხოლოდ სამშაბათისა და შაბათის ნომრების ცალ-ცალკე გამოწერაც. ასეთ შემთხვევაში ხელმომწერის ფასები შესაბამისად იქნება:

1 წლით ————— 52 ლარი;  
6 თვით ————— 26 ლარი;  
3 თვით ————— 13 ლარი;  
1 თვით ————— 4 ლარი.

დანვრილებითი ინფორმაციისთვის დარეკეთ: 8 (55) 53 56 55 ალექო ლომიძე;